

# Amagara Gaawe Gashemereire Engiri?

Jeffersonville, Indiana, USA

Okwamukaaga 30, 1963

1 Ka tugume twemereire akaanya kakye, obwo turiyo nitwinika emitwe yaitu hati kandi tuteekateekye ahari Mukama. Ku haraabe hariho ebyetengo byona by'okumanyisa Ruhanga, ninshaba ngu hati hati Omwimukize omukono gwawe, batyo, kandi ogumye aha mutima gwawe eky'orikwenda.

Tataitwe ow'omu Iguru, nitusiima ahabw'erindi izooba. Kandi hati ryatandika kurugayo; nirija kuba ebyafaayo. Zaasaaviisi z'akasheeshe aka zaahingwire. Ebigambo ebigambirwe biri omu mwanya, aha rutambi rw'amaraka, kandi turyateekwa Kubibugana ekiro kimwe. Kiryateekwa kuba amazima nari bibe ebishuba. Beitu ni-nitwikiriza ngu N'amazima, ahabw'okuba n'Ekgambo Kyawe.

Hati, nitushaba ngu Otuhe, ekiro eki, ebyetengo ebi turikushaba. Twaimutsya, emikono yaitu, nitushaba ebi turikwetenga. Iwe noomanya ebi turikwetenga, kandi n'ebi turikushaba. N'ahabw'ekyo nitushaba ngu Otugarukyemu, Mukama, kandi otuhe ebi emitima yaitu erikwetenga, beitu obwo, ku turaabe nitubaasa kubikozesa Kukutamu ekitiinisa. Kituhe, Mukama.

Kiza endwara eziri omuriitwe. Ihaho ekibi kyona n'obutaikiriza. Tuhe Ahabyawe . . . omugabo gw'emigisha Yaawe ogundi murundi, ekiro eki, Mukama, twaba nituteekateeka aha Kigambo, n'obwire obu tutwiremu. Twateeranira hamwe, Taata, hatari ahabw'ekindi kigyendererwa kureka kugyezaho kwega oku tushemereire kutuura kurungi okukiraho, kandi n'okutuura haihi Naiwe munonga. Ahabw'okuba nitureeba ekiro ekyo nikiirira haihi, n'ahabw'ekyo nituteekwa kuteeranira hamwe kaingi, kandi tutunye obuhabuzi kuruga Ahariiwe. Kituhe, Taata, omu Iziina rya Yesu. Amiina.

Mwebare. Nimubaasa kushutama.

2 Nimmanya ngu hariho ekibiga kingi munonga, kandi omwanya gwona gupakiire nk'oku guri. N'ahabw'ekyo mutusaasire titwine e . . . ekirikufukiiriza na kimwe. Kandi ni . . . Obundi ekyo kiryaba . . . Hariho ebintu bibiri ebi ndikwenda kukorera ekanisa, ahonaaho naabaasa kugaruka nk'oku ndikwenda kugaruka, ku ndaagarukye omu nteerane omu buteeka. Niinyenda, nabwo, pi-piyano, eze aha rubaju oru, nikwo omuteezi wa piyano abe naareeba abashomi. Niinyenda enanga hanu aha rubaju oru; hamwe n'ekirikufukiiriza. Obwo nimpurira orikushusha oti kyaba kyo. N'ahabw'ekyo turi . . . Nituza kwesiga Mukama, kandi tumanye ngu Naija kukituha.

3 Niinyikiriza, bangambira ngu, Ow'eishe-emwe Hickerson eki niho akiihire omu katabo k'amahurire. Yaakita aha meeza yangye enyima kuri. Ekyo n'ekyo kibiina kya Baamaraika ekiri omuri ako katabo k'amahurire ekyagambirweho. Nimureeba egoy nshusha ya piramidi? Reeba Ogu ahari oru rubaju, eipapa ryemereire, naija atunikire ekifuba Kye batyo, aha mukono gwangye gwa buryo. Nk'oku naagambiire ahari eki kituuti kyonyini, ameezi maangi munonga agahingwire, mwareeba, Nkikyo aho. Kandi akatabo k'amahurire aka Look . . . Nimmanyisa, akatabo k'amahurire aka Life niko Kirimu, a-akaashohoire Okwakataano, 17 Okwakataano, ningira ngu nikwo. Tikwo? Akaashohoire, 17 Okwakataano. Muka Woods yaaba nangambira eriizooba ngu baingi bakamuteerera esimu baamubuuza. Ekyo kiri omu kaashohoire Okwakataano, 17 Okwakataano.

N'ekicu ekitarikwetegyerezibwa. Ekicu ekyo kiri mailo makumi abiri na mukaaga kuza ahaiguru kandi na mailo makumi ashatu obukiika. Kandi ekyo nikyo tubaire nitugambaho hanu. Aho niho Maraika wa Mukama yaashuumire akatengyetsa ogwo mwanya. Kandi gwona . . . Kikayomba munonga . . .

4 Nimmanya ngu hariho omuntu omwe, ku . . . Nintekateeka, Ow'eishe-emwe Sothmann, haine ahu naamureeba, akaanya akaahinguraho. Ari hanu. Yaaba ayemereire . . . Yee. Enyima hanu hanu. Akaba ayemereire haihi obu kyabaho. Ningira ngu nkaba ntari hare munonga nawe. Nkamureeba kwonka, naagyezaho kumuuhubira omukono. Kureka, nkaba nyine ekitangaazo kye ky'oburahuri bubiri. Ekyo, ezo-ezo nyamaishwa, ahu twabaire nituhigira, hakaba haine . . . Hakaba hatari aha kashozi aka. Hati zikatembza zaaza aha kandi kashozi. Naabareeba, eizooba ry'okubanza, naabagambira ah'okuza kuhigira. Nkaza hanu, ahu, ku ziraije kunu, ninza kurasha omu mwanya nzibingye nzigarureyo batyo, nikwo babaase kutunga enyamaishwa za-za-zaaboo. N'ahabw'ekyo, ekaba eri empunu y'omu ishwa.

5 N'ahabw'ekyo naaza seeri, orubaju oru, kandi zikaba zitariyo. Tihariho ahantu hoona ahu zaabaire ziri. Naareeba Ow'eishe-emwe Fred naarugayo, kandi zikaba zitariyo. Yaagarukayo, reero Ow'eishe-emwe Norman yaaza enyima y'akashozi ako. Bwanyima naahinduka, naashuumira omu rusa rukye reero nainamuka, ndi nyenka, nka mailo emwe n'ekicweka kurabira omu kicweka ky'ebiharamanga. Reero naashutama ahansi naareeba oku n'oku. Hakaba nihatandika kutsya.

Kandi nkaba niinyehaho obwo, obu turikweta okwo, obukurura. N'obuntu oburikushusha nk'ebishokonkor. Nimbwiha aha igyema ry'empare ndaingwa yangye, burikushushanira kimwe n'obwo obu naayereebeire niinyehaho obu naabaire ndi hanu nimbagambira aha kworekwa okwo, ameezi mukaaga, haihi, kitakabaireho. Naagira nti, "Ekyo n'eky'okutangaaza. Reeba oku ndi bukiizi-bwa-bumosho gye ahashungaine na Tucson, nka bukiizi-bwa-bumosho bw'obuturukwa-izooba. Nikikora . . .

"Tucson," mwijukye, nkagira nti, "kakye na bukiizi-bwa-buryo bw'oburengyerwa-izooba."

Reero naagira nti, "Ekyo n'eky'okutangaaza." Nkaba nindeeba ebyo bishokonkoro, bati, nimbiiha aha . . . bingi, nimbiiha aha magyema g'empare ndaingwa yangye. Ku oraabe otakazayoga, egyo n'ensi y'eihamba ry'omusheenyi. Teri nk'egi, na kakye. Nihahweza okukiraho nk'emirundi makumi abiri; kandi tihariho miti n'ebindi nk'ebiri hanu. N'emiti y'enkuuru n'omusheenyi byonka.

N'ahabw'ekyo nka-nkaba nimbireeba, batyo. Naafa kwimutsya amaisho gangye ahaiguru. Reero haihi, nkaagira ngu, nk'ekicweka kya mailo okuruga ahi naabaire ndi, naareeba omukumbi gwona gw'e . . . omukumbi gw'empunu z'omu ishwa. Niziruga okwo aha muheru, ahu zaabaire nizirya obunyaatsi oburikwetwa filaari. Reero naateekateeka nti, "Hati, kuri nimbaasa kuhitsya Ow'eishe-emwe Fred n'OW'eishe-emwe Norman kuriya, ogwo nigwo mwanya gwonyini.

6 Kandi omwebazyo ogwabandize, Omwoyo Orikwera akaba naakora munonga omu rusiisira, okuhitsya obu yaabaire nangambira ebintu ebyabaire biherize kubaho kandi n'ebirkubaho. Kikaanyetaagisa kwimuka nkaruga omu rusiisira rwangye.

Reero, ako kasheeshe akaakuratiireho, nkaba ninza okwo eruguru. Reero naatandika . . . Naagira nti, "Hati, kuri nimbaasa kuhika ahari Ow'eishe-emwe Fred, ninza kumutunga enyima y'oru rushozi," ziri nka mailo e-emwe orubaju oru. Kikaanyetaagisa kugyenda nka-nka mailo ibiri, n'okukiraho, kumwihayo, obundi ishatu. Ngarukye bati, nshuume ndabire mu mwanya ogu turikweta omugongo gw'empunu, nyegyere eruguru nti, aha mutwe gw'ezi nshozi z'ebiharamanga, ezisinikire amaino, reero nshuume niinyiruka orubaju oru, nshare nyambukye nyije kunu, bwanyima nshuume ntoore orubaju oru reero mureete. N'ahabw'ekyo nikimwetaagisa kushuumira kimwe, kuhika eifo y'orushozi, kwakiira Ow'eishe-emwe Norman, ezaakuba obundi zaabaire ziri nka mailo ina nari itaano, bwanyima bagarukye. Kandi nkaba ninza kuta a-akacweka kakye ka Kleenex aku naabaire ninza kuhanika aha kicweka ky'o-ky'omuti gw'omurama aho, nikwo mbaase kureeba omugongo ogu ndaarabireho naaba ningaruka.

7 Reero naarugirayo aha mugongo mukye oguriho amabaare maingi agasinikire amaino, kandi hariho e-ekirari ky'engabi ekirikushuumira aha rubaju orundi, nka, oo, yaadi makumi ana, makumi ataano ahansi y'enengo. Bukaba buri nka, oo, bukaba bwakyeire, ngambe shaaha ibiri, nari ishatu. Nooteekateeka ngu ni nk'ezo, Ow'eishe-emwe Fred, obundi shaaha ishatu, ni nk'ezo? Nairuka naaza orubaju oru, jubajuba, kugira ngu empunu z'omu ishwa zitandeeba. N'empunu z'enshaija z'omu ishwa, nimumanya, kandi ziine obwoba bwingi munonga.

N'ahabw'ekyo na-naatembra akashozi bati, reero naashara, naatandika, naatembra akashozi juba. Reero naafa kwirukira, omuri, eki turikweta, okukina kw'embwa. Reero ahonaaho, ensi yoona yaarangira. Nkaba ntakahurirahoga okubaruka okurikutiinisa nk'okwo! Kukatengyetsa, reero amabaare gaahiringita. Kandi naayehurira orikushusha oti ni-nintekwa kuba naateruka fuuti itaano kuruga ahansi, nk'oku kyareebekire. Kikantiinisa. Naateekateeka nti, "Oo, mugyensi!" Nkateekateeka ngu naateerwa eisaasi. Ngu omuntu . . . Nkaba njwaire enkofiira erikwiragura. Naateekateeka ngu nibabaasa kuba baateekateeka ngu n'empunu y'omu ishwa eyaabaire neiruka aha rushozi, omuntu yanteera eisasi. Kikayombera kimwe, ahariinye honyini, batyo. Bwanyima, ahonaaho, Ekintu kyagira kiti, "Ranzya ahaiguru." Nkikyo kikaba kiri aho. Reero Yangambira ati, "N'okushuuuruwa kw'obwo Bumanyiso Mushanju. Garuka omuka." N'ahabw'ekyo, naija ndi aha.

8 Naabugana Ow'eishe-emwe Fred n'OW'eishe-emwe Norman, nk'ahanyima y'eshaaha emwe, obu naababona. Bakaba bakangaraine kandi nibakigambaho. Nkikyo aho. Kandi sayansa neegira ngu tikirikubaasika o-omuringo gwona gw'o-omwika nari ekintu kyona kuhika ahaiguru hatyo, oruho, orwoya. Mwareeba? Niruhika kwonka nka . . . Tinkaamanya. Ni-ni . . .

Itwe, twaza seeri y'amayanja, nitugyenda fuuti enkumi mwenda. Okwo n'ahaiguru y'eihunga. Ezo kubariirira ni nka mailo ina. Kandi gamba, ka tugire ngu, obundi ni mailo ikumi na itaano kuhika ahu orikuba otakibaasa kutunga orwoya. Kwonka ezi ni mailo makumi abiri na mukaaga, kandi Kikagumaho eizooba ryona. Mwareeba? Tibarikumanya eki Kiri. Kwonka, Mukama asiimwe, itwe nitumanya.

Yebare Ow'eishe-emwe Hickerson. Ninja kukibiika omu durowa y'emeeza yangye omwo. Reero ku turaahandiikye ekitabo, ahabw'enki, obwo nitubaasa kukitamu.

9 Nyine akahandiiko kakye hanu ahu bampaire. Niinyikiriza ngu habaireho okweyongyera omu mubaro gwaitu kwiha obu mpereeruka kuba hanu. Nintekateeka eiziina rye ni-ni . . . nari, eiziina rya ishe, David West. Kandi aine omwana muto hanu ou barikwenda kumurikira Mukama. Nikwo kiri? N'ekiro eki, nari n'ekiro ky'Orwakashatu? Tindikumanya. Nikiteekwa . . . Ekiro eki? Ekyo ni kirungi. Kare, kandi shi ekikwatsire . . . Ori David, tikwo? Naaba nintekateeka ngu okwo orikwetwa. Kare. Kandi shi okureeta omwana muto hanu?

Kuri ow'eishe-emwekazi mugyenzi waitu naija hanu ahari egi piyano, akatuha ekyeshongoro kya Mubataasyemu. Omuriisa, ku araabe naabaasa, aije hanu, reero tumurikye omwojo muto ogu ahari Mukama. Hati, nitugyezaho kukireka kiri eky'Ebyahandiikirwe.

10 Ogu mwojo ni mwijukuru waawe, Ow'eishe-emwe West. Nikireebeka nk'ekitarikubaasika, tikwo? Ow'eishe-emwekazi West, ekyo nookireeba ota? Tikiriku . . . Nimumanya eki ndikuteekateeka, n'obu kiraabe? Nimumanya, naanye, ndi shwenkuru.

Nikiinyijutsya Ow'eishe-emwe Demas Shakarian. Akaba ayemereire omumaisho g'omutwe muhango

gw'abantu. Naajwanzya buri kimwe nk'oku naanye mbijwanzya, nimumanya. Akaba ayemereire aho. Yaagira ati, "Nimumanya," ati, "nka-nkagambira Rose nti, mpuriire," ogwo n'omukazi we, yaagira ati, "mpuriire nkuzire munonga okukiraho kwiha mba kaaka." Yaagira ati, "Ngaaha. Manyiise shwe- . . ." Nimumanya, ni . . .

Tori wenka, Ow'eishe-emwe West. Harimu baangi munonga hanu. Kandi tikiine nshonga. Nintekateeka ngu buzima nitubaasa kusiima abajukuru baitu. Eki tikiri . . . Niinyesiga ngu eki tikirikuhurirwa kubi. Kwonka nitubaasa kugira obwire bwingi nabo, niinyikiriza, okukira oku twagizire hamwe n'abaana baitu-baitu. Ekyo nkibuurize omukazi, ekiro kiri. Yaagira ati, "Buzima. Noobakundaho akaire kakye, obagarurira baanyinabo, ogumizamu."

11 Mpaho, nyine omwijkuru muto w'omwojo enyima kuri. Akagira ati, "Taata, buurira. Taata, buurira." Bakashoroza omutoijo Sande ehweire ekiro, reero baaguta aha meeza. Baamutaasyamu, enyima okwo, reero-reero yampuririra aha muzindaaro. Yaagira ati, "Taata, buurira. Taata, buurira."

Reero Billy yaagira ati, "Eego, eruguru hari."

Yaagira ati, "Ngaaha." Reero omutoijo gwajanjaara ahansi hoona. Abaire naayenda kwija hanu, noomanya. Kandi buriijo anyomberera, noomanya, yandeeba omu ruteerane rwona. Naayomba ati, "Taata, buurira." Ayomba n'eiraka rihango munonga. N'ahabw'ekyo nimmanya ngu ni barungi munonga.

12 Yeiwe, tindikumanya yaaba naakubaasa kwetiiza ahari eryo eishokye? Takaryetengire obwire obu. Nyowe nindyetenga. Naayetwa oha? [Ow'eishe-emwekaza West yaagira ati, "David Jonathan." -Omur.] David Jonathan. Eryo t'eiziina rirungi? Mpaho, nkaabaasibwa ki amagara ge gashushana n'ag'abo abu yaayetererwa amaziina gaabo. Daudi, omugabe, Daudi; ou, Kristo n'ow'okushutama aha kitebe kye ky'obugabe; kandi Yonasaani nawe, omunywani orikukundwa. Ka-ka mbagambire, n'abaana bato barungi abarikuschemeza. Nitubasiima, munonga munonga. Ni . . . Arikusisiimuka. Kandi naabaasa-naabaasa kugamba "amiina" kurungi nk'abandi boona, nimumanya, n'ahabw'ekyo tituraikirize ngu kituteganise. Nitumumurikira Mukama.

Nintekateeka ngu ni kirungi munonga, kugira omushaija n'omukazi b'emyaka mito, abu Ruhanga ahaire omwana muto nk'ogu ngu bamureeberere, kandi bakija kumuhayo ahari Mukama. Kandi waakora ekyo, nikyoreka ngu tori . . . ngu orikugarurira Ruhanga ekyo eki Ruhanga akuhaire. Ruhanga amuhe omugisha.

13 Hati, ku oraabe nooyenda kumukiikira, niinyikiriza ngu obundi nyina akaabaasa kumukiikira kurungi kakyeho okukira oku naakubaasa kumukiikira. Kandi shi itwe okumutaho engaro? Ekyo okaakunda kukikora? Habw'okuba, nyine obwoba ngu nimbaasa kumurekura akagwa, nimmanyisa ti kumurekura akagwa, kumuhenda nari ekindi ekiri nk'ekyo, noomanya. Kandi buriijo ngira obwoba bw'okubahenda, noomanya. Mugyenzi-mugyenzi . . .

Meda akagira, enyima okwo . . . Nintekateeka ogu nigwo murimo gumwe aha kituuti ogu ankwatirwa nk'eihari, noomanya. Akunda kukiikira a . . .

Mpaho, reeba hanu, yaaza kundanzya. N'omwana murungi. Eego, sebo. Shana nimbaasa kumukiikira. Tindikumanya. Oo, ow'eishe-emwekaza, reka . . . Niinyesiga ngu tarikuza kugwa. Hanu, ekyo ti kirungi? Ekyo ni kirungi? Ori ota? Kare, hati, murungi 'we.

14 Ka twinikye emitwe yaitu.

Mukama Yesu, emyaka mingi ehwiringire, obu Obukristaaoy bwazaarirwa omu nshusha y'Omuntu orikwetwa Kristo, Mesia oshukirweho amajuta, Eiziina Rye rikaba riri Yesu. Abantu Bakamureetera abaana baabo bato, kugira ngu Abaase kubataho engaro Ze kandi abahe omugisha. Reero Yaagira ati, "Murekye abaana bato baije Ahariinye, mutabazibira, ahabw'okuba Obukama bw'omu Iguru n'obw'abari nk'abo." Ogu mushaija n'omukazi bato barungi abarikuschemeza, baishenku baabo na baanyinenku baabo hamwe n'abo batwire bari abakuratsi b'amazima b'Ekgambo.

Mukama Yesu, nindeeta, kandi nkikiire omu maisho Gaawe, nyowe n'omuriisa, ekiro eki, David Jonathan West omuto murungi ogu. Nimmukuha, kuruga ahari nyina na ishe. Nimuhayo Ahariiwe, Mukama, ahabw'amagara marungi, amaani, obuhangaazi omu kuheereza, okutamu ekitiinisa Ruhanga ow'Obushoboorozi bwona, Owaamureetsire omu nsi egi. Ninshaba ngu emigisha ya Ruhanga egume nawe. Ninshaba ngu Omwoyo Orirkwera agume n'omwana ogu. Ku haraabe hariyo nyentsya, ninshaba ngu abuzye Engiri egi ei abazaire be na baishenku na baanyinenku barikukunda munonga eriizooba. Kikore, Mukama. Hati, omu Iziina rya Yesu Kristo, Ninkuha omwana ogu, omu kumurika amagara ge. Amiina.

15 Ningira ngu nibenda kuteera ekishushani ky'ogu mwana muto. [Kamera yaagamba -Omur.] Naanye, naaguruka.

Ruhanga akuhe omugisha, ow'eishe-emwekaza. Nkaabaasibwa ki oguma nookunda kandi noosiima Mukama Yesu, kandi n'omwana muto ogu ayororerwa omu kutiina Ruhanga, kandi mugira omwojo muto murungi munonga. Nimpamya. Ruhanga agume naimwe.

Nintekateeka ngu yaanaga eky'okumurembesereza kye? Baakibona? Oo, mugyenzi!

Hati, ka tweshongore ekyo kyeshongoro kikye, Mubataasyemu. Buri omwe, twena hamwe hati, ahabw'omwana muto. Kare, ow'eishe-emwekazi.

Mubataasyemu, mubataasyemu,

Mureete abaana bato ahari Yesu.

Tindikumanya engaro nungi ezirkukiraho z'okubatamu. Naimwe tikwo? Engaro za Mukama Yesu!

16 Hati, nimmanya ngu nihootsya aheeru okwo. Niinyenda kugambira omurinzi w'aha kanisa, murumuna wangye, Doc, nari ondiijo, abo abu kirikukwataho. Bamwe aha b'eishe-emwekazi nibashiisha zaasikaati zaabo na-na giriisi eri aha ntebe. Ni bangahi abu eyesiigire ahari zaasikaati zaabo? Ninkimanya, hariho omukazi wangye, bahara bangye babiri, Betty Collins omuto, Muky. Beeler, bamwe aharibo. N'ekintu, giriisi eriho. Ninshaba ngu ogireebe, Doc, ku oraabe noobaasa. Ni, niinyikiriza, n'ahu ba . . . Ni giriisi nari erangi, nari ekindi kintu, aho honyini ahu barikukora ahaiguru n'ahansi, y'entebe. Oti teriho? [Ow'eishe-emwe Edgar "Doc" Branham yaagira ati, "Tizirho giriisi yoona, y'okuzisiimuuraho." -Omur.] Mbwenu, obwo, ti-tindikumanya eki kiri. Ekintu eki nfiire . . . Naakigambirwa, naanye naagira nti ninza ku-kukigambira Doc. Kare.

Hati, Orwakashatu nyekiro n'oruteerane rw'okushaba. Hariho orundi? Mwarurangire? Orangire ebirango byawé, Ow'eishe-emwe Neville? Ebirango byona byarangirwe.

17 Hati, Mukama ku araakunde, Sande erikwija akasheeshe, niinyenda kugamba aha ishomo ry'okuhababira obusingye obu ahabw'okubamba Kristo. Nimugira muti, "Obusingye obu tibukaabaasa kukikora." Nitusa kureeba yaaba baakikozire, nari batarakikozire, kurugiirira aha Kigambo. Hati, Sande erikwija akasheeshe, Mukama ku araabe naakunda. Kuri, hati, ku-ku-ku haraagire ekyabaho . . .

Nshemereire kuba ndi omuri Houston saabiiti egi, nabwo, omu ruteerane, orurikuza kumpitsya aha Sande, n'ahabw'ekyo tindikumanya yaaba ndikwija kubaasa nari ntarikwija kubaasa. Kwonka twine ezindi Sande nydingi z'okukoreramu ebindi, ekyo kitakabaireho, oku biri kwona. Bwanyima tuze Chicago ahabw'oruteerane, nari orukiiko omuri Chicago, saabiiti erikuhereeruka omuri oku kwezi. Reero bwanyima nshemereire kugarura ab'eka yangye Arizona, ahakuba-ahakuba ekihuumuro kyabo kihweire kandi abaana bashemereire kugaruka aha ishomero.

18 Hati, ni bangahi abaashemerererwa okushomwa kw'Ekgambo, hamwe n'emigisha ya Mukama? [Abateeraine baagira bati, "Amiina." -Omur.] Twena twakisemerererwa, munonga munonga.

Hati, hariho ekibiga, kandi nimmanya ngu bamwe omuriimwe nimugarukayo omuka ekiro eki. Nimmanya ngu Ow'eishe-emwe Rodney na Charlie, n'abo abandi, nibateekwa kuvuga orugyendo ruraingwa. Kwonka rindaho kakye, muri omu kihuumuro, tikwo? Eego, nimpurira ngu nimuza kushoha.

"Mukama tateeraho bwire omuntu yaaba naashoha. Torikukura na kakye waaba nooshoha." N'ahabw'ekyo, hati, imwe baishiki 'mwe mugyende nabo. Mwareeba? Naanye ninza kushuuma nkwananise mbeegaiteho, ku ndaabaase. Kandi nimumanya, "Mukama murungi," bakagira bati, "tateeraho bwire omuntu yaaba naashoha." Shoha munonga wa-waahirira weena oteganisiibwe. Nikyo kintu kirungi munonga ky'okuhuumuriraho, eki ndaboine omu magara gangye, n'okuza kushoha.

19 Nkaba nyine kaada nkye, rimwe, okuruga ow'Om. Troutman. Hariho omuntu weena orikwijuka Omw. Troutman, kampuni ya aisi omuri New Albany? Akaba aine kaada nkye aho, erikugira eti, "Okwo aheeru kushoha." Reero yaagumizamu, yaagira ati, "Omushaija oine . . . Buri mushaija, barumuna be, okwo aheeru kushoha. Hamwe n'omuhwezi, obutoosha nibajia kuza, okwo aheeru kushoha." Hakaba hahandikirweho nk'ebintu munaana nari ikumi ebitarikushushana. Reero ku yaahikire ahansi, yaagira ati, "Omuntu naaba ari haihi na Ruhanga okukiraho yaaba naashoha." Kandi nintekateeka ngu ekyo ni nk'amazima. "Abatungi n'abooro boona nibashushana, baaba abari okwo aheeru nibashoha." Mwareeba? "Orikuyamba, obutoosha naija kuza, okwo aheeru kushoha." Kandi buri kintu kikaba kikwatsire ahari, "Okwo aheeru kushoha."

Mbwenu, naaza kubagambira okundi kushoha oku ntwire ninkora okumara nk'emyaka makumi ashatu n'eshatu ehangwire, kubaire kuri okushoha emyoyo y'abantu. Ninshaba ngu Ruhanga atuhwere tureete buri omwe ahari Kristo ou turikubaasa kutunga.

20 Hati, ekiro eki, obu nibukwata aha rutambi rw'amaraka. Hati, akasheeshe aka, (Jim ku araabe ari hanu, nari naakwata aha rutambi rw'amaraka), ni-nintekateeka, aha rutambi rw'amaraka, omuntu akimanyiise, naagira nti, "Okuruga kwa kabiri." Mbaire ntarikumanya okwa kabiri. Ni "Okuruga kwa kashatu."

Omwovo Orikwera omu nshusha y'Enyomyo y'Omuriro, Ruhanga naashuuma omu kweyoreka, akareetaho okuruga kw'okubanza, kandi-kandi enyima omu . . . yaiha Israeli omuri Misri.

Okuruga kwa kabiri akaba ari Kristo naiha Ekanisa omu diini y'Ekiyudaaya.

Kandi, Okuruga Kwa Kashatu, n'obu egoo Nyomyo y'Omuriro erikwiha Omugore omu kanisa. Mwareeba? Okuruga omu y'omubiri; okuruga omu y'omwovo; n'ey'Omwoyo kuruga omu y'omwovo. Ishatu ezo, mwareeba,

ey'Omwoyo kuruga omu kanisa, nimmanyisa. Obwo nitutunga ishatu ezo, obusingye bushatu bwayo.

Hati, ekiro eki, niinyenda kuta obundi butumwa aha rutambi rw'amaraka, kandi nibwetwa: Amagara Gaawe Gashemereire Engiri? Obundi tiburaatware omwanya muraingwa munonga. Mpaho, nyine Ebyahandiikirwe bimwe hanu hamwe n'ebi mpandiikire, kwonka nitwenda kubanza twashoma Ekigambo kya Ruhanga. Tutakakozire ekyo, twinikye emitima yaitu Ahariwe akaanya kakye.

21 Mukama Yesu, omuntu weena, mu mubiri, nari omukazi, nari omwana, naabaasa kubiikuura empapura z'egi Baiburi, kwonka tihariho muntu n'omwe orikubaasa Kugishuurura kureka Iwe. Ninshaba, Mukama, kukwata eri shomo nk'oku riteirwe omu mutima gwangye kuryohereza hoona omu mahanga, ahabw'abantu, kugira ngu bamanye n'amagara ga muringo ki agu bashemereire kutuura. Ahakuba, baangi munonga bambuurize bat, "Amagara g'Omukristaa yo n'amagara g'okuheereza omu kanisa? N'okuhwera abooro, abakyene? Nari ni memba otarikubura omu kanisa? N'okuba omwesigwa w'amazima aha kanisa?" n'ebibuzo ebiri nk'ebyo. Taata, ninshaba ngu okugarukwamu okuhikire kurugye omuri ebi bigambo, ekiro eki, obwo turiyo nitugyezaho ku-kubireetera abantu. Omu Iziina rya Yesu Kristo, twakishaba. Amiina.

22 Hati muze omuri Baiburi zaanyu, omu Kitabo kya Luka Orikwera, kandi nituza kutandikira omu shuura ya 14 n'omushororongo gwa 16, kushoma Ebyahandiikirwe bimwe tutungye ahantu h'okuhamira, kutaho omusingye, ahabw'eki eki twaza kugyezaho kuha nk'edakiika makumi ashatu nari makumi ana. Hati, omushororongo gwa 16 gw'eshuura ya 14 ya Luka Orikwera.

Yesu yaamugira ati: Omuntu akateeka obugyenyi, yaabwetaho baangi.

Obunaku bw'okurya ku bwahikire, yaatuma abahuuku kugambira abeetsirwe, ati: Mwije; a-ahakuba byona byatebeekanisiibwe.

Boona baatandika kwekwatsakwatsa nk'abaragaine. Ow'okubanza yaamugira ati: . . . nguzire ekibanja, nsuemereire kugyenda nkireebe. Naakweshengyereza, ondereere.

Ondijo yaagira ati: Nguzire enim iku z'okuhingisa; ninza kuzigyeza; naakweshengyereza, ondereere.

. . . ondijo yaagira ati: Ntaahize omukazi, . . . n'ahabw'ekyo tindikubaasa kwija.

Omuhuuku yaagaruka, yaabiteekyerereza mukama we. Nyineeka nikwo kukwatwa ekiniga, akagira omuhuuku we . . .

Yetegyereze, ti bahuuku. "Omuhuuku."

. . . Irooko oze omu nguuto n'omu mihanda omuri tauni, oreete abooro n'ebimuga n'empumi n'abarikucumbagira.

Bwanyima omuhuuku yaamugira ati: Mukama wangye, eki waрагiira kyakorwa; kwonka hakiriho omwanya.

. . . mukama we yaagira omuhuuku we ati: Gyenda omu mihanda n'omu buhanda oburikuraba omu bikaari, ogyeme abantu baije, enju yangye ejure.

Ahakuba nimbagambira nti: Tihariho n'omwe ahari abo abeetsirwe, oraamatire aha by'okurya ebi mbateekyeire.

23 Hati, mwayetegyereza, ku haabaireho okukurura kushatu, nimmanyisa emirundi eshatu, yaakyo? Ku baagyenzire, okubanza, kandi bakeeta abo abaabaire bari . . . nimmanyisa abaayetsirwe kwija, kwonka tibaraizire. N'ahabw'ekyo haabaho ehururu y'okutamba endwara, kuza kureeta empumi n'abarikucumbagira. Kwonka nabwo omwanya gukaba gukiriho, n'ahabw'ekyo yaagyenda yaagyema abarungi, ababi, n'abatarikufayo; bashemereire kutaahamu.

Hati, nooshoma endijo nfumu y'eki, ekirikushushana nakyo, omuri Matayo 22:1 kuhitsya ahari 10, ku waakuba nooyenda kukishoma, bwanyima. Kwonka eishomo eri ndi-ndiihire aho: Amagara Gaawe Gashemereire Engiri?

24 Hati, Yesu hanu naagamba . . . Omuntu burijjo agyezaho kwekwatsakwatsa, kugira ngu ataakiira Ekigambo kya Ruhanga ky'okuraarika Kwe. N'obu kyakuba kihamiibwe gye aharibo, ngu n'o-ngu n'Obugyenyi Bwe kandi okuraarika Kwe, kwonka omuntu obwire bwona ayekwatsakwatsa. Kandi ku oraashome Matayo Orikwera 22, nooza kureeba ngu okwekwatsakwatsa kukabayo, nayo. Kandi-kandi bagyezaho . . .

Kikagaruka enyima omu busingye bwona. Kyagaruka omu bwire obwo, kandi kyagira kitit omuntu akabeeta, kandi-kandi akaba aine omusiri gw'emizaabibu. Kandi nitureeba n'orwo rufumu. Kandi n'oku yaatumire abahuuku be kushorama omuri ogu musiri gw'emizaabibu. Omuhuuku w'okubanza akaija, bakakora ki? Baamubinga. Omuhuuku wa kabiri yaija, nawe baamuteera amabaare. Kandi baabinga abahuuku boona; abantu enshaariizi. Omugabe aha muheru, yaatuma, omwana we. Kandi omwana we ku yaizire, nitureeba, ngu, "Bakagira bat, 'Ogu niwe muhunguzi. Twaza kumwita, reero tuhungure ebintu byona." Reero Yesu yaabagambira ati, "Omugabe akatuma baita abo baitsi, kandi baayotsya endembo zaabo."

25 Hati, nitureeba, Ruhanga ku araarika omuntu, kugira eki yaakora, nari okwakiira okuraarikwa oku Amuhaire, haza akakwanga, obwo nihaba hataraho kindi kitsigaire, embabazi zaacheza kwangwa, kureka orubanja. Ku oraateere entambo okaribata seeri y'orubibi rw'embabazi, obwo nihaba hatsigaire ekintu kimwe kyonka, kandi orwo n'orubanja. Kandi nitushanga ngu ekyo omuntu akikozire omu busingye bwona. Kibaireho, haihi omuri buri busingye, omuri Baiburi.

Ruhanga ku yaatumire Noa, omuheereza We, kandi akataho omuhanda gw'okuhungiramu ahabw'abantu boona abaabaire nibenda ku-kujunwa. Kwonka abantu bakasheka kwonka kandi baagaya Noa. Kwonka Ruhanga akataho ogwo muhanda, beitu bakaba baine eky'okwekwatsakwatsa. Kikaba kitari nk'oku okuteekateeka kwabokwabo kw'omurembe kwabaire kuri. Tikira . . . Tikwo baabaire nibakyenda, n'ahabw'ekyo bakeekwatsakwatsa omu biro bya Noa.

26 Bakeekwatsakwatsa omu biro bya Musa. Baayekwatsakwatsa omu biro bya Eliya. Baayekwatsakwatsa omu biro bya Kristo. Kandi n'eriizooba nibeekwatsakwatsa.

Hati, We naagambira Abaisraeli butsimba, abo abaayetsirwe aha bugyenzi, ekyo naanye nabwo nkaayenzire kukikozesa ebiro ebi aha bantu, ekanisa, abeetsirwe kwija aha bugyenzi, kwonka bataije, obugyenzi bw'omwoyo bwa Mukama. Kandi tibakaakikora. Tibarikwenda kukikora. Baine ebindi bintu by'okukora. Nibabona eby'okwekwatsakwatsa.

Hati, kuri Israeli, emyaka enkumi ibiri ehwiringire, baayakiriire okuraarikwa oku bahairwe, tibaakubaire bari nk'oku bari eriizooba. Emyaka enkumi ibiri ehwiringire, Israeli bakanga okwetwa kwija aha bugyenzi bw'okugaitwa bwa kyakiro, kandi baakwanga baatunga ekifubiro. Kwonka, nk'oku Yesu yaagambire, bakateera amabaare kandi baita baanabi abaabaire babatumirweho, ahabw'okwekwatsakwatsa, hati, okwekwatsakwatsa oku baabaire bayayo buri kiro.

27 Nitureeba, omu biro bya Yesu, ngu Tara-Tarakwataniise n'omwe omuribo. Bakagira bat, "Omushaija ogu akatunga ryari obwegye obu? Naaruga omu ishomero ki? Beitu Ogu t'Omwana w'omubaizi? Na nyina tarikwetwa Mariamu? N'abarumuna, ti Yosefu na Yakobo, n'abandi? Nangwa na banyaanya ti bari aha naitwe? Mbwenu omuntu ogu akaiha hi obushoborozi bw'okukora ebi?" Mwareeba? Omu bindi bigambo, Tarakwataniise nabo. N'ahabw'ekyo baagira bat, "Ni Belezebuli. N'Omusamaria. Ariho daimoni, kandi Ashazire. Ni e-Ni e . . . N'Omuntu oriho daimoni, omu bintu by'ediini, kandi Bimugwisize iraro. Kandi nikwo kiri. Ari okwo aheeru nk'omuntu w'eihamba. Murekye Kumutaho omutima na kakye." Kandi nitumanya ekyabaire ahari Israeli. Bakayomba munonga. Bakaba nibahamiza kimwe ngu Omuntu ogwo akaba agwire, okuhitsya obu, oo, Baamucwtereire orubanja. Akagamba, yaagira ati, "Eshagama Ye ebe niitwe yaatukurira n'abaana baitu." Kandi Ekabatukurira okwiha obwo.

28 Yesu akaba naagyezaho kubagambira ngu okwekwatsakwatsa kwabo nikwo kwaitsire baanabi, kandi nikwo kwaitsire abahikiriire abaizire. Bakaakira enyikiriza z'ediini zaabo ez'abantu baabaire babahaire, omu mwanya gw'okukwata Ekigambo kya Ruhanga. Kandi, ahabw'okukora batyo, Ekigambo kya Ruhanga bakakihindura busha.

Hati, obundi nooteekwa kugamba, omuri eki, ngu Oku n'okukunda kwa Ruhanga kandi ekyetengo kya Ruhanga, nari obundi ekindi kintu eki orikubaasa kupangirira, ekiponeire okukira oku Eki kiri. Hati, nooteekwa kwhamu kimwe nari kiri. Torikubaasa kuheereza Ruhanga na mamona. Kandi nooteekwa kugira oti, "Aga nigo Mazima," nari "Ekyo n'ekicweka ky'Amazima," nari "Kyona tikiri Amazima," nari "Tigatairwe hamwe kurungi," nari "Tikishoboroirwe kurungi."

Kandi Baiburi neegamba, ngu, "Ekigambo kya Ruhanga tiku'okushoboororwa omuntu nk'oku arikweyendera." Tihariho ondijo weena oshemereire Kukishoboorora, Kihandiikirwe nk'oku Ruhanga Arikukyenda ngu kishoboororwe. Eki Kirikugamba kyonka, Ekyo, okwo nikwo kishemereire kuba. Kitware nk'oku Kigambire, nk'oku Kihandiikirwe Hanu.

Hati, nibaikiriza enyikiriza zaabo z'ediini. Omu buryo obwo okuraganisa kwa Ruhanga bakuhindura busha aharibo. Ekyo nibakyezuza. Nibaguruka Bakiza hare.

29 Hati, kuri Russia yaayakiriire Omugisha gwa pentekoote, emyaka makumi mushanju na itaano ehwiringire, obu Omwoyo Orirkwera yaashuma omuri Russia, tibaakubaire bari abakomyunisiti eriizooba. Hati, emyaka makumi mushanju na itaano ehwiringire, bakagiraho okusisiimuka kw'amaani omuri Russia. Ruhanga akabashuumamu, reero baagira okusisiimuka kw'amaani, n'omuri Siberia. Kwonka bakakora ki? Bakawanga. Mbwenu eriizooba, ensi ehweire, kandi amakanisa tigarikubaasa kuramya, kureka gaahewa orusa. Kandi n'ab'okuza mu rubanja. Bagiire omu by'obushazi ebi bya komyunizimu; baayeheerayo kimwe ahari Sitaane.

Emyaka makumi ataano ehwiringire, Omwoyo Orirkwera akashuma omuri Bungyereza. Obwire bukye ahanyima y'ekyo haija George Jefferies, na F.F. Bosworth, na Charles Price, Smith Wigglesworth, ago mamanzi rugambwa g'okwikiriza, emyaka makumi ataano ehwiringire, reero baareetera Bungyereza okusisiimuka kw'Omwoyo Orirkwera. Kwonka bakakora ki? Bakabashekerera, baabata omu kihome, baabeeta abashazi, baateekateeka ngu bakaba bahungutukire. Amakanisa gakazibira abantu kwija kubahurikiza. Kandi bakatambira abarwaire, baabinga baadaimoni, kandi baakora emirimo mikuru. Kwonka ahabw'okushanga ngu Bungyereza,

nk'eihanga, rikanga Engiri, e-ebibi byaryo nibimanywa omu nsi yoona. Tihariho eihanga haihi e-erirugire omu kwikiriza omu nsi yoona, nangwa obariiremu na Rooma na Bufaransa, okukira Bungyereza. Niryo nyina w'obugomi. Omu mwanya ogu Finney na baingi omu bashaija emanzi baabuuriiremu, omuri Haymarket, na Charles G. Finney, na Wesili, n'abandi boona, kwonka Bakamwanga.

30 Mbwenu hati, nangwa na saabiiti ehweire, nari ibiri, omu mpapura z'amakuru, nooreeba ahu abashaija baaryo bakuru emicwe yaabo esiisikariire kimwe aha-abaw'okukunda abakazi, okuhitsya obu entatsi zirikutaahamu. Kandi mukuru waabo azoire n'abandi baingi. Obutabo bw'amakuru bukihandiikire. Eki ky'ekihemu kyabo, omuri gavumenti yaabo honyini, kijanjaize eiziina ry'okuhemuka kwabo omu nsi yoona. Ahabw'enki? Rikanga Amazima. Rikagira rwekwatso yaayo, mbwenu rihweire. Bungyereza ekataanira kimwe, na Ruhanga, obwire buraingwa obuhingwire. Ku . . .

Amerika, emyaka ikumi na itaano ehweire, obu okusisiimuka kw'amaani kw'okutamba endwara kwagumizamu kuruga ahari pentekoote, kukatandikaho omu ihanga, reero haabaho okusisiimuka aha ntebe nkuru, Washington, DC. Baapurezidenti, abatsigire ba baapurezidenti, abantu b'amaani, baagavana; ebintu bikuru bikabaho, baagavana hamwe-hamwe n'abantu bakatambirwa. Eky'okureeberaho, nk'Omunyeishengyero Upshaw owaabaire ari ekimuga okumara-okumara emyaka makumi mukaaga na mukaaga, n'ahabw'ekyo bakaba batarikubaasa kuhinduka bakagira ngu tikirakozirwe. Kukaba kubari omu maisho, kwonka Bakakwanga.

31 Kandi, ekiro eki, niyo nshonga erikutuma eihanga eri ryagumaho. Ricwerefirwe orurbanja rw'okucwekyerera. Tihakirihom amatsiko goona ahariryo, na kakye. Ritambuukire omusitaari gwa rwagati y'orurbanja n'embabazi. Kandi ritoorainwe omuri ebyo ebi riine hanu, kutegyeka eihanga eri. Kandi rijunzire, buzima. Eby'obutegyeki byaryo bijunzire. Engyesho z'eihanga eri ziri ahansi munonga okukira ekintu kyona eki ndikubaasa kuteekateekaho. Kandi entwaza yaaryo y'ediini yo ejunzire munonga okukira engyesho. Nirihinduka, omu kukora eki, hati ryegaitsire, aga makanisa goona, ag'eihanga, omu kwegaita kw'amakanisa, reero ryatwara akamanyiso k'enyamaishwa. Ka n'eky'enaku! Ahabw'enki? Kristo akabaha omwanya, "Mwije aha bugyenyi Bwangye," obugyenyi bwa pentekoote, ekirikumanyisa "makumi ataano."

32 Omwoyo Orikwera ku yaashukirwe ahari Russia, bakeetwa aha bugyenyi bwa pentekoote, obugyenyi bw'omwoyo, kwonka Baamwanga. Bungyereza, Omwoyo Orikwera akabashukwaho, kwonka Baamwanga. Amerika, Omwoyo Orikwera akabashukwaho, kandi nabo Bamwangire.

Akeeta emirundi eshatu. Emirundi eshatu, ei Yaatumire, kwonka tibaahirikiriza obwo bugyenyi. Reero Yaagaruka yaatuma, Yaagira ati, "Gyenda ogyeme abo bantu bajie. Emeeza neeteekwa kutebeekanisibwa. Emeeza yaatebeekanisiibwe. Kwonka hakirihom omwanya." Kandi niinyikiriza, ngu, obundi, shana nk'omu meezi makye agarikwija, nari ekindi kintu, nari omwaka, nari eki kiri kyona, Ruhanga naaza kwohereza okundi kutengyetsa omu nsi, ahabw'okuba hakiriyom omuntu aheeru okwo, ahantu nanka, ori Oruzaaro orwamanyirwe ira, oru Omushana gurikuteekwa kujwera, ahantu nanka, ahantu nanka omu nsi. Eihanga, ryo, rihweire.

33 Mbaire nindeeba omu katabo k'amakuru akarikwetwa Life aka saabiiti egi; eifo ahari, mpaho, eifo omuri Little Rock, ijweriho, nari, nimmanyisa, Hot Springs. Kandi okwo ndeebire, ninteekekateeka abaire ari gavana w'ekyanga kya New York, ari hamwe n'orikuzina naayejuura ebijwaro okwo omuri Honolulu, naazina nawe, hati. Kandi hanu, ahaifo y'aho, habaire hariho ondijo mushaija rurangaanwa. Oo, ka n'ekihemu! Reeba eihanga ryaitu eriizooba. Reeba embeera y'e-eihanga ryaitu. Reeba ahu yaahika, oku esiisikaire munonga.

Reeba entwaza yaitu y'ediini ebi. Nikibaasika kita kureeba amakanisa nigabaasa kutaaha omu mbeera ei garimu hati? N'ahabw'okuba bangire kandi baagomera Obutumwa bwa Ruhanga, okwetwa kwija aha bugyenyi. Amagara agari nk'ago noobaasa kugira ngu gashemereire Engiri? Okaabaasa kweta amagara, agarikushutama aho gakaikiriza abantu ba-baago kukora ebintu ebyo, kureetsa sigara?

34 Ekiro kiri, ahaifo hanu, ekanisa emwe, tiimu nkye y'abazaani ekaba neezaanira ahaifo hanu omu kishaayi, reero mutabani muto wa muramu wangye n'omurekyezi w'omupiira wa tiimu emwe ahari ezo tiimu. N'ahabw'ekyo akaba ari okwo naarekyera omupiira, kandi hakaba hariho tiimu y'ekanisa eyaabaire neezaana. Kandi hakaba hariho omuriisa, ari hamwe n'abatsigazi aba, aho aha kishaayi, nibazaana. Kandi omuriisa yaareetsa sigara azikurataniise, w'ekanisa ntaahi yaitu buzima hanu hanu haihi naitwe. Mbwenu okaateekateeka ngu omuntu . . . Kandi nangwa n'abantu abaabaire bashutami aho bakakireeba. Kwonka kihikire nangwa n'ahu batakikitaho mutima.

Ekanisa emwe nkuru, ekanisa y'Ababaputisiti, ei ndikwemanyira, neeshohoza abantu baruga omuri Sande sikuulu, hakiriyedakiika ikumi na itaano, kugira ngu omuriisa hamwe n'abandi boona babaase kwemerera aheeru bareetse, batakaragukire kutaahamu kukora omurimo gwa Mukama. John Smith, omutandiki w'egyo kanisa, akashaba n'amaani munonga, ngu Ruhanga ayohereze okusisiimuka, okuhitsya obu amaisho ge gaazimbire gakahuma nyekiro, reero kikeetaagisa omukazi we kumwebembera kumuhitsya aha meeza kandi yaamugaburira n'ekigiko. Ku . . . Ogwo mushaija akaayehindura omu kituuro kye ku yaakumanya ngu egoy kanisa ehikire omuri egoy mbeera. Niki? Bakeetwa kwija, kwonka baayanga. Nikyo ekyo kyonka. Kandi nimwijuka, Yesu akagamba, hanu omunda, ngu, "Abo abaayetsirwe, haza bakanga, tihariho owaabaire naaza kutamira aha by'okurya ebi Yaabaire abateekyeire."

35 Ruhanga ku ayohereza Omwoyo Orikwera kandi akakongoota aha rwigi rw'omuntu, haza Akamwanga nkana, Rimwe Aryamwanga omurundi gwe gw'aha muheru, reero obwo torikwija kuba omuntu ohiiriirwe. Noobaasa kushutama omu kanisa ohurikize Engiri, kandi oikirizane n'egyo Ngiri. Noobaasa nangwa n'okugira oti, "Nimmanya ngu Ehikire," kwonka Otaagitaho orukumu rwave, Kugiyamba, iwe wenka. Waareeba? Noofa Kugihurikiza, 'habw'okuba noogira oti, "Niinyikiriza ngu Ehikire." Okwo n'Okugisaasibwa.

Nimbaasa kugira nti, "Niinyikiriza ngu ziriya ni doola omutwaro." Ekyo tikirikumanyisa ngu nziine. Waareeba? Nimbaasa kugira nti, "Ago n'amaizi marungi agarikufuka," kwonka nyangye kuganywa. Nimumanya eki ndikumanyisa?

Kandi aga n'Amagara Agatahwaho. Kandi okwanga kukikora, ekiro kimwe noija kutambuuka omusitaari gwa rwagati y'orubanja n'embabazi, reero torigira ogundi mugisha gw'okwija Kugaheebwa.

Ahariimwe abantu abashabira hanu. Tindikujunaanwa ahabw'abo aba . . . nimmanyisa-nimmanyisa abu abandi baheereza barikubuurira. Kwonka, ku eraabe Ehikire, mwine eibanja ry'Okugiha amagara gaanyu. N'enki ekindi eki waakubaasa kubona, ekyakuba eky'omugasho munonga ahariiwe, okukira kumanya ngu noobaasa kutunga Amagara Agatahwaho?

36 Mbwenu shi ku naakubaire ningaba ebijuma by'omubazi hanu, ebi, saayansa ehamize, ebihamiibwe sayansa ngu eki kijuma ky'omubazi nikituma waahangaara emyaka rukumi? Mbwenu, ki-kikaanyetaagisa kureeta abaserukare aheeru hanu, bababinga aha mwanya ogwo. Ekyo tikikaawkwetaagisa kweta abantu kwija omu maisho kwakiira Yesu. Noogyemwa kubateera nikwo bakirugyeho, kuhangaara emyaka rukumi.

Kandi, nabwo, kihamiibwe sayansa ngu Ruhanga Otahwaho, amaani Ge goona g'okuzooka Kwe, agarikukuraganisa Amagara Agatahwaho, kwonka Sitaane naija kutaho amahe ge maangi aheeru aho kukuzibira Kugatunga. Waareeba? Kandi nabwo, noobaasa kureeba, waaba oine obwengye oburikugasha Kugireeba omu kaso kandi orebe ngu Ehikire, kwonka nabwo Ogyangye. Waareeba?

Ekintu nanka, oburyo bw'okwekwatsakwatsa. "Hariho ekibiga kingi munonga. Nduhire munonga munonga. Ninja kukikora, nyencakare." Oburyo bw'okwekwatsakwatsa kwonka, nikyo kyonka eki bakora. Ahabw'okwanga ekiro ky'okutaayaayirwa, nikikutaanisa na Ruhanga.

37 Hati, nitureeba. Kandi, omu Ndagaano eya Ira, bakaba baine eki baabaire beeta omwaka gwa jubili. Obwo n'obu abantu boona, abaabaire bari abahuuku, baabaire nibabaasa kurekurwa enzamba ya jubili ku yaabaire eteerwa. Kwonka omuntu ku yaabaire ayanga kurekurwa, ku haabaire habaho rwekwatso yoona ei yaabaire abaasa kuha, ngu tarikwenda kugaruka omu nsi y'owaabo, obwo kikaba kyetaagisa kumutaho akamanyiso aha kutu, n'empindu, aha kiti ky'omuryango omuri hekalu. Reero n'obu haabaire habaho jubili zingahi, omuntu ogwo akaba aguzirwe burundu. Akaba atabaasa na kakye kugaruka nk'omutuurple omuri Israeli, bundi. Akakora ki? Akanga okwetwa kwe. Kikaba kitarikumwetaagisa kushashura ekintu kyona. Eibanja ry'obuhuuku bwe rikaba rihweire. Eka ye ekaba ekomoroirwe. Akaba naabaasa kugarukira kimwe omu nsi ye y'obutaaho atunga ebintu bye. Kwonka ku yaabaire ayanga kukikora, obwo akaba atagaruka kubarirwa omu Baisraeli, kandi ebintu bye bikaba biheebwa ondiijo.

Hati, ekintu nikyo kimwe omu by'omubiri nikikora n'omu by'omwoyo. Ngu, itwe, nk'abahunguzi b'Amagara Agatahwaho, ku turaahurire Engiri kandi tukamanya ngu n'Amazima, kwonka Tukagyanga, tukagoma kukikora nari Kugihurikiza, nitutwara akamanyiso k'enyamaishwa.

38 Hati, omuntu omwe akagira ati, "Hati, nihaza kubaho a-akamanyiso k'enyamaishwa, ekiro kimwe karyaija." Ka nkugambire. Kaaherize kwija. Waareeba? Ahonaaho Omwoyo Orikwera ku yaatandikire kushuuma, akamanyiso k'enyamaishwa kaatandika kubaho. Waareeba?

Oine ebintu bibiri byonka. Ekimwe ahari ebyo, ni, Ogiikirize, oteebweho Akamanyiso ka Ruhanga. Okugyanga, nootwara akamanyiso k'enyamaishwa. Okwanga Akamanyiso ka Ruhanga nikwo kutwara akamanyiso k'enyamaishwa. Buri muntu yaayetegyereza? [Abateeraine baagira bat, "Amiina." -Omur.] Okwanga Akamanyiso ka Ruhanga nikwo kutwara akamanyiso k'enyamaishwa. Ahakuba, Baiburi neegira eti, "Boona abatarateirweho Akamanyiso ka Ruhanga bakatwara akamanyiso k'enyamaishwa."

Enzamba ku yaabaire eteerwa, boona abaabaire nibenda kurekurwa bakaba nibabaasa kugyenda. Abo abaabaire batarikwenda, bakaba bateebwaho akamanyiso.

Hati, nooreeba, akamanyiso k'enyamaishwa, ku turaakagambeho omu biro by'omu maisho, obwo nibwo karikwija kwetegyerezibwa, nibwo oraamanye ngu n'eki waaherize kukora. Waareeba? Kandi nikwo n'Omwoyo Orikwera ari, Aryayorekwa. Ku turireeba Mukama Yesu naizira omu kitinisa, kandi tukeehuriramu ago maani agarikuhindura, tukareeba abafu nibazooka kuruga omu bituuro, reero tukamanya, ngu omu kaanya kakye munonga akaraakurateho, nituza kuhindurwa kandi tugire omubiri nk'Ogwe. Omwoyo Orikwera aryayorekwa. Reero, okureeba abo Abaamwangire, baryatsigara ahansi, aheeru.

39 Yesu taragizire ngu abaishiki abashugaine bakashohora baaza kubuga Kristo? Bamwe bakagwejegyera, omu bunaku bw'abarinzi b'okubanza, omu bwa kabiri, omu bwa kashatu, omu bwa kana, omu bwa kataano, omu bwa

mukaaga, kuhika omu bunaku bw'abarinzi ba mushanju. Kwonka omu bunaku bw'abarinzi ba mushanju, obwo hakabaho orwari ngu, "Reeba, Kishwera yaija! Mushohore Mumubugane." Reero abo abaabaire bagwejegyeire, baimuka. Obusingye bwona obw'enyima, okuhika ahari Pentekoote, bakaimuka. Waareeba? Kuruga omu busingye bwa mushanju, obusingye bwa mushanju bw'ekanisa, hoona enyima okwo, bakaimuka. Kandi aba abaabaire bari omu busingye obu bw'ekanisa, abaabaire bariho bahuriire, bakahindurwa. Kandi baataahamu.

Omu bwire obwo bwonyini obu baataahiremu, abaishiki abashugaine abagwejegyeire bakaija baagira bat, "Nitwenda kugura aha Majuta gaanyu."

Kwonka baagira bat, "Twine agarikutugasha gonka. Mugyende muze ahari abo Abarikugaguza."

"Kandi ku baabaire nibagyezaho kutunga Amajuta aga, Kishwera yaija." Tihakabahoga obwire omu byafaayo by'ensi, obu Abapisikopi, Ababaputisiti, Abametsodisiti, Abapuresibateeri . . . Empapura z'amakuru ziijwire. Empapura z'amakuru z'abanyadiini nizihimbisa Ruhanga, ngu abo baishiki abashugaine abagwejegyeire hati bariyo nibagyezaho kutunga pentekoote, nibagyezaho kutunga Omwoyo Orikwera. Kwonka abantu tibarikumanya ngu tirikwija kubaho, kurugiirira aha Kigambo kya Ruhanga? "Ku baabaire nibagyezaho kugaruka, Kishwera yaija yaatwara Omugore. Kandi bakabingirwa aheeru omu mwirima, kucwerwa orurbanja," ahabw'okuba bakanga okwetwa kwabo.

abantu boona nibeetwa kwija. Ruhanga, omuri buri busingye, ayohereize Omushana Gwe, kandi Gwayangwa.

40 Kandi, hati, ebiro ebi tibiine mutaano n'ebindi biro byona, okwanga ekiro ky'okutaayaayirwa. Ruhanga yaaba naataayaayira Ekanisa n'abantu, obunaku obwo Mugwakiire. Mutagira ngu nimuza Kugwakiira omwaka oguraje, oruteerane oruraakurateho. Obwire ni, "Hati niryo izooba ry'okujunirwaho."

Kandi mwijukye, Ruhanga takooherenza Obutumwa, ekiro na kimwe, Atabuhamize n'ekirengire eby'obuhangwa. Yesu akagira, We wenka ati, "Ku Ndaabe ntakora mirimo ya Tata, obwo murekye Kuunyikiriza. Kwonka ku Ndaabe ningikora, mwikirize emirimo ku muraabe mutarikubaasa Kuunyikiriza," kandi ku murikugireeba neyorekwa butunu kandi-kandi neehamibwa.

Hati obwire buhikire obu Erikubwanga, reero efumurwe okutu n'empindu, kandi terigaruka Kubuhurira. Hati eyetwaire omu kwegaita kw'amakanisa, kutaahiramu kimwe kutwara akamanyiso k'enyamaishwa.

41 "Kimwe aha bigyendererwa bikuru," omuntu yaaheza kumpa orupapura rw'amakuru hati hati, paapa musya ogu agambire ngu, "n'okugaita amakanisa hamwe." Nibaza kukikora buzima nk'oku nyemereire hanu. Kandi Abapurotesitante nibaza kubeihwabeihwa. Mwareeba? Ahabw'okuba, ekanisa . . . Baiburi neegira, Paulo, nabi wa Mukama, akagira ati, "Ekiro ekyo tikirija, hatakabandize kubaho okutaana na Ruhanga, reero o . . . omuntu ogwo omugomi atakabandize yaashuuuruwa. Ogwo oshutama omuri hekalu ya Ruhanga, naayetunguura, orwanisa ekintu kyona ekyetwa Ruhanga; we, nka Ruhanga," naasaasira ebibi omu nsi, n'ebindi nk'ebyo. Ekintu eki ka kyabaireho! Kwonka kikaba kitarikubaasa kubaho hatakabaireho okutaana na Ruhanga, ekanisa etakatandikire kuruga aha bugyeniyi bw'ebi'omwoyo, ekeegarura enyima ekeekoramu ekibiina. Kwiha obwo ekanisa teragumire n'okushuuuruurirwa.

42 Mwijukye, Israeli ekaba egyenda, nyomushana na nyekiro, eyebemberwa Enyomyo y'Omuriro. Egyo Nyomyo y'Omuriro ku yaabaire egyenda, bakaba bagyenda Nayo. Kandi mwijukye, Ekaba eri Omuriro nyekiro, kandi Ekicu nyomushana. N'ahabw'ekyo Ekaba ebaasa kwija, nyomushana nari nyekiro, obwire bwona. Kwonka, ahi Yaabaire eba hoona, hakaba habaho ekarabo, kugira ngu batabaasa kuremwa Kugireeba. Ekaba eba Omushana nyekiro, kandi Ekicu nyomushana, kandi bakaba Baagikuratira. Eego, sebo. Ekintu nikyo kimwe!

Martin Luther Akagireeba. Akakora ki? Akaruga omu Bukatoriki. Kwonka bakakora ki? Bakombeka orugo rukye okubeetooroora, baagira bat, "Turi Abaaluteeri. Nikyo eki."

Bwanyima Wesili Yaagireeba neeruga aho. Yaagyenda. Bakakora ki? Bakombeka orugo rukye okukyetooroora, baagira bat, "Nikyo eki." Omushana gukakora ki? Gukagumizamu omu maisho, ogundi murundi.

Pentekoote Ekagireeba. Baakora ki? Baaruga omu Baawesili n'Abanazaraayo, n'abandi. Bakakora ki? Bakombeka orugo rukye okukyetooroora, orurikwetwa, "Turi ab'obumwe," na "Turi ab'obushatu," na "Turi Abakwataniise," n'ebi byona. Akakora ki? Ruhanga akagumirizamu kimwe yaakirugamu. Mwareeba?

Ekyo titurikubaasa kukikora. Nituteekwa kukuratira buriizooba, buri shaaha y'eizooba, buri ntambo y'orugyendo. Nituteekwa kwebemberwa Mukama Yesu Kristo. Kyaba kitari kityo, nitutwara amagara g'ekibiina y'ediini. Kandi amagara agatarikukuratira Kristo, buriizooba, tigashemereire.

43 Omushaija ori Omukristaayo aha Sande, akaza aha kanisa, akashutama enyima aho haza akateekateeka ngu ekanisa n'eye ahabw'okuba naakora eki, kiri, nari kiriya, kwonka Orwokubanza akaiba kandi akabeiha. Kandi abakazi abarikugyenda bakaza aha myaro y'abantu boona, kandi-kandi n'aheeru omu nguuto z'omu tauni, bajwaire ebijwaro ebirikwitsa enhoni!

Nteekateekire a-ahari muka purezidenti, takaayesiiga nangwa n'erangi, kuza omu maisho ga paapa; akagaruka, kandi yaatandikaho omurembe gw'abakazi kushara eishokye omu buryo obuhangire omu ihanga.

Kandi n'ebiteeteeyi ebi byona, ngu, ku araabe omukazi omuzaire, buri mukazi omu ihanga naayenda kujwara kimwe omuri ebyo biteeteeyi by'omutindo gw'abakazi abazaire hati. Ekyo kihikire. N'eb'y'okureeberaho. Kandi nibamanya ngu abantu abo ekyo bakaakikora. Nibeetaho omwoyo gw'ensi. Kandi ekyo tiky'Ekanisa ya Ruhanga ohuriire.

Abakazi bashemereire kuhanga amaisho Yesu Kristo. Mushemereire kureeba Saara n'abo abandi ab'omu Ndagaano eya Ira.

44 Hati, bahikire ahu ngu . . . Nkaba nimbuurira ekiro kiri, ahantu hamwe, aha bakazi kworobera abashaija baabo. Okworoba? Yee. Ekyo kikaruga omu mugyenko gw'obushwere, ira munonga. Kwonka ekyo tibarikuza kukikora. Ngaaha, sebo. Nibatuura omuri Amerika, kandi nibakikumanyisa. Tibarikuza kworoba. Kwonka, waaba otakikozire, otarigyezaho na kakye kweyeta Omukristaayo, 'habw'okuba toriwe. Tindikufayo n'obu waakuzina ota kandi okagamba n'endimi, ku oraabe otarikworobera baro, ori aheeru y'okukunda kwa Ruhanga.

Omukazi orikujwara ebijwaro bigufu munonga kandi akakora ebintu ebi ebi arikukora omu ruguuto rw'omu rurembo, oteeyeta Omukristaayo. Nooyenda kugira ensi kandi nabwo ogumye obujurizi bwawe. Torikubaasa kukora ekyo Omu maisho ga Ruhanga, kunu orikumanya kukiraho okutakikora.

45 Yetegyereze, "kufumurwa okutu," kuteebwaho akamanyiso, n'ahabw'ekyo torihurira na kakye. Ijuka, ako n'akamanyiso k'okufa amatu. Torigaruka Kugihurira bundi. Torihurira. Torigaruka kubaasa na kakye, kukikora ogundi murundi.

Oo! "Ekyo omukazi tarikukiikiriza." Oo, mugyenzi! "Otamugambira. Naakiikiriza." Ngaaha. "Naakugambiriraho . . ." Tarikukimanya. Omukazi a-akaabaasa ata . . . Ka nkubuuze, omukazi akaabaasa ata . . .

Nk'oku naagambire aha Sande, ekiro kya Sande ehweire, ekiro eki hahweireho saabiiti emwe, ahari "okwaka kw'etaara erikutukura," oku ngu o-o-obwoko bw'abakazi bwneyongyeire kubonera okukira obundi bwire. Hati, okwo ti-ti kurwanisa abakazi, hati, kureka ekyo n'oku omukazi arikukitwazamu. Mwareeba? O . . . Omukazi ahindukire atyo, kumuta omu kwobibwa, nk'oku na Haawa yaateirwe omu maisho g'omuti.

46 Buri muntu, buri mwana oija ahari Ruhanga, naateekwa kuraba omuri egoo shaaha y'okugyezibwa. Obu n'obusingye bw'abakazi, eri ihanga nikwo riri, ahu ririkuteekwa kuraba omuri okwo kugyezibwa. Ku araabe omukazi oboneire, kandi akawaza nk'ow'eishe-emwekaza, emigisha ya Mukama emubeho. Kwonka ku yaakubaasa we wenka kuhika aha ku-kumanya eki, haza akeeyanika, tihariho kubanganisa nikyoreka ngu aine o-omwoyo mubi ogumuriho. Tagyendereire kuba atyo, tindikukiteekateeka, baingi omuribo tibarikukigyenderera. Kwonka ekyo tibarikukimanya.

Okaabaasa kungambira ngu omukazi w'emicwe, orikuteekateeka akaabaasa kujwara, obu bujwaro bugufu munonga obu barikujwara aheeru hanu omu ruguuto rw'omu rurembo?

Nyine abaishiki babiri abashutami hanu. Tindikumanya abo baana babiri oku bariba. Nimbashabira kwonka. Abaana, ebiro ebi, tindi . . . Tokaamanya. Tindikumanya. Ekyo tibakikingirwe. Nibateekwa kwemerera aha maguru gaabo abiri, omumaisho ga Yesu Kristo, beetonganire. Tibarikubaasa kutaahamu ahabw'ekyo eki ndi . . . aha-ahabw'ekyo eki ndikwikiriza, n'eki nyina waabo arikwikiriza. Tindikumanya ebi bakora. Kwonka buzima niinyikiriza, omu bwire obu, abo baishiki ku baakuza aheeru omu ruguuto rw'omu rurembo, bajwaire ebijwaro by'omuringo ogwo, haza omushaija akabajuma, bajwaire ebijwaro by'omuringo ogwo, tindikuteekateeka, ku naakuba nyine omwanya, ngu nkaabaasa kucwera orubanja ogwo mushaija. Ekyo kihikire. Orubanja ninducwera abo baishiki. Bakaba batashemereire kukikora.

47 Hurikiza. Omushaija ku araateekateekye, kandi nibeegyesa ngu, "Omuntu tarikukira enyamaishwa. Akaruga omu ruganda rw'enyamaishwa." Kwonka reeba, obwo, nooba n'omuta ebiso okwo nka . . .

Nootwara embwa aha mbwakazi nkye omu bwire nanka, neeraba omu ngo n'ebindi byona, ahabw'okuba egoo mbwakazi nkye eri omuri egoo mbeera; empunu, ente, n'endijo nyamaishwa yoona. Kandi ku turaabe twine amagara nk'ag'enyamaishwa; kandi, nikwo turi, ekicweka ky'omubiri. Reero omukazi ku arikweyoreka atyo, ahamya ku naashushana n'egoo mbwa nkye, nari ekintu nikyo kimwe, buzima, ahabw'okuba takaabaire naakora ekyo. Naamanya. Emicwe y'obuntu neemwegyesa ngu omushaija naaza kumureeba. Kandi Baiburi neegira ngu, "Orikureeba omukazi akamwetenga, biri aherize kumushambanaho omu mutima gwe."

48 Ekyo nikitaho obwire bw'okugyezibwa. Kandi Sitaane naaboneza abo bakazi, abajuura ebijwaro, reero abaanika aheeru aho, kukugyeza. Bashaija 'mwe, muhindure emitwe yaanyu. Mube batabani ba Ruhanga. Bakazi 'mwe, mujware nka bahara ba Ruhanga. Mutaribuuzibwa ahabw'obushambani okwo aha Izooba eryo.

Ogwo mukazi ku araabe, n'obu yaakuba ari mwere ata . . . Naabaasa kuba atakakorahoga kibi kyona, nangwa kitakataahaga n'omu biteekateeko bye kukora ekibi. Kwonka ogwo musiisi owaareebire egoo nshusha nunji erikushememeza y'ogwo mukazi, arikumanya ngu n'omushaija; kandi obuhangwa bw'ekikazi buri omu nturugunu emwe, kandi egoo, ey'ekishaija, eri omuri egoo endijo; ogwo musiisi buzima aryakibuuuzibwa aha Kiro ky'Orubanja, owaakikozire n'oha, orubanja n'orw'oha? Ti mushaija. Niwe. Nikyo ekyo, obushambani.

49 Reeba eri ihanga. Kikaba kiba, obu ba-baabaire baine ebiteeteeyi ebirikuhiha aha maju ebi abakazi baabaire bajwara, kikaba kitwetaagisa kutuma Paris kugira ngu tubitungye. Ebiro ebi, Paris neetuma hanu kugira ngu babitungye. Risiisikaire munonga okuhitsya obu Paris etakibaasa kuza omu mpaka naryo. Ekyo kihikire. Yoona . . . Ahabw'enki? Okwanga Engiri. Ahabw'enki?

Paris ekaba Etagiine. N'Obukaturiki bwonka igana ahari igana. Abapurotesitante tibarikubaasa nangwa n'okuzayo. Reeba Billy Graham. Nintekateeka ngu hariyo Abakristaayo magana mukaaga bonka omuri Paris yoona, omuri zaamiriyoni z'abantu, Abakristaayo magana mukaaga, Abapurotesitante. Abo tibajwire Omwoyo Orikweria. Abo n'Abapurotesitante kashushu kwonka, bari magana mukaaga, omuri zaamiriyoni kubazamu zaamiriyoni z'abantu. Tibaratungire omwanya gw'Okugyanga.

Kwonka abantu aba baine Engiri. Kandi ku barikuruga aha Butumwa n'Engiri ei bareebire neeyorekwa, Bakagishekyerera ahabw'okuba enyegyesa eya ira y'obwamaraya ebahindwire; kandi n'omuriisa nanka ayemerera aha kituuti, naateekateeka munonga ahari doola hamwe na tikit y'eb'y'okurya okukira oku arikuteekateeka aha myoyo, abantu abu arikubuurira, nikwo kiri, ekyo nikyo kikireetsire. Hati neeyebembera ensi.

50 Mwijukye, enshumi nkye ehwiringire omuri tabirinaakuru egi. Nkabuurira aha ishomo, nk'emyaka makumi abiri ehwiringire erirkugira riti, "Naaza kubooreka ruhanga-kazi w'Amerika," kandi tukaba twine omukazi mukye w'omurembe hanu, ashutami aho nakyo. Ekyo nikyo kiri. Hati nangwa, nibakitunga. Nibatunga eki baashabire. Kandi nibaza kikitunga. Nikyo ekyo kyonka.

Ngaaha. Tibakaakikiriza. Ngaaha, sebo. Nibakumanyisa ngu n'abatuuragye b'Amerika, kandi ku baine obugabe ku-kukora ebyo byona ebi barikwenda. Niinyetenga . . .

Ka mbagambire. Naaza kubagambira hati. Ngaaha, sebo, eby'obutegyeki tibirikora. Ngaaha, sebo, demokurasi terikora na kakye. Demokurasi ejunzire, buzima. Kuri neeyebemberwa ekibiina ky'Abakristaayo, ekaabaire nungi. Kwonka waagita aheeru okwo omu nsi, neeba etaine muhoho. Buzima kihikire.

Reeba hanu, ebiro ebi. Ekintu kyona nikibaasa kubaho, reero babe nka . . . Ekintu kyona, waataasyamu eby'obutegyeki bikye, nibaza kugumizamu n'obwitsi.

51 Obu mbuurira eifo okwo, ekiro ekyo kugyezaho kukiza amagara g'abo baana babiri. Basingirwe orubanja nk'oku okusingwa orubanja kurikubaasa kuba. Nangwa n'ogwo mutonganirizi akaanyemerera enyima aho, yaagira ati, "Kihikire." Yaagira ati, "Tindikwikiririza omu kwita abantu." Yaagira ati, "Ku orikureeba omu bihandiiko byanyu by'emanja z'amaani, n'oha oitirwa omu ntebe z'amashanyarazi n'ebindi? Ti batungi. Naabaasa kugura omutonganirizi n'okutuga, obushwashumi bugubire nanka, hamwe n'enziq zimwe hanu, n'ezindi enyima hanu, atugiirire ekintu ekyo." Yaagira ati, "N'abaana enshoberwa nk'abo, abataine sente ezirikumara kwegurira eby'okurya birungi, nibo abo abarikufubirwa. Nibo abo abu barikwitisa amashanyarazi, omuntu ori nk'abo beeta ekibiina ky'abantu abashema, kandi nibagumya eziina ryabo ry'ekifubiro ky'okufa."

Naagira nti, "Obwitsi bw'okubanza obwakozirwe omu nsi, mwene ishe akaita mugyenzi we, kwonka Ruhanga tarakimwitiire. Akamutaho akamanyiso, ngu hatagira n'omwe owaamwita. Kihikire. Ogwo n'Omuramuzi Orikukirayo."

Nindeeba bakabaihaho orwo rubanja. Hati nibaza kuteebwaho ogundi mushango. Tihariho kubanganisa, nibaza kubatsiba emyaka y'amagara gaabo yoona, eraije kuba emyaka ikumi na gumwe, kandi obundi baheebwe ekifubiro ky'okutsibirwa aheeru y'ekihome. Basingirwe orubanja. Buzima. Basingirwe orubanja. Bashemereire kutwarwa omu kihome, kumarayo obwire bw'amagara gaabo goona, kwonka tibashemereire kwitwa. Tihariho omuntu oine obushoboorozi bw'okwita ondijio muntu. Ngaaha, sebo. Tindikukiikirizamu. Ngaaha, buzima.

52 Oo! Nibagira . . . Ahabw'enki, tibarikwikiriza ngu bari aheeru y'okukunda kwa Mukama, ahabw'okuba nikyo ekyo kyonka eki barikumanya, nikyo kyonka eki barikwenda kuhurira. Bakaigara amatu gaabo ngu batahurira Amazima, omunda omwo.

N'Abanyamisri bakaba batarikwenda kumanya ngu ekyo kibiina ky'abarikwera abeekuringa ahansi eifo okwo kikaba kiri okukunda kwa Mukama. Bakaabaire nibendera ki kumanya ngu omuntu omwe oshazire akaijayo okwo, naaruga omu ihamba, n'ebireju nibirereetera ahansi bat, reero yaagira ati, "Faraho, naija omu Iziina rya Mukama. Rekura abaana abo."

Faraho akaagizire ati, "Oha, nyowe? Mumunagye aheeru." Waareeba? "Nyowe."

"Ku oraabe otakikozire, Mukama Ruhanga naaza kuteera eri ihanga."

Nabwo, "Ogwo mugurusi oshazire, mumute aheeru omu mwanya nanka. Mumurekye agyende. Eizooba ryaba nk'eryamatubura omutwe." Mwareeba? Kwonka kikareeta orubanja, ahabw'okuba ogwo mushaija akaba ari nabi kandi akaba aine OKU NIKWO MUKAMA ARIKUGIRA. Kihikire buzima. Bakaba batarikwenda kukiikiriza.

Rooma ekaba etarikwenda kukiikiriza, nayo, kwonka nabwo kikabaho.

53 Israeli ekaba etarikwenda kwikiriza ngu ogwo akaba ari Mesia. "Bakaabaasize bata, ekibiina kya-ekibiina ky'Abanyagalilaaya?" Nibagira bat, "Aba boona t'Abanyagalilaaya? Bakaruga hi? N'ekibiina ky'abantu ba muringo ki eki Arikukwatanisa nakyo? Ekibiina ky'abooro runkunku bonyini eki orikubaasa kuteeranira hamwe, ekyo nikyo kibiina ky'abantu eki Arikukwatanisa nakyo. Abo nibo baija Kumuhurira, n'abantu abooro, abantu abo abataine eki barikumanya. Tibatoorainwe. Tibari-tibari banyabwengye nkaitwe. N'ekibiina ky'abooro." Nimuhurira nikigambwa aha kusisiimuka omu biro ebi. "Ni bantu ba muringo ki ababahurira? Ni bantu ba muringo ki abaza omu nteerane ezi? Ni bantu ba muringo ki?"

54 Nkahurira omuntu omwe naagamba, enshumi nkye ehweire . . . Mpaho, akaba ari nk'o . . . Akaba ari iba nyina wa Hope. Kandi nkaba nimugambira aha kubatiziba n'Omwoyo Orikwera. Yaagira ati, "Hati, n'oha owaakwikiriza ekintu nk'ekyo, shana ori nk'ekibiina eki mwine eruguru okwo?" Yaagira ati, "Reka Nanka na nanka, omushuubuzi hanu omuri tauni, mubi nka boona, agire ngu akaheebwa Omwoyo Orikwera, reero nkiikirize."

Naamugira nti, "Reka kwemereza omutima. Tarikigamba na kakye." Ogwo mushaija akakanuka, ataine Ruhanga. Mwareeba?

Oyerinde eby'orkukora. Oyerinde eby'orkugamba. Nooyenda amagara agashemereire Engiri. Kihikire.

55 Abaisraeli tibaraikiriize ekyo, ekyo kibiina ky'abantu. "Ogwo mugwa eiraro, orikwetwa Yesu owa Nazareesi, owaazairwe," bakateekateeka ngu, "n'ekinyandaaro." Kandi abantu bakakiikiriza. Ahabw'okuba, bakagira bat, "Ogwo akaba atari owe. Ahabw'enki, Ishe ni Yosefu, kandi Mariamu akaba ari ow'okuzaara ogu Mwana batakabaire nangwa . . . Akazaarwa, ahabw'enki, n'ekinyandaaro. Kandi We niki? Omushazi. N'omwe ahari abo bantu abarikushetsya. Mutaza Kumuhurira." Bakakora ki? Bakaba nibatwara amagara gaabo okuzimu. Bakatwara . . .

Yesu akagira ati, "Mubarekye. Empumi ku eyebembere endijjo, zombi tizigwa omu kiina?" Ekyo nikwo kiri. Bakaba batarikukimanya. Tibakaakikiriize. Bakaba batarikubaasa.

Bakaba batarikubaasa kureeba oku abantu b'obutoosha baine Obutumwa obwanguhi, okwangwa, baabaire nibabaasa kutuma eihanga ry'amaani ryagwa rikaba amatongo. Hati hurikiza. Bakaba batarikubaasa kwetegyereza ekyo: ekibiina ky'abantu b'ahansi, banguhi, b'obutoosha. Noomanya, Baiburi neegira ngu, "Omutwe gw'abantu ab'obutoosha guhurira Yesu gushemereirwe."

56 Nkagiraho ekintu kikye ekyabaire omuri Mexico, enshumi nkye ehangwire. Genero Valdena, entoore ya Ruhanga, Omushana gukajwa omu muhanda gwe ekiro kimwe, omuri rumwe aha nteerane ezo. Ogwo Mukatoriki mukuru emanzi, omwe muri baagenero ab'ahaiguru munonga omuri Mexico, akaija n'obucureezi aha kituuti yaabatiziba n'Omwoyo Orikwera. Yaagarukayo eifo omuri Mexico. Yaaguma naantakira, ngu nshuumeyo. Aha muheru, naacwamu kushuumayo. Mukama akaanyebebera; naatunga okworekwa. Naagambira omukazi wangye. Naashuumayo.

Kandi ku yaakikozire, we ahabw'okuba omwe ahari baagenero baabo bakuru, genero w'ecepe ina, akagyenda yaahika aha ntebe nkuru, omu gavumenti. Reero, bo, bakazire munonga aha Bapurotesitante eifo okwo, nimumanya. N'ahabw'ekyo bakamanya ngu oru niruza kuba oruteerane orurimu akajagararo k'amaani, n'ahabw'ekyo yaashuumayo reero yaareeta abarinzi b'abaserukare. Kandi ku baakozire batyo, baatunga ekishaayi ky'emizaano kihango. N'ahabw'ekyo bakaba nibenda kuntaasyamu batyo. Gavumenti ekaba neentaasyamu.

N'ahabw'ekyo, ku baakozire ekyo, bi-bishopu, omwe ahari baabishopu bakuru b'ekanisa Katorika, yaagyenda yaamuhikaho, yaahika ahari gavana, yaagira ati, "Sebo, nimpurira ngu nooza kureeta omuntu otari Mukatoriki."

Omutegyeki yaagira ati, "Eego. Kiine enshonga?"

"Ahabw'enki," bishopu yaagira ati, "torikubaasa kureeta omuntu nk'ogwo hanu. Gavumenti egi tekakoraga ekintu nk'ekyo."

57 "Kwonka," ogwo mutegyeki yaagira ati, "hati twakikora." Yaagira ati, "Ahabw'enki, ogwo mushaija n'omuntu w'ekitiinisa. Nimpurira ngu enkumi n'enkumi z'abantu baija kumuhurira. Genero Valdena, ni munywani wangye w'aha mara." Yaagira . . . Kandi akaba aine e . . . Purezidenti we wenka n'Omupurotesitante, nimumanya, Omumetsodisiti. N'ahabw'ekyo yaagira-yaagira ati, "Ogwo mushaija n'omuntu w'ekitiinisa, nk'oku ndikumanya." Yaagira ati, "Genero Valdena hanu, ajuniirwe ahansi y'ogu mushaija." Ati, "Ahabw'enki, ni, okurugiirira aha kumanya kwangye, n'omuntu w'ekitiinisa." Ati, "Enkumi n'enkumi z'abantu, nibagira ngu, nibaza kwija kumuhurira."

Reero bishopu ogu yaagira ati, "Ni bantu ba muringo ki, sebo? Abashema bonka. Nibo abo abazayo, kuhurira omuntu nk'ogwo."

Purezidenti yaagira ati, "Sebo, mubatuuraine okumara emyaka magana ataano, ahabw'enki bari abashema?" Ekyo kikamara. Ekyo kikashoboorora. Oo, mugyenzi! Ekyo kikabakuura amahembe. Eego, sebo. Yee.

58 Reero ogwo mwereere muto ku yaazookire omu bafu, nkoohereza entumwa enyima y'ogwo muntu. Ogwo mukazi akaba naagamba, omu rurimi rw'abantu ba Spain ati, "Omwereere yaafa, akasheeshe aka shaaha ishatu."

Kandi enjura, ekaba neeyeshuka. Nitutunga haihi nk'omutwaro gw'abantu abarikwija ahari Kristo, buri kiro.

Ekiro ekyabandize, omugurusi empumi akaba yaahumuukiire aha kituuti. Oo, ebirundo by'etahulo ezikuzire n'enkofifira ebirikwingana n'obuhango bw'egi tabirinaakuru kashatu nari kana, kandi bihikire ahaiguru nka bati, ebyabaire birambikirwe aho. Reero naafa . . .

Bakanshuumiza aha miguha, omu mwanya ogwetooroire nk'enziga gw'okukoreramu emizaano, kugira ngu bantaasyemu. Nkagyenda naaza aho naatandika kubuurira, ahabw'okwikiriza.

Billy yaija, yaagira ati, "Taata, nooteekwa kugira eki waakora, omukazi oriya. Nyine abakuumirizi magana ashatu abeemereire hari. Kwonka tibakaabaasa kuzibira omukazi mukye munonga, oine kilo makumi ataano, haihi." Kandi omukazi mukye oboneire, muraingwa nka bati, haihi, yeimwe, obundi shana n'omwana we w'okubanza. Nkaagira nti aine emyaka makumi abiri n'eshatu nari makumi abiri n'etaano.

59 Kandi akaba ayemereire aho, n'eishokye rye nirireereetera ahansi, kandi akiikiire omwana muto. Kandi akaba aguruka atomera runyiriri n'amaani. Abashaija bamutsindika bamugarura enyima. Abatemba ahaiguru, ogwo mwana we amuri aha nyugunu, omuringo gwona, abaraba omu maguru, nari ekindi kyona. Bakaba bamuhitsya aho, kandi kibeetaagisa kumubinga aha kituuti n'amaani.

Kandi bakaba bataine kaada y'ab'okushabirwa y'okumuha. Yaagira ati, "Ku ndaamwikirize kutaahamu, taata, n'oriya mwereere ofiire, ataine kaada y'ab'okushabirwa, kandi . . ." Yaagira ati, "Abo abandi abeemereire aho, batwire beemereire hanu okumara ebiro bibiri nari bishatu, omuri egoy njura n'omushana. Reero mwikirize abatangye omu maisho," ati, "nikiza kureetaho a-akajagararo eifo kuri.

Naagira nti, "Ekyo ni kirungi." Ow'eishe-emwe Moore akaba ariho, kandi ari nk'oine oruhara nkaany. Naagira nti, "Ogwo mukazi tarikumanya oha n'oha, abantu baangi munonga." Naagira nti, "Tuma . . ." Reero-reero ab'eishe-emwe babiri; ow'eishe-emwe wa hanu omuri tabirinaakuru, ogwo hati ni nyakwegyendera ari omu Kitiinisa. Tindikubaasa kwijuka eiziina rye obwire obu. Kwonka akaba ayeemereire enyima aho. N'ahabw'ekyo naagira nti, "Ow'eishe-emwe Moore, shuuma ozeyo, oshabire ogwo mwereere. Taraije kumanya n'oha, yaaba ariinye nari iwe. Fa kushuumayo. Kandi akaba atarikubaasa kugamba Orungyereza."

N'ahabw'ekyo Ow'eishe-emwe Moore yaagira ati, "Kare, Ow'eishe-emwe Branham."

60 Yaatandika kushuumayo. Naagira nti, Nk'oku naaba ningamba, ta- . . ." Reero naareeba omwereere muto, omwereere muto enzaarwa ya Mexico ashutami omu maisho gangye, ariyo naasheka. Naagira nti, "Rindaho kakye." Kandi naagira nti, "Mwikirize ogwo mukazi arabeho."

Billy yaagira ati, "Ekyo tinkaakikora, taata, Ogwo mukazi . . ."

Naagira nti, "Naareeba okworekwa, Billy."

Yaagira ati, "Oo, ekyo nikiikirizibwa."

N'ahabw'ekyo twataho akahanda batyo omuri ogwo mutwe gw'abantu reero twamurabyamu. Ngugu hanu yaija, yaatsimba amaju ge, aine esapuri y'okushaba omu mukono gwe. Naamugira nti, "Imuka."

Reero naashaba nti, "Taata ow'omu Iguru, hati tindikumanya eki Waaza kukora. Tindikumanya yaaba Orikwenda ngu mpuumurize omukazi ogu ahaw'okushabira omwereere ogu, nari ki. Kwonka," Naagira nti, "ninta engaro zangye aha mwereere muto ogu, omu Iziina rya Mukama Yesu." Ekintu nikyo kimwe eki naakozire aha W'eishe-emwe Way, arambiire aho ahansi, afiire, ekiro kiri. Reero burangiti egoy yaateerwa omugyere, omwereere muto ogwo yaatandika kurira munonga. Atyo yaazooka. Ku . . .

61 Naatuma entumwa, Ow'eishe-emwe Espinosa, kugyenda n'ogwo mukazi owa dokita, kwihayo ekirahiro ekihandiikirwe dokita ekirikugira ngu, "omwereere muto ogwo akafa." Ezo zikaba ziri nka shaaha ina ekiro ekyo. "Akafa akasheeshe ako shaaha ishatu, omuri ofiisi ye, yaitwa ekishonga." Yaatunga ekirahiro eki dokita ogwo ataireho omukono.

Empapura z'amakuru ekyo zikaba zitarikubaasa kukihunama, noomanya, n'ahabw'ekyo kikabeetaagisa kwijayo. Bambuuza. Kandi bangambira, yaagira ati, "Nooteekateeka ngu abarikwera baitu bakaabaasa kukora ekyo, nabo?"

Naagira nti, "Ku baraabe bahuriire."

"Oo," yaagira ati, "torikubaasa kuba orikwera otakafiire." Nikyo ekyo. Mwareeba? Kandi abantu . . .

62 Nooreeba, ekiro kiri, ahu babaire baine omubiikira ogu ou bahindwire omuhikiriire, omu mpapura z'amakuru? N'ahabw'ekyo, orikwera ondiijo akafa, oo, emyaka igana ehangwire, nari nk'egyo, reero baakora e . . . baamurangirira ngu n'orikwera hati, baamuhindura orikwera. Kandi bagizire ngu-ngu akazooka omu bafu kandi yaashabira n'omurwaire obaire aine ekookoro y'omu shagama. Tikwo? Kibaire kiri omuri kamwe omu butaboo bw'amahurire. Teekateeka oku barikugyezaho kuhamisiriza ekyo munonga, kandi obwo hariho amagana n'amagana g'ebibaireho aha honyini omu maisho g'abantu hanu. Ekyo kintu niki? N'ekintu ky'okushendashenda

ekanisa y'Abapurotesitante kugira ngu egyegaiteho, mwareeba, kugira ngu egire eki yaateekateeka.

Reero emirimo ya Mukama ey'amazima, ahu eyorekirwe gye buzima, ekahamibwa, tibakaagita omu mpapura z'amakuru na kakye. Nikyo ekyo. Bakeetwa kwonka baayanga. Eego, sebo.

Tibarikubaasa kwetegyereza oku Obutumwa obwanguhi, abantu abanguhi, okwanga ekintu nk'ekyo kikaabareetera kuza omu muzambaaro.

63 Omukazi omwe akangambira, Grant's Pass, Oregon, enshumi nkye ehweire, omwishiki w'Omukatoriki akarugayo aho kundeebamu enhobe n'okuhandiika. Akaba ari omushaki w'amakuru, aine pakiti ya sigara omu ngaro ze. Yaagira ati, "Niinyenda kugamba naiwe."

Naagira nti, "N'enki eki orikwenda kugamba?"

Yaagira ati, "Naaba niinyenda kukubuuza ebibuuzo bimwe ahari egi diini yaawe."

Ntyo naagira nti, "Niki eki orikwenda kubuuza?"

Yaagira ati, "Ni bushoborozi ki oburikukukoresa ebintu ebi?"

Naagarukamu nti, "Omu Iziina rya Yesu Kristo, ahabw'okwetwa Ruhanga." Reero yaagumizamu, naayetwaramu nk'ogunjukire. Naagira nti, "Rindaho kakye."

Yaagira ati, "Ku kyakwetaagisa ngu nkwanise n'ekyo kibiina ky'abashema eruguru okwo," ati, "tinkaayetenga nangwa n'okuba Omukristaaayo." Yaagira ati, "Kandi abo ku . . . Nibagira ngu abantu abo eizooba rimwe baryategyeka ensi." Yaagira ati, "Ka nyeligiye ngu ndyaba ntari hanu."

Naagira nti, "Otafayo. Oryaba otariho." Naagira nti, "Iwe . . . toshemereire kweraarikirira ahari ekyo."

"Ahabw'enki," ati, "Okwo kuteera orwari kwona n'okwamuza!"

Naamubuuza nti, "Haza noogira ngu ori Omukatoriki?"

Yaagira ati, "Ndiwe."

Naagira nti, "Obaire nookimanya ngu biikira Mariya ohairwe omugisha kikamwetaagisa kutunga Omwoyo Orikwera n'okugamba omu ndimi, n'okuzinira omu Mwoyo, nk'oku baakozire, Ruhanga atakamwakiriire? Mumweta nyina wa Ruhanga."

Yaagira ati, "Obwo n'obushema."

Naagira nti, "B'orekireho kakye. Ni . . ."

Ati, "Tinshemereire kureeba Baiburi."

Naagira nti, "Mbweni shi nooza kumanya ota Amazima n'agatarigo?"

Yaagira ati, "Ninkwata ekigambo ky'ekanisa yangye."

Naagira nti, "Eki n'Ekigambo kya Ruhanga. Nkiki hanu aha honyini. Ninkuhiga Kireebe. Kandi Mariya akaba ari nabo eruguru okwo omu kishengye ky'ahaiguru, kandi yaabatizibwa n'Omwoyo Orikwera nk'abandi boona oku baabatiziibwe. Kandi mumweta nyina wa Ruhanga." Naagira nti, "Reero ekkyo waakyeta, 'Ekibiina kya kasasiro; abantu b'eniyima'?" Naagira nti, "Otafayo. Toribayo. Toine bingi by'okukweraarikiriza, ekkyo ku kiraabe nikyo kyonka eki oine ekirikukweraarikiriza. Ninkuhabura oyeraarikirire ahabw'amagara gaawe ag'ekibi, mwishiki 'we." Reero naamureka yaagyenda.

64 Hati teekateeka ahari ebi byona, ebyanguhi. Ruhanga naabyangusya munonga.

Ahabu akaabaasize ata, Yezebeeli akabaasize ata, abo bantu abaateekateekire ngu Eliya n'omurogi bakaabaasize bata, kuteekateeka ngu akaba ari orikubandwa emizimu? Nangwa na Ahabu akagira ati, "Ngugu hanu oreetsire emirabanamu egi yoona omuri Israeli."

Yaamugarukamu ati, "Niiwe onyangaraize Israeli."

Eihanga eryo rikaabaasize rita kuteekateeka, ngu, okwanga obutumwa bw'ogwo mushaija oijwire obureju ahamaisho atyo, atajwaire bijwaro by'obunyamurwa, n'ebindi nk'ebyo, nikwo kwabaire kuri okufubirwa kwaryo?

Misri ekaabaasize eta, eyaabaire neetegyeka ensi, baafaraho, n'oburungi bwayo n'ekitiinisa? Ensi tekagarukaga kuhika aha idaara eryo bundi, omuri sayansa n'ebindi. Bakaabaasize bata kuteekateeka ngu, okwanga nabi omugurusi w'emyaka makumi munaana, n'ebireju nibireereetera ahansi, aine enju, naarugayo n'amaani, ari empungi? Reero akarugayo aine obutumwa oburikugira ngu, "Nooza kubareka bagyende, kitari ekkyo Ruhanga naaza kucwekyereza eri ihanga." Faraho akaabaasize ata? "Nooza kuunyorobera, Faraho."

65 Faraho yaagira ati, "Okworoba?" Oo, uwe, Faraho! Kandi omugurusi, "Omugurusi mubi orikubakira juba," nikwo baateekateekire, "kwangira omuntu batyo, nikicwekyereza eihanga?" Kwonka kikaricwekyereza. Oo, mugyenzi!

Ka twemerere, turekyeho edakiika nkye reero tushabe, kandi tuteekateekye. Ni biro ki ebi tutwiremu? Turahi? Omu bundi busingye bw'omurembe, bwa sayansa. Tushemereire kuteekateeka. Obundi, mwemerere, bantu 'mwe mwemerere mushabe akaanya kakye, kandi muteekateekyeho kakye munonga, noobaasa kwehurira kurungi waaheza kukikora. Ekyo kihikire.

Omukristaayo ti kikozeso, nari nk'enyundo y'ekyoma erikukozesibwa emirimo mikuru munonga y'obutegyeki bw'ediini. Ekyo kihikire. Omukristaayo tari nk'ekikoreso nanka ekirikutwara omu maisho ekibiina ky'ediini. Omukristaayo, ogwo ti Mukristaayo. Omukristaayo n'okuba nka Kristo. Kandi Omukristaayo tabaasa kuba Omukristaayo Kristo atakataahire omuri ogwo muntu, Amagara ga Kristo gari omuriwe. Obwo nigareeta Amagara agu Kristo yaabaire atwire, kandi nookora ebintu ebi Kristo yaakozire.

Ningamba ahari ki? Kugira obuzaare na Kristo iwe wenka. Ekyo niki? Amagara gaawe gashemereire Engiri?

Hati ningyezaho kutaho ogwo musingye aho, kukworeka ngu, abashaija n'abakazi abaabaire bari abakazi abaarangainwe, abashaija.

66 Baiburi nikwo yaagambire. Mukeetegyereza? Ekiro kya Sande ehweire, ekintu eki naayebirwe kutamu, ekitabo ky'Okutandika eshuura ya 6 omushororongo gwa 4. "Abo bashaija abaashweire abakazi, nk'abakazi babo, bakaba bariabantu aba ira, abaarangainwe." Abashaija abaarangainwe, bakaragurwaho kwija ogundi murundi. "Nk'oku kyabaire omu biro bya Noa, nikwo kiriba n'omu Kwija kw'Omwnana w'omuntu." "Abashaija abaarangainwe nibashwera abakazi," ti baanyinamaka, "abakazi; nibakoranaho eby'enshoni ebitari by'obuhangwa."

Reeba omuri Bungyereza, saabiiti nkye ezihingwire. Reeba omuri Amerika. Reeba hoonahoona, hajjwiremu obwamaraya. Abantu b'amaani, bakuru, abaine ofiisi ez'ahaiguru, nibahemura eihanga, nibakwana abakazi. Ogwo mushaija w'amaani okwo omuri Bungyereza, ori nk'omwebembezi w'abaserukare, nka batyo, ahabw'enki, mwetegyereize, akaba aine omukazi murungi. Ekishushani ky'ogwo mukazi kikaba kiriho, aho. Mureebe ogwo maraaya enzaarwa ya Russia, kwonka akaba ajwaire nka maraaya, ayeyanikire aheeru aho, kworeka omubiri gwe gw'ekikazi. Kyatuma ogwo mushaija yaamukunda.

Ekiturikwetenga ebiro ebi n'abaana ba Ruhanga. Nitwenda abantu omu gavumenti, abari abaana ba Ruhanga. Ekyo kihikire. N'ahabw'ekyo, omugabe murungi, orikutiina Ruhanga akaayemereza obuschema obu bwona. Tihakaabaho okukwatirira. Nka Daudi oku yaakozire, akeemereza ekintu ekyo. Buzima akakikora, 'habw'okuba akaba ari omugabe. Kandi hakaba hariho . . . kusha.

67 Omuringo oguhikire, ni, Ruhanga habw'okuba Omugabe, kandi Ruhanga atuma nabi. Samueli tarabagambiire batakabaire n'okutunga omugabe? Akagira ati, "Ruhanga niwe Mugabe waanyu. Ndabagambiire ekintu kyona omu Izina rya Mukama kitabeho?"

Baagira bati, "Ngaaha. Ekyo n'amazima."

"Ndabashabiriize eby'okubabaisaho byanyu?"

"Ngaaha. Tokatushabirizaga eby'okutubaisaho byaitu na kakye."

"Tinkabagambiraga ekintu kyona ekitari amazima, omumaisho ga Mukama." Ati, "Ruhanga niwe Mugabe waanyu."

"Oo, ekyo nitukimanya. Kandi nitumanya ku ori omuntu murungi, Samueli. Nitwikiriza ngu Ekigambo kya Mukama kikwizira, kwonka nitwenda omugabe, nabwo." Mwareeba? Ekyo nikyo barikutunga.

Abapentekoote bakaba nibenda ekibiina ky'ediini, oku biri kwona. Bakakitunga. Ekyo kihikire. Bakaba nibenda kuba nk'agandi makanisa. Nikwo muri. Mugumizemu, ekyo, ekyo nikyo kirikwetaagisa. Kwonka Ruhanga niwe Mugabe waitu. Ruhanga niwe Mugabe waitu. Eego, sebo.

68 Niki? N'ahabw'okuba ngu abantu, nk'oku baakozire omu biro bya Kristo, nk'oku baakozire omuri buri busingye, nibabona orwekwatso. Baine enyikiriza zaabo z'ediini. Noobaasa kutenda kugira oti, "Ngu-nguzire ente, kandi ninEEKWA kuza kureeba yaaba e-eraahingye nari etaraahingye, nari kukamwa amate, nari-nari n'eya bwoko ki." Noobaasa kutagira egyo rwekwatso.

Kwonka ngigi hanu rwekwatso ei abantu barikubaasa kuha, "Ndi Omupuresibateeri. Titurikwikiririza omuri Ekyo. Ndi Omubaputisiti. Titurikwikiririza omu kintu ekiri nk'Ekyo. Mpaho, ndi owa Luteeri." Mpaho, ekyo tikiine kakwate koona Nakyo. Ekyo tikirikumanyisa ngu ori Omukristaayo. Ekyo nikimanyisa ngu ori omu kibiina ky'abantu abeekoziremu ekibiina. Mbwenu ori omu kibiina ky'Abaluteeri, ekibiina ky'Ababaputisiti, ekibiina ky'Abapentekoote. Tihariho ekintu nk'Ekanisa y'Abapentekoote. Tihariho ekintu nk'Ekanisa y'Ababaputisiti. N'ekibiina ky'Ababaputisiti, ekibiina ky'Abapentekoote, ekibiina ky'Abapuresibateeri.

Kwonka hariho Ekanisa emwe yonka. Kandi hariho omuhanda gumwe gwonka ogu orikubaasa Kugitaahamu, kandi ogwo n'okurabira omu Kuzaarwa. Noozaarwa omu Kanisa ya Yesu Kristo, kandi orugingo rw'Omubiri Gwe, omujwekyerwa w'omwuyo w'omu Iguru. Bwanyima obumanyiso, ngu Kristo ari hamwe naiwe, nibuba obuhuriire omuriwe.

69 Bakristaayo 'mwe, oo, nimuteekwa kugira obuzaare na Ruhanga buri muntu okwe. Kugira ngu obe omwana wa Ruhanga, nooteekwa kugira obuzaare na Ruhanga. Naateekwa kuba Sho, kugira ngu obe omwana. Kandi batabani Be na bahara Be bonka nibo barikujunwa, batari baamemba b'ekanisa, kureka abatabani n'abahara. Hariho ekintu kimwe kyonka ekirikutuma ekyo kyabaho, okwo n'Okuzaarwa busya. Okuzaarwa busya nikyo kintu kyonka ekirikureetaho obuzaare na Ruhanga. Tikwo kiri? [Abateeraine baagira bat, "Amiina." -Omur.] Abatabani n'abahara. Reero eki ku kirikubaho, obwo abantu . . .

Nkiki hanu ekibuuzo eki ndikwenda kubabuza. Omuntu naagira ati, "Reero shi nitukora ki twaheza kuzaarwa obwa kabiri?" Abantu baangi munonga bambuza ekibuuzo ekyo. "Mbweni shi obwo nschemereire kukora ki, Ow'eishe-emwe Branham?" Waaba ozairwe obwa kabiri, obuhangwa bwawe bwona nibuhinduka. Ofiire aha bintu ebi waabaire nooteekateeka ira.

70 "Mbweni," noogira oti, "Ow'eishe-emwe Branham, ku naabaire memba w'ekanisa, ekyo nkakitunga."

Kare, mbwenu, obu, Ruhanga agira ati, "Yesu Kristo tahinduka; oku abaire ari nyomwebazyo n'erizooba nikwo ari, kandi nikwo ariguma ebiro byona. Na hati naakitambira abarwaire. Na hati naakyoreka okworekwa."

"Kwonka, Ow'eishe-emwe Branham, ekanisa yangye!" Obwo, tozairwe obwa kabiri. Waareeba? Torikubaasa; ahakuba, Ruhanga wenyini ku araabe, Amagara Ge ku garaabe gari omuriwe, nk'oku ori omu magara ga sho. Mbwenu Amagara ga Ruhanga gonyini ku garaabe gari omuriwe, Omwuyo wenyini owaabaire ari omuri Kristo, ku araabe ari omuriwe, Omwuyo naabaasa ata kutuura omuri Yesu Kristo akahandiika Eki, reero akagaruka akaza omuriwe haza akeehakana Ekyo? Waareeba? Tarikubaasa kukikora. Naahamya buri Kigambo ku n'Amazima.

Reero, ku oraagire oti, "Mbweni, ndi memba murungi w'ekanisa." Ekyo tikiine kakwate koona Nakyo.

Nimmanya abatatiina Ruhanga. Eifo omuri Afrika, omu b'eishe-emwe bagyenzi bangye abairaguju eifo okwo, ninshanga emicwe y'abantu abo eri ahaiguru munonga okukira-okukira ey'Abanyamerika ebicweka makumi mwenda ahari igana. Ahabw'enki, omu nganda zimwe eziri okwo, omwishiki ku arikuhitsya emyaka nanka atakashweirwe, nari yaaba ow'ekingano nanka haza hatakagizire owaamutaasya, nibamanya ngu haine ekishobire. Nibamucwa. Naayeragazaho erangi y'oruganda, reero aza omu rurembo, atyo ahinduka endeme. Kandi ku arikushwerwa, nibakyebera kureeba yaaba ashugaine. Akabubi kakye k'obushugaine kaaba kacwekire, obwo naateekwa kugamba owaakacwire. Reero bombi babaita, hamwe. Tihakaabaho okwita kwangi omuri Amerika ekyo ku kyakubaho? [Abateeraine baagira bat, "Amiina." -Omur.] Mwareeba? Reero mubeeta abatamanya Ruhanga? Oo, mugyenzi! Nibabaasa kwija beegyese abantu,abeejeta baamemba b'ekanisa, oku bashemereire kutuura amagara gashemeire. Ekyo kihikire.

Tituraboine omuntu n'omwe orwaire enziku omu rutaayaayo rwona omuri South Afrika. Tibaine ekintu nk'ekyo. Nikyo ekyo. Mwareeba? N'emihanda yaitu mibi egubire, nk'abantu abajungu. Ekyo kihikire. Tukaruga ahari Ruhanga.

71 Eki ku kirikubaho, ekintu eki oraije kukora obwo, noiija kushanga ngu Omwuyo orikukutaahamu, kuruga omu Kuzaarwa obusya, noiija kwikiriza kandi okore byona ebi Ruhanga arikugamba omu Kigambo Kye ngu niwe ow'okubikora. Kandi buri kintu eki Baiburi erikukugambira kukora, noiija kukihamya na "amiina." Kandi torikwija kuhuumura, nyomushana na nyekiro, okuhitsya obu oraakitunge. Ekyo kihikire. Ekyo kihikire. Kandi omu bwire obu bwona, okukira ebindi byona, buzima noiija, kwana ebyana by'Omwuyo.

Noogira oti, "Niinyija kugamba endimi?" Ekyo noobaasa kukikora, kandi noobaasa kutakikora. "Niinyija kuteera akaari?" Ekyo noobaasa kukikora. Noobaasa kutakikora.

Kwonka hariho ekintu kimwe buzima eki oraije kukora. Noija kwana ebyana by'Omwuyo. Kandi ebyana by'Omwuyo n'okukunda, okushemererwa, obusingye, okwikiriza, obutaruha, obucureezi, okutwaza gye, okugumisiriza. Ekiniga kyawé tikirikwija kuba, "Oooo!" Ijuka, ekyo waaba okiine, ekyo nikiroga Omwuyo Orikwera akurugaho. Waareeba? Waahika omu mbeera z'okwenda ngu oteere empaka na buri muntu ou oraabugane, hariho ekintu ekishobire. Waahika omu mbeera ahu . . . omuheereza yaashoma omuri Baburi, ngu kigwire kukora ekintu nanka, kwonka, oka . . . Oijukye, aho tihariho Bakristaayo na kakye. Ekyo hati ni, ngu, "Muryabamanyira aha byana byabo." Ekyo nikyo Yesu yaagambire. Mwareeba?

72 Ku kiraabe kiri Ekigambo, kandi Ruhanga yaagambire atyo, ogwo Mwoyo ori omuriwe naija kwikirizana n'ekyo Kigambo, obwire bwona. Habw'okuba, Omwuyo Orikwera w'amazima naija kwikirizana n'Ekigambo, 'habw'okuba Ekigambo n'Amagara n'Omwuyo. Yesu akagira ati, "Ebigambo Byangye n'Amagara." Kandi ku oraabe oine Amagara Agatahwaho, kandi Niwe Kigambo, Ekigambo nikibaasa kita kuhakanisa Ekigambo? Waareeba? Ruhanga okaamuhindura omuntu wa muringo ki? Ekyo n'ekintu kimwe eky'okumanyiraho, ngu ori Omukristaayo, waabaasa kwikiririza kimwe buri Kigambo kya Ruhanga.

Kandi noija kweshanga nookunda abazigu baawe. Omuntu yaagira ati, "Mbweni, tari kindi kureka orikwera oyekuringa ahansi." Reero otandikye ku . . . Yegyendesereze. Yegyendesereze. Kwonka buzima waashanga, iwe wenka, ngu noomukunda! N'obu baakukora ki, nabwo noobakunda. Mwareeba?

73 Obwo nootandika kushanga, kandi okugumisiriza kwave nikuruga aha buraingwa oburikwinga buti, okuhitsya obu kutarikugira muheru. Omuntu weena yaaguma naakugambaho ebintu, "Mbweni, tindikufayo ebi orikugamba!" Tokaabakira. Ku oraabakire, kikaabaire kirungi ogyende obanke waashaba, otakagarukire kugamba nabo. Yee. Yee.

Otaza omu kuteera empaka. Otakunda kuza omu kuteera empaka; ku oraabe nookunda kureeba omuntu naimuka omu kanisa, akagira ati, "Nimumanya ki? Ka mbagambre, Nanka na nanka bakozire eki n'eki."

Iwe ogire oti, "Hati, ow'eishe-emwe, waashwara."

Ku oraagire oti, "Oo, ekyo nikwo kiri?" Ohurikize ekyo kihemu? Yegyendesereze.

Omwoyo Orikwera ti kiina kya kazambi. Mwareeba? Ngaaha, ngaaha. Ngaaha, ngaaha. Omutima ogu Omwoyo Orikwera arimu, gwijwire oburikwera, okushemera. "Tiguteekateeka kibi, tigukora kibi; gwirkiriza ebintu byona; gugumisiriza, tiguruha." Mwareeba?

74 Otateera empaka. Eka ku eraatandikye empaka, otateera empaka nabo. Nyoko yaagira ati, "Tindikukwikiriza kuza eruguru kuri, egeo kanisa eya ira, ogundi murundi. Mpaho, iwe, byona ebi orikuteekateekaho hati, n'okureka eishokyre ryawe rikakura. Nooreebeka nka mukaaka okakwire." Otatongana nawe.

Gira oti, "Kare, maama. Tikiine nshonga. Ninkukunda, nka burijo. Kandi niinyija kuguma ninkushabira naaba nkiri ohuriire." Mwareeba?

Hati, otatongana. Waareeba? Ekiniga kiimutsya ekiniga. Ekintu ky'okubanza noomanya, noogwisa kubi Omwoyo Orikwera akurugyeho, noija kuba nootongana nabo. Reero Omwoyo Orikwera Ayegyendere. Ekiniga kiimutsya ekiniga.

Kandi rukundo eimutsya rukundo. Ijura rukundo. Yesu akagira ati, "Ku muriguma nimukundana, nibwo abantu boona barimanya ku muri abeegi Bangye." Ekyo n'ekyana ky'Omwoyo Orikwera, rukundo.

75 Kandi obaire noomanya ku ori omuhangi omukye, iwe wenka? Ekyo obaire nookimanya? Buzima. Orareebire abantu abu orikukunda kuba aha rubaju. Torikumanya ahaw'enki. Omuntu ow'okukunda kw'omuringo nk'ogwo. Ekyo murakireebire? [Abateeraine baagira bat, "Amiina." -Omur.] Bari abanyambabazi, aho, nooyenda kuba haihi nabo. Ekyo n'o . . . Nibahanga embeera egeo ahaw'amagara agu barikutuura, oku barikugamba, okugaaniira kwabo.

Kandi, orareebire abo abu, o-orikwetantara, obwire bwona. Obwire bwona, nibenda kugamba aha kintu kibi, hamwe n'okugambuura omuntu. Ogira oti, "Ya maawe, mugyenzi! Mbabo baija. Baaza kugamba kubi aha muntu. Arimu hanu hati, yaaza kugamba aha mushaija ogu. Eki baaza kukora kyonka n'okugamba ebirikushetsya ebigubire, nari ekintu ekikwatsire aha bakazi, nari ekintu nk'ekyo." Nooyeganya kuza aha rubaju rwabo. Waareeba? Nibahanga. Nibareebeka nk'abantu barungi munonga, kwonka nibahanga egeo mbeera.

Kandi ebintu ebi orikuteekateekaho, ebintu ebi orikukora, ebikorwa, ebintu ebi orikugambaho, nibihanga embeera.

76 Nkaza omu ofiisi y'omushaija omwe, hanu omuri oru rurembo. Kandi ogwo mushaija n'omubiiki, nimmanyisa omudiikoni, niwe, omu kanisa nungi. Nkataahamu kureeba omushaija ogwo ahaw'enki nanka. Kandi hariho rediyo hariya, n'ebyo byeshongoro bya disiko nari twisiti, kyona eki kyabaire kiri, neejumeera munonga nk'oku erikubaasa. Kandi ningira ngu hakaba harimu ebishushani makumi ana ebihanikirwe omu ofiisi ye, by'abakazi barungi babunwize. Hati, torikubaasa kungambira ngu n'omudiikoni kwingana ki, nari ekindi kyona ekirengireho. Iwe reka ndeebe ebyo ebi oreeba, n'ebyo ebi oshoma, n'ekika ky'ebyeshongoro ebi ohurikiza, omutwe gw'abantu abu okwatanisa nabo, niinyija kukugambira ekika ky'omwoyo oguri omuriwe. Mwareeba? Yee.

77 Noohurira omuntu yaagira ati, "Nyowe nkore eki n'eki? Ekyo kibiina . . ." Ijuka, tindikufayo eki araagambe. Ebigambo bye nibigamba munonga. Ebikorwa bye nibigamba munonga okukira ekintu kyona eki arikubaasa kugamba. Naabaasa kuha obujurizi, agire ngu n'Omukristaayo, buzima, kandi obundi akore ekintu kyona. Kwonka yetegyereze ni magara ga muringo ki agu arikutuura. Ago nigooreka eki ari.

Hati, okaabaasa kuteekateeka ngu, omuntu oine amagara agarikubaasa kugira ngu, "Okwikiririza omu kutamba kwa Ruhanga, ogwo n'omurimo gw'enyonyi. Ekyo kikaba kirihi omu myaka ey'enyima eyaahingwire. Tihariho ekintu nk'ekyo ebiro ebi?" Ago n'amagara agashemereire Engiri, ngu, "Kristo akahutaazibwa ahaw'bey'okushiisha byaitu, kandi emihiririzi Ye niyo yaatukirize"? Noogira oti, "Kwonka ndi omudiikoni." Tindikufayo. Noobaasa kuba na bishopu.

Ku naahuriire Bishopu Sheen naagamba, nk'emyaka ebiri ehangwire, ninshuumu niinyija kunu; tinkagarukaga kugitaho kumuhurikiza. Obu agira ati, "Omuntu orikubaasa kwikiriza kandi akagyezaho kubaisibwaho egyo

Baiburi, naashushana nk'omuntu orikugyezaho kuraba omu maizi g'ebyondo." Bishopu Sheen, bwanyima yaahinduka, yaagira ati, "Ku ndihika omu Iguru, nimumanya ki? Ku ndibugana Yesu, Ndyamugambira nti, 'Ndi Bishopu Sheen,' Nawe aryagira ati, 'Oo, eego, nkahurira maawe naakugambaho.'" Obukaafiri, abantu abarikubaasa kurogota ahari ekyo Kigambo. Ruhanga atugirire embabazi. Tindi muramuzi. Mwareeba?

Ekyo Kigambo nigo Mazima. Kihikire. Kandi Omwoyo wa Ruhanga naija kumanya Ebihandiiko Bye We wenka. Naamanyirwa aha Bihandiiko Bye. Ni-Ni-Nibimugambaho. Naiwe noomanyirwa aha Kubiikiriza, reero Bikuha endanga muntu yaawe erikukworeka.

Otateera empaka n'abandi. Kandi ota-kandi otogira ezi mpaka z'eka, nk'oku naagamba. Rukundo eimutsya rukundo. Kandi n'ekiniga kiimutsya ekiniga.

78 Hati, hati ka tureebe. Tureebe Yesu, omu dakiika emwe. Akaba ari eky'okureeberaho kyawe. Ka nyesigye ngu timurikuruha munonga. Reeba. Ka tureebe Yesu, akaire kakye. Akaba ari eky'okureeberaho kyaitu. Nikwo yaagizire. Ati, "Ahakuba Naabaha eky'okureeberaho, ngu naimwe mushemereire kukorera abandi nk'oku Naabakorera."

Hati reeba. Obu Yaija omu nsi, obu haabaire hariho bwingi, obutaikiriza bwingi omu nsi obwire obwo okukira oku burabaireho, Tikiramumaziremu maani na kakye. Akagumirizamu kimwe naabuurira nka butoosha, kandi naatamba nka butoosha. Tikiramuteganiise. Hakaba hariho abakyemi. Ogwo Mushaija akagambwaho kubi okwiha obu Yaabaire ari omwerefere kuhitsya obu Afeera aha musharaba. Kikamuzibira? Ngaaha, sebo. Ekiyendererwa Kye kikaba kiri kiiha? "Obutoosha kukora ekyo eki Ishe ahandiikire. Obutoosha kukora ebyo ebyabaire Nibimusheemeza."

79 Mureebe Yesu. Noogira ngu itwe nitwecureeza? Obu Ruhanga We wenyini yaaba omwerefere, omu mwanya gw'okwizira omu ka-katanda k'omwerefere kakye okwo omu nju nungi, akazaarirwa ebiso okwo ahaiguru y'ekirundo ky'orwezo rw'amasho omu kiraaro ky'ente, omu mitavu ezirikujuga. Bakamushweka omu twenda tw'obwerefere, otwabaire twihihwe aha bitsya by'ente ezirikuhinga. Omworo orikukira abooro boona, kwonka, kandi, Omuhangi w'eiguru n'ensi.

Ekiro kimwe ky'embeho, eky'enjura, bakagira bat, "Mwegyesa, nitwija kugyenda Naiwe omu ka."

Yaagira ati, "Zaamuha ziine ebiina, n'enyonyi ziine ebyashuri, kwonka Tiinyine n'ah'okuta Omutwe."

Ruhanga, Yehova, Akeecureeza kandi yaaba Omuntu; yaayorekwa omu mubiri gw'ekibi, kugira ngu acungure nyowe naiwe. Mbwenu turi baahi? Akaba ari eky'okureeberaho kyaitu. Niinye oha? Busha.

80 Naaba ningambira omuntu, eihangwe eri, omu ruteerane rukye. Naagira nti, "Buri mwana ozairwe Ruhanga naateekwa kubanza yaagyezibwa, yaahanwa." Niinyijuka obu ntunga okwangye, nimmanyisa eshaaha yangye erikukirayo obukuru. Omuntu ku-ku azaarwa obwa kabiri, hariho akacweka kakye, akarikwingana n'ekyara ky'orukumu rwe, aku Ruhanga amutamu, omu mubiri, ako kataaha omu mutima gwe kandi omwo kahamiramu. Bwanyima Sitaane amukoraho kugira ngu ahamye ekintu ekyo. Kandi ako kaaba katarimu, ohweire.

Niinyijuka okwo omu irwariro, nkaba nyine nk'emyaka makumi abiri n'ebiri, makumi abiri n'eshatu, obundi, nk'egyo, nkaba ndi omutsigazi. Kandi tata, nanfeera omu mikono, obwo nyowe ndiyo ningamba ngu Ruhanga n'omutambi. Kandi na tata wenyini aterwe omutima, akaba ayegamiize omutwe gwe aha mukono gwangye, obwo ndiyo nimmushabira; reero naamureeba naahindura ago maisho yandeeba, bwanyima gwahwamu, yaaza kubugana Ruhanga. Nkamutwara naamuziika aha rubaju rwa murumuna wangye, kandi ebimuri bikaba bikiri bibisi aha kituuro kye, obwo nyowe ndiyo nimbuurira Ruhanga otambira abarwaire. Nkaba ninkorera Kampuni y'Emirimo ya Gavumenti, sente makumi abiri buri shaaha, kandi omukazi wangye akaba naakorera ebiso hanu omu ikorero ry'esaati; okutuhwera kubaisaho akoojo kaitu k'omwaka gumwe n'ekicweka, Billy Paulo, hamwe n'omwana w'amneezi munaana ou yaabaire aheekire.

Naareeba Ow'eishe-emwekazi Wilson yaatengyetsa omutwe. Ekyo naakijuka; Roy Slaughter kandi na bamwe ahari baak'aha kaira.

81 Nkakora ki? Nkatambura omu nguuto z'omu rurembo, nyine omugaati ogurimu enyama omu ngaro, nshuma nduga aha kikondo, mpa obujurizi buri muntu ou naabaire mbugana, ahari rukundo ya Yesu Kristo. Nza omu garagi yaabo mbabuuza ku ndaabe niinyikirizibwa kugikozesa, ngambira makanika. Ntaahamu ngira nti, "Bantu 'mwe, mukajunwa? Nkatunga ekintu omu mutima gwangye." Nza omu maduuka agarikuguza eby'okurya ebitateekire nyekiro. Ntaaha omuka shaaha munaana nari mwenda z'ekiro, ninduga kushabira abarwaire ekiro kyona. Nkaba ntarikubaasa . . . Nshutama ahansi, mpindura ebijwaro njwara ebijwaro byangye by'emirimo. Reero nshutama aho omu ntebe mpuumuraho mpitsya omu buturuturu, nyimuka ngyenda. Weena nkoohire munonga, ahabw'okwesiibyakwo n'okushaba, okuhitsya obu kyabaire kinyetaagisa kushaba kugira ngu mbaase kujwara otwoma tw'aha nkaito zangye, tw'okumbaasiisa kutemba ekikondo. Nimbuurira, kandi nimbuurira abantu nti, "Ruhanga ni mukuru, Ruhanga n'omunyasaasi, Ruhanga ni rukundo."

Kwonka, hanu, tata ariyo naafeera omu mikono yangye. Na barumuna bangye bakafa, akaitwa obu naabaire nyemereire aha kituutu ahaifo hanu omuri egi kanisa nkye y'Abapentekoote abairaguju, nimbuurira. Baija

bangambira bati, "Murumuna waawe yaitirwa eruguru aha ruguuto rugyendwa. Emotoka yaamutomera kandi yaamwita." Eshagama ya murumuna we neetoonyooka neeruga aha saati ye, ahu yaamuterwire ahansi omu ruguuto rugyendwa. Ahonaaho ku naaherize kumuziika, tata nawe yaafa. Kandi, ngugwo aho omukazi wangye akaba arambiire aheeru okwo.

82 Reero naagyenda, naija hanu omuri tabirinaakuru egi. Naayemerera hanu, ahu ekituuti eki kiri, naagambiraabantu, ameezi mukaaga kitakabaireho nti, "Nihaza kwija omwegyemure. Kandi ndeebire Maraika yaakwata orubango, kandi yaapima, 'Fuuti makumi abiri n'ebiri ahaiguru ya Spring Street."

Sandy Davis hamwe n'abo abandi bashutami hanu, baasheka, baagira bati, "Zikaba ziri inci munaana nari ikumi omuri 1884, mwojo 'we. Ekirikukugambira niki?"

Naagira nti, "Nikiza kubaho. Ahabw'okuba, ndeebire kimwe ahari ebyo ebinshushanira ekirooto, kandi Kyangambira kityo. N'ahabw'ekyo nigaza kuhikaho." Kandi hariho raama ahari Spring Street, eriizooba, ahu amaizi gaahikire fuuti makumi abiri n'ebiri. Naagira nti, "Nvugire eryato ahaiguru ya tabirinaakuru egi." Kandi nkariivugiraho.

Om u bwire obwo, omukazi wangye akakwatwa oburwaire. Naamushabira. Bwanyima naija omuri tabirinaakuru, abantu bakaba bamurwaize. Naagira nti, "Arikufa."

"Oo, buzima n'omukazi waawe, ogwo."

Naagira nti, "Arikufa."

Naazayo naashaba kandi naashaba kandi naashaba. Kandi nkaba nyimutsya emikono yangye. Yaakwata omukono gwangye. Yaagira ati, "Billy, niinyija kukubugana omu kasheeshe, nyemereire Kuriya." Yaagira ati, "Oteeranire hamwe abaana reero mumbugane aha Irembo."

Naagira nti, "Otandikye kweta n'eiraka ry'ahaiguru oti, 'Bill.' Niinyija kuba Naahikireho." Mwareeba? Atyo omwitsyo gwamuhwamu. Naamuta eifo kuri omu nju y'emitumbi.

Naanyegyera naaza omu ka, kubyama. Kandi ku naabyamire . . . Billy Paulo omuto akaba naatura na Muka Broy hamwe n'abo abandi, arwaire munonga. Dokita akaba agizire ngu naaza kufa eshaaha yoona. Nyowe ndiyo ninshabira Billy. Reero ngugu hanu Ow'eishe-emwe Frank yaija kuunyeta. Yaagira ati, "Omwana waawe arikufa, akaishiki kato."

83 Naashohora naaza aha irwariro. Dokita Adair tiyaanyikiriza kutaahamu, yaagira ati, "Arwaire endwara y'omuraramo. Nooz a kugituriza Billy Paulo." Yaaragiira naasi kumpa ebintu ebiri nk'ebirikutukura ngu mbinywe, nk'omubazi gw'okukyendeeza obusaasi, gw'ekintu ky'okuncureeza. Reero naabareka baaruga omu kishengye, naabirabya omu dirisa naabinaga aheeru. Naashoobooka naaraba omu muryango gw'enyima, naashuma omu kishengye ky'ahansi y'eitaka.

Ngugwo aho ogwo mwereere akaba abyami aho, omu maisho g'eirwariro, omu kishengye ky'abaine endwara ezirikuturira, enshohera zoona ziri omu twisho twe tukye batyo. Naakwata ako katimba k'ensiri aka ira, naazibinga zaagyenda, reero naakamushweka. Naafukama ahansi, naagira nti, "Ai Ruhanga, tata na murumuna wangye barambiire ebiso kuriya, n'ebimuri biri aha kituuro kyabo. Ngugwo Hope, arambiire ebiso okwo. Mbwenu ngugu hanu omwereere wangye, arikufa. Otamutwara, Ai Mukama."

Akashuumya ahansi orutimbe, nk'orikwenda kugira ati, "Hunama. Tindikwenda kukuhurira, na kakye." Tarenzire nangwa n'okugamba naanye.

Mbwenu, ku Araabe yaayangire kugamba naanye, bukaba buri obwire bwa Sitaane. Yaagira ati, "Kandi ningira ngu okagira ngu Ni Ruhanga murungi. Oru rwari rwona oru otuura nooteera n'orw'enki? Ori omutsigazi kwonka. Magamaga orebe, omu rurembo rwona. Buri mwishiki na buri mwojo ou orakwataniise nawe naateekateeka ngu okahungutuka. Okahungutuka." Hati, akaba atarikubaasa kungambira ngu Ruhanga tabaho, 'habw'okuba nkaba naaherize Kumureeba. Kureka akangambira ngu Tarikunfaho.

84 Naashutama ekiro kyona bwasheesa, eizooba ryona bwaira. Ekyo naakigambira Ruhanga nti, "Nkozire ki? Nyoreka, Ai Mukama. Otakiriza abataine rubanja kubonabona ahabwangye, ku ndaabe nkozire enshobe." Nkaba ntarikumanya ku yaabaire Nangyeza. Kwonka omwana weena oija ahari Ruhanga naateekwa kugyezibwa. Naagira nti, "Ngambira eki nkozire. Ninja kukyegarukamu. Nkozire ki kureka okubuurira eizooba ryona bukaira, ekiro kyona bukasheesa, hamwe n'Okumuha amagara gangye, obwire bwona? Nkozire ki?"

Sitaane yaagira ati, "Ekyo kihikire. Nooreeba, hati, ku kirikuhika ahariiwe, kandi ogambiire boona ngu noikiriza ku n'Omumtambi mukuru, mbwenu ngugwo aho omwana waawe arambiire aho, naafa. Yaayanga nangwa n'okukuhurira. Omukazi waawe akaitwa oburwaire bw'ekishonga ky'enkorora y'akakonko. Okagira ngu Naabaasa kutamba ekookoro, mbwenu Ngugwo aho. Hati, Omugambaho ku ni murungi, kandi n'oku Ari murungi aha bantu. Kandi shi iwe?"

Reero naatandika kumuhurikiza. Okwo n'okuhaajaana. Naateekateeka nti, "Ago n'amazima."

Sitaane ati, "Naabaasa kuragiira. Tirikumwetaagisa kugamba Ekigambo. Kufa kureeba omwana waawe, reero akakira."

Naagira nti, "Ago n'amazima."

"Kandi emirimo yoona ei Omukoreire, mbwenu kandi ebyo nibyo Arikukuzimuurira."

Naagira nti, "Ago n'amazima." Naatandika kuteekateeka. "Kare, ati ki?" Waareeba? Buri kintu kyatandika kurekuka, kyahika aha kuhaajaana. Kwonka, ku kyahikire ahari Ekyo, Ekyo kikaguma kihamire. Kikagumaho. Nkaba ndi haihi kugira nti, "Obwo naabirugaho."

Kwonka ku kyahikire ahu amaani goona g'okuhaajaana gaabaire nigagarukira, reero kyahika ahari ago Magara Agatahwaho, okwo Kuzaarwa busya. Mbwenu shi kuri Gaabaire gatarimu? Kuri Gaabaire gatarimu? Titukaamanyeine nk'oku turikumanyana hati. Egi kanisa ekaabaire etari hanu eti, ezo nkumi n'enkumi na zaamiriyoni omu nsi yoona. Kwonka, Ruhanga asiimwe, Gakaba garimu.

85 Bwanyima naateekateeka nti, "Oti ki? Niinye oha, n'obu kiraabe? Niinye oha, kubuuza Ow'obushoboorozi? Niinye oha, kubuuza Omuhangi owampaire amagara gangye gonyini hanu omu nsi? Ogwo mwereere nkamwiha hi? N'oha owaamumpaire? Agabirwe atari wangye, n'obu kiraabe. Akafa kumuntiiza, ahabw'akaanya kakye."

Naagira nti, "Sitaane, ndugaho." Naagyenda, naata omukono gwangye ahari ogwo mwereere. Naagira nti, "Ruhanga akuhe omugisha, mukundwa. Omu kaanya kakye, sho naaza kukushuumya eifo, akurambikye omu mikono ya nyoko. Baamaraiaka nibaza kutwara amagara gaawe mato. Naanye ndyakubugana omuri ako kasheeshe."

Naagira nti, "Mukama, Okamumpa. Oriyo noomutwara. N'obu Oraanyite, nka Yobu oku yaagambire, nabwo, Ninkukunda kandi Ninkwikiriza. Ku Oraanyohereze okuzimu, ninguma Ninkukunda, oku biri kwona. Ekyo tindikubaasa kukirugaho." Nikyo ekyo.

Kuri bwabaire buri obwengye bw'obuntu kwonka, byona bikaba nibiza kugarukira aho. Kwonka nooteekwa kugira obuzaare iwe wenka nk'omuntu. Nooteekwa kuzaarwa obwa kabiri.

86 Egyo niyo nshonga etuma abaheereza baarugaho bakagyenda, emishango y'amaani n'ebindi. Nibagira bat, "Tihariho ekintu nk'okutamba kwa Ruhanga. Tihariho ekintu nk'ebintu ebi." Tibakahikaga omuri ogwo mwanya ogurikwera, nk'oku naaba ningamba akasheeshe aka. Tibaine kintu kyona eki Barikugumanyaho. Nibabaasa bata kugira ngu n'abaana ba Ruhanga, kandi bakahakanisa Ekigambo kya Ruhanga? Noobaasa ota kukikora, orikuhakanisa Omwoyo Orikwera wenyini owaakuguzire?

Oo, oijukye, Yesu Akeecureeza, kuhika aha kufa, ahabwawe. Tarateire mpaka. Ku Baamucweire amacwante omu maisho, Tarabagaruriize. Ku Baamufuirire ekireju, Tarafuirire ebyabo. Ku Baamuteire oruhi aha mushaya gumwe, n'ogundi, Tarabagaruriize na kakye. Akabashabira, yaagumizamu, n'obucureezi. Akaba ari eky'okureeberaho ky'omucureezi.

Akaba aijwire okwikiriza. Ahabw'enki? Akaba naamanya ngu Ebigambo Bye bikaba bitarikubaasa kuremwa. Akabaisbwaho Ekigambo munonga okuhitsya obu Yaabaire Ekigambo.

Ai Ruhanga! Ka nyimutsye emikono yangye yombi ahari Ruhanga, omu maisho g'abantu aba. Ka ntuure ntyo. K'Ekigambo eki kibe kityo, nikwo nyowe n'Ekigambo eki tube ekintu kimwe. K'ebigambo byangye bibe Ekigambo eki; okuteekateeka kw'omu mutima gwangye kusiimwe. K'Abe omu mutima gwangye, omu biteekateeko byangye. Akomere ebiragiro Bye aha kikondo ky'obwengye bwangye. Abikomere aha kikondo ky'omutima gwangye. Reka Mureebe kwonka. Okwohibwa ku kuraije, ka ndeebe Kristo. Ebintu ku biraashobe, reka Mureebe kwonka. Ku ndaayeteekateekye, kandi omuzigu akagyezaho kuunyitsa ekiniga, ka ndeebe Yesu. Akaakozire ki?

87 Akaba ari omu Kigambo munonga, okuhitsya obu We n'Ekigambo baabaire ekintu kimwe. Reeba.

Kikaba Kitarikumwetaagisa kuteera empaka. Akaba naamanya ngu We n'Ekigambo bakaba bari kimwe. Akaba naamanya ngu Akaba ari Ekigambo kya Ruhanga ekishuurwirwe, kandi ekiragiro kya Ruhanga aha muheru kikaba nikiza kusingura ensi. Ekyo akaba naakimanya, Ekigambo Kye. Akaba aine okwikiriza. Akaba naamanya ahu Ayemereire. Kikaba kitarikumwetaagisa kuhanuura, akagira ati, "Hanu, noobaasa kwija hanu."

Sitaane akagira ati, "Hati, reeba, Noobaasa kukora eby'amahano. Noomanya ku oine okwikiriza kwingi. Noobaasa kukora eby'amahano. Niinyija Kukwombekyera ekyombeko, ekirikukira ekyo Oral Robert obuhango kabiri. Habw'okuba, abantu boona . . . E-ekintu kyonka eki Orikuteekwa kukora, boorekye. Guruka aha kyombeko eki hanu, oyetsimbe ahansi, ahakuba kikahandiikwa ngu, mwareeba, 'Baamaraiaka Baryakutega emikono, ngu orekye kuhikiza ekigyere kyawehaha ibaare.'" Mwareeba?

Akaba naamanya ku Aine amaani. Akaba naamanya ngu Naabaasa kukikora. Akaba naamanya ngu gamurimu, kwonka Tarenzire kugakozesa Ruhanga atakamugambiire ngu agakozese. Waareeba? Naayenda ngu abe Ruhanga Omuriwe, kibe Ekigambo omuri byona. Kandi ekyo Akaba naakimanya, ku Yaabaire agamba ekintu kyonka, ngu ekyo kikaba kiri Ekigambo kya Ruhanga; kandi n'obu eiguru n'ensi byakuhwaho, ekyo Kigambo ekiro

kimwe kir yasingura.

88 Akaba atateera mpaka n'obu kwakuba okubakira. Akaba agamba Ebigambo bya Ruhanga byonka. Buri Kigambo ekyarugire omu kanwa Ke kikaba kiri Ekigambo kya Ruhanga ekishukirweho amajuta.

Tikikaaba kirungi munonga kuri nitubaasa kugira ngu, "Ekigambo kyangye hamwe n'Ekigambo kya Ruhanga n'ekintu kimwe. Eki ngamba, Akiha ekitiinisa, ahabw'okuba tinkora kintu kyona Atabandize Yangambira"? Oo, nkikyo aho eky'okureeberaho kyawe. Ngago aho amagara agashe mereire Engiri.

T'abo banyamurwa abaabaire beegire munonga kandi barabukire, kandi baine ebyo bitiinisa by'amaani byona, reero bakeemerera bakarandagatana omu kushaba, bakanya enju z'abafaakazi, kandi bakashutama omu myanya ey'ekitiinisa omu-omu bashomi, ebintu ebi byona aho. Bakaba ba . . . Ago gakaba gatari magara agashe mereire Engiri.

Kwonka We akaba ashemereire Engiri, munonga munonga, okuhitsya obu Ruhanga yaagizire ati, "Ogu n'Omwana Wangye ou nkunda, Ou Nyesiimira munonga. Mumuhurire. Ekigambo Kyangye Niwe. Niwe Kigambo Kyangye. Nyowe Nawe tuba omwe."

89 Akamanya, mureebe eki hati. Akaba naamanya ngu Ekigambo Kye aha muheru kir yasingura ensi. Akaba naamanya ahu Ekigambo Kye kyabaire nikiruga. Akaba naamanya ngu Tikikaabaasa kuremwa na kakye, egoy niyo nshonga eyaatumire Yaagira ati, "Eiguru n'ensi biryahwaho, kwonka Ekigambo Kyangye tikiriremwa." Mwareeba? Akaba naabaasa kugamba ekyo. Ogwo akaba ari Omuntu Ou We n'Ekigambo kya Ruhanga baabaire omwe. Akabagira . . .

"Mus hemereire kukora eki na kiri."

Yaagira ati, "N'oha orikubaasa Kuunyomesereza ekibi? N'oha orikubaasa Kuunyomesereza?" Ekibi "n'obutaikiriza." "Nyowe, baadaimoni, ku ndaabe mbabingisa orukumu rwa Ruhanga, abaana baanyu bo bababingisa oha?" Mwareeba? Kikaba kitari ekyo, n'ahabw'ekyo kikaba nikiteekwa kuba ekindi kintu. Mwareeba? "Nyowe ku Ndaabe . . ."

Bakagira ngu, "Mbwenu, tubingire baadaimoni."

Yaagira ati, "Ku Ndaabe ninkikora n'orukumu rwa Ruhanga, Ekigambo kya Ruhanga ekihamiibwe, mbwenu abaana baanyu bo bababingisa oha? N'ahabw'ekyo mube omuramuzi."

abantu b'omu biro Bye, kandi abantu abo Bakamushungisa, Baamugambuura. Kwonka, We, Bakamujooga, omu muringo gwona ogu baabaire nibabaasa. Baamugambaho ebibi by'emiringo yoona, Baamugambuura, kwonka Yaagumizamu.

Hati niinyenda kuhendera omu kaanya kakye, ningamba eki.

90 Abantu b'ebiro ebi n'ekibiina ky'abagwa-iraro. Abantu b'ebiro ebi n'ekibiina ky'abagwa-iraro. Nibatiina kutwara okuraganisa kwa Ruhanga. Abantu b'ekanisa, ekanisa y'ekibiina ky'ediini, ekanisa y'ebibiina by'amadiini neetiina kutwara okuhiga kw'Ebyahandiikirwe bya Ruhanga by'ebiro ebi. Nibamanya. Nibamanya ngu embeera zaabo z'omurembe n'engiri yaabo etarikushasha ei babuurira tibirkwija kubugana okuhiga kw'obwire obu, nk'oku na Samusooni atarabaasize kukubugana ari omu mbeera ye. Kikeetaagisa Ruhanga.

Mbwenu ngigi hanu puroguraamu eyaakiraganiise. Ekyo naaza kukihikaho omu kaanya kakye.

Niinyenda kukwata ekyo kigambo, omu dakiika emwe. N'obu baraabe nibeeyeta Abakristaayo, nibakwata enyikiriza z'ediini, enyikiriza z'ebigunjano by'abantu, kuza omu mwanya gw'Ekigambo kya Ruhanga. N'ahabw'ekyo, nibabaasa kukwata enyikiriza, ahabw'okuba abantu bakazigunja. Kwonka nibatiina kuta okwikiriza kwabo aheeru okwo omuri Ruhanga ou barikugira ngu nibakunda. Ago n'amazima. Reero noogira ngu ago magara gashemereire Engiri? Tigarikubaasa, n'obu baraabe bari baamemba b'ekanisa. Kwonka ago tigashemereire Engiri. Ngaaha, buzima.

91 Engiri! Yesu akagira ati, "Mugyende omu nsi zonna, mubuurire Engiri ebihangirwe byona. Obumanyiso obu buryaguma nibukuratira abaikiriza."

Kandi obwo ku oraabwangye okakuratira abaikiriza, noobaasa ota kugira amagara . . . Nangwa, noobaasa kutagamba n'obu kyakuba ekigambo kimwe kibi, noobaasa kurinda ebiragiro ikumi byona, ekyo tikikaagira kakwate koona nakyo. Nabwo tigashemereire Engiri. Waareeba? Tigakaabaasa.

Abo banyamurwa bakabirinda, kwonka nabwo bakaguma batashemereire. Akagira ati, "Muri aba shoimwe, Sitaane." N'oha owaabaire naabaasa kutunga orukumu omwe ahari abo bantu? Orubanja rw'akamogo kamwe, bakaba bateerwa amabaare hatariho saasi. Abantu abarikwera! Kwonka Yesu akagira ati, "Muri aba shoimwe, Sitaane," obu Engiri etaahamu.

N'obu baraabe nibeeyeta Abakristaayo, nibakunda kuramatira aha nyikiriza z'ediini, enyikiriza zaabo. Ai bambe! Enyikiriza nizitandikaho kandi zihikiiriza okuteekateeka kw'abantu b'omutindo gw'eriiygenda. Kandi

omuntu orikuza kubaasikirwa omu biro ebi, naateekwa kugyenda n'okuteekateeka kw'omutindo gw'eriigyenda. Ekyo ka nkigambe kurungi kandi gye. Mwareeba? Omuntu, ku oraabe nooyenda kubaasikirwa, nooteekwa kugyenda n'enteekateeka y'omutindo gw'eriigyenda. Ni . . . Nibeetooroora, bagira bati, "Oo, t'omukundwa? Ti murungi munonga? Naabaasa kwemerera aho kurungi munonga, kandi takatukyererezahoga kurenzya edakiika ikumi na itaano. Kandi omuriisa waitu tatujuukirira burijo aha bintu ebi."

Omuriisa ogwo yaashwara. Omushaija weena orikubaasa kwemerera aha kituuti haza akareeba ekibi ky'ebiro ebi, kwonka atakijuukirire, hariho ekishobire aha mushaija ogwo. Tasuemereire Engiri ei arikugira ngu naabuurira. Ekyo kihikire. N'ahabw'ekyo, omu kukora batyo, nibeeteeraho zaarwekwatso, nibagira ngu, "Hati, reeba, abashomi bangye!"

92 O-omushaija akija hanu, enshumi nkye ehwire, aha kanisa emwe y'amaani, kandi akaba naahandiika ekihandiiko ky'ekiteekateeko kye. Kandi yaagira ati, "Nimpandiika aha butambi bwa Ruhanga." Yaagira ati, "Ow'eishe-emwe Branham, nitukukunda, omu kigombe kyaitu ky'ediini." Kimwe aha bigombe by'amadiini ebihango munonga, kimwe ahari ebyo ebihango omu ihanga, nari omu nsi. Reero yaagira ati, "Nitukukunda, omuri eki kigombe ky'ediini." Akaba ari hanu honyini omuri Jefferson Villa. Kwonka, yaagira ati, "Nyizire kucondooza ebikwatsire ahari obu butambi bwa Ruhanga." Yaagira ati, "Hariho enshobe emwe yonka ei ekanisa yangye erikureeba buzima." Mwareeba? Yaagira ati, "Nookwatanisa munonga n'Abapentekoote."

Naagira nti, "Mbweni, hati, noomanya, ekyo kihikire." Naagira nti, "Ago n'amazima. Noomanya, ntuura niinyetenga omwanya gw'okubarugaho." Naagira nti, "Ka nkugambire. Ninja kwija omuri tauni y'owaanyu, ogambire ekanisa yaawe enshagikye."

"Oo," yaagira ati, "tibakaakushagika.

Naagira nti, "Ekyo nikyo naaba ninteekateeka. Ekyo nikyo naaba ninteekateeka."

Yaagira ati, "Nooreeba, ekigombe kyangye ky'ediini ekyo tikikaakikiriza." Egyo ni rwekwatso, nka, "Ntaahize omukazi," nari "nguzire enim z'okuhingisa." Tindikufayo ni zingahi zaadiguri za dokita ezi oine, kandi n'oku ekigombe kyawé ky'ediini kirikukutamu ekitiinisa. Obuheereza bw'omuringo ogwo tibusuemereire Engiri ehandiikirwe omuri eki Kitabo. Kihikire.

93 Membä weena w'ekanisa orikushemba ekintu nk'ekyo, haza akeeyeta Omukristaayo! Reero akaza aheeru hanu kandi akatuura . . . Kandi abakazi bakashara eishokyé ryabo, kandi bakajwara ebijwaro ebi Baiburi erikubazibira kujwara. Abashaija bakatwaza nk'oku barikukora hati, "enshuha y'okutiina Ruhanga," bakanywa ebirkusinza bakareetsa zaakyasooka, kandi bakataasya emirundi mingi kwonka bakaba abadiikonni b'ekanisa nangwa n'abariisa, n'ebindi. Kandi n'abantu abarikugumisiririza ebintu nk'ebyo, amagara g'omuringo ogwo tigasuemereire Engiri.

Omukazi orikugyenda, akaza aha simu akagambuura, kandi akatandikaho empaka omu kanisa, n'ebintu ebiri nk'ebyo, ago tigari magara agasuemereire Engiri ei turikuza kujwekyera. Omuntu weena orikusheenya ekanisa, kandi akatandikaho amazimwe ahagati y'abantu, n'ebintu ebiri nk'ebyo, tasuemereire Engiri ei turikubuurira. Buzima. "N'enshuha y'okutiina Ruhanga, akahakanisa amaani Ge," amaani ga Ruhanga agarikukuzibira kukora ebyo.

94 Yetegyereze, hati, tibarikukikora. Tibakaakikora. Baine rwekwatso, ngu, ekanisa yaabo Terikukiikirizamu. Niba . . .

Mpaho, kwonka, Yesu akaagamba-akaagambira omuntu, ekiro eki, agamba n'omutima gwe agira ati, "Niinyenda ngu ogyende, obuurire Engiri ejwire."

"Ekanisa yangye Terikugiikiriza, Mukama. Nsaasira, ku Oraabe nookisiima. Nyine enshonga nungi. Ndi-ndi, Noomanya, ndi omuriisa, w'emwe aha makanisa agarikukirayo obuhango omuri oru rurembo, Mukama. Oo, ka nitusingiza Eiziina Ryawe eifo kuri! Eego, sebo. Buzima niturisingiza. Tindikubaasa kukikora." Rwekwatso niyo emwe, ekintu nikyo kimwe. N'ahabw'ekyo tibajia aha bugyeniyi bw'omwoyo bw'Ekigambo Kye ekyaraganisiibwe, kikahamibwa.

Yesu taragizire ati, "Ahu omutumbi guri, niho empungu ziteeranira"? "Empungu," ti bishamba, hati. Empungu! Ahu eby'okurya by'empunu biri, hamwe n'o-hamwe n'o-omutumbi ogujunzire, obwo ebishamba nibiteeraniraho. Kwonka ahu Enyama nsya, eshemeire eri, empungu niziteeraniraho. Waareeba? Buzima. Ahu Ekigambo kiri, Eby'okurya by'empungu, niziteeraniraho.

N'ahabw'ekyo tibarikwija aha bugyeniyi bw'omwoyo obu beetsirweho. Nimwikiriza ngu Ruhanga ayetsire Amerika, emyaka ikumi na itaano ehwire, kwija omu kusisiimuka kw'amaani, aha bugyeniyi bw'omwoyo? [Abateeraine baagira bati, "Amiina." -Omur.] Bakajia? Ngaaha, sebo. Ngaaha, sebo. N'ahabw'ekyo, okwanga kwija, ago magara gasuemereire Engiri, n'obu baraabe nibeeyeta ekyo bo bonka?

95 Obu omushaija omwe yaija ahariinye, enshumi nkye ehwire, akashutama aha meeza, akagira ati, "Ow'eishe-emwe Branham, niinyenda kugorora omukono gwangye ngurenzye emeeza," omushaija rugambwa, yaagira ati,

"niinyenda kukukwata omu ngaro. Ninkukunda." Nkaba ndi omu kanisa naamuhurira naabuurira. Yaagira ati, "Ninkukunda. Niinyikiriza ngu ori omuheereza wa Ruhanga."

Naagira nti, "Yebare, dokita. Naanye, ninkukunda."

Yaagira ati, "Niinyenda kukugambira oku ndikukukunda, nk'ow'eishe-emwe." Reero yaagira ati, "Nooreeba omugabekazi wangye mukye oshutami aha, omukazi wangye? Noomwijuwa?"

Naagira nti, "Nimwijuwa."

Yaagira ati, "Dokita akagira ngu takaarenzya saabiiti ibiri atakafiire, arwaire ekookoro y'omu mubiri. Kandi waija omu rurembo waamushabira. Waaranzya ahaiguru, waareeba okworekwa. Waareeba enyima wangira oti, 'OKU NIKWO MUKAMA ARIKUGIRA, naaza kukira.'" Ibara rihango aha mugongo gwe, ritobeire omunda batyo, rikaba nirishushana nk'ekintu kihango munonga . . . nk'ekicweka ky'eibeere ry'omukazi erigarwirwe omunda, omu mugongo gwe, aha ruti rw'omugongo gwe honyini. Tihariho nangwa n'enkojo yaaryo, eriizooba." Yaagira ati, "Ngugwo aho omugabekazi wangye ashutami, ariho ahuriire eriizooba." Yaagira ati, "Nkaakozire ki kutari okukukunda, ahabw'okushaba egoy shaara erimu okwikiriza? Nkaareka nta kukwikiriza ku ori o-omuheereza wa Mukama, kunu wandeebire, kandi okagamba ekyo kyonyini ekyabaire nikiza kubaho?" Yaagira ati, "Hati hariho eki nkwinire, Ow'eishe-emwe Branham." Yaagira ati, "Ndi memba w'ekibiina kihango munonga ky'Abapentekoote ekirih."

Naagira nti, "Eego. Sebo. Ekyo ninkimanya."

Yaagira ati, "Nkagaaniiraho n'ab'eishe-emwe, enshumi nkye ehangwire, kandi bangira ngu mpurizane naiwe, kandi nkugambire ngu kikaba eky'enshoni iwe kutwara obwo buheereza obwarugire ahari Ruhanga omu kibiina ky'abantu eseeri y'omugyera n'ahandi hoona batyo."

Naagira nti, "Ekyo n'amazima?"

Yaagira ati, "Eego." Ati, "Ruhanga acohoreza obwo buheereza agyendereire ngu buhikye omu myanya y'omugasho munonga, emyanya mikuru, ebantu by'omugasho."

96 Nkareeba Sitaane naagamba amagingo ago. Naateekateeka nti, "Yee. 'Guruka orugye aha rushozi oru oyetsimbe ahansi, oyorekye, noomanya, orugye ahari eki kyombeko." Waareeba? Waareeba?

Naateekateeka nti, "Murekye agumizemu kakyeho." Omukaikuru wangye akaba akira kugira ati, "Ha ente omugoye muraingwa ogurikugasha, neija kwehanika."

Naagira nti, "Ekyo n'amazima?"

"Eego." Yaagira ati, "N'eky'enshoni, ahabw'ebi orikukora." Yaagira ati, "Iwe ori kintu ki? Ebiro ebi nikikugumira n'okwegurira eby'okurya." Kandi yaagira ati, "Reeba Oral Roberts hamwe n'abo abandi, abaataahiremu, haza bakaruga okwo baine kimwe kya igana ky'obuheereza obu oine. Reeba ebi baine."

Naagira nti, "Yee. Ago n'amazima." Waareeba?

Reero yaagira ati, "Ekibiina kyangye nikiza kukutwara. Nituza kukutaahizamu kimwe, nk'o-nk'omwe aha b'eishe-emwe bagyenzi baitu. Boona nibaija kukuha omukono gwa buryo gw'okukwatanisa, kandi nitwija kupangisa enyonyi, kandi tukushashure omushaara gwa magana ataano buri saabiiti, nangwa n'okukiraho ku oraabe nookyenda. Kandi nitwija kukwohereza omuri buri rurembo rukuru omu ihanga." Eki kikabaho omuri Phoenix honyini, Arizona, turi aha meeza nitureebana. Kandi yaagira ati, "Kandi nitwija kukushashurira . . ." Ati, "Reero k'ensi, ensi y'aheeru, k'ab'ebitiinisa, abantu b'amaani, ab'ahaiguru munonga . . ." Yaagira ati, "Otuura noogamba aha b'ahansi munonga abataine oku bari. Twine ab'ekitiinisa ab'ahaiguru munonga." Ati, "Reka bareebe omukono gwa Mukama. Reero niinyija kubareka batware omukazi wangye bagyende nawe, n'abandi, abarikubaasa kuhamya ngu ebantu ebyo ebi ogamba bihikiirira."

97 Yaagira ati, "Eego, sebo. Ekyo kikaaba kirungi munonga."

Hati, waareeba, ogwo mushaija, ow'omu idaara rya D.L., L.L.D., omuhandiiki w'ebitabo, waareeba, omuhangu omu kuhandiika ebitabo, omuhandiiki murungi, omushaija murungi. waareeba? Akaba atarikumanya Ebyahandiikirwe.

Obaire noomanya ngu ogwo Maraika owaakozire emirimo y'omuringo ogwo taragiire omuri Sodoma?" Akaguma n'ekibiina ky'abaayetsirwe kurugamu, Abrahamu.

Akaba atarikukimanya. Nkamwetsiza, naafa kushutama aho akaanya kakye munonga. Nkaba niinyenda kumanya ogwo mutego. Naamubuuza nti, "Mbweni, nikiza kuunyetaagisa kukora ki?"

Yaagira ati, "Mbweni, Ow'eishe-emwe Branham, ekintu kyonka eki bagambire . . . Tukihanwireho, ebantu bikye, obuntu bukye obw'omugasho mukye obu orikwegyesa, ngu obute aha rubaju."

Naamubuuza nti, "Eky'okureeberaho, nka buuha, ow'eishe-emwe?"

"Oo," yaagira ati, "okubatiza kwawe, noomanya. Noomanya, ori nk'orikubatiza nk'ab'enyikiriza y'ab'obumwe, obuntu oburi nk'obwo. Ati, "Obuntu bukye nk'obwo."

Naagira nti, "Ee!" Naagumizamu.

Kandi yaagira ati, "Akamanyiso k'okubanza; kandi n'abakazi ababuurizi; hamwe n'obuntu bukye nk'obwo."

98 Naagira nti, "Ahaa?" Naagira nti, "Noomanya, naatangaara kureeba ngu omuheereza omwe wa Ruhanga naabaasa kubuuza ondijo muheereza wa Ruhanga, ahanyima y'okunsiima oku wansiima, n'okuunyeta nabi, kandi orikumanya ngu Ekigambo kya Mukama, nari okushuuuruirwa kw'Ekigambo, kwizira nabi. Bwanyima okahinduka, Dokita Paapa, (tikirikworeka obwengye bwawe burungi), kandi okabaasa kugamba n'okubuuza, omuheereza omwe wa Ruhanga, okabuza ondijo muheereza wa Ruhanga kworobyamu aha bintu ebi . . . ? . . . ebimwiniire omugasho okukira n'amagara gonyini." Naagira nti, "Ngaaha, sebo, Ow'eishe-emwe Paapa. Tinkaabaasa kukikora na kakye. Ngaaha, sebo."

Niki? Hariho enjuma y'Amagara Agatahwaho; kubaho nari okufa, yaaba ori omuntu w'amaani nari otari muntu w'amaani.

99 Nkarabaho, ijweri . . . Ti kugaya abantu babiri aba. Nkaranzayayo, kandi hakaba hariho ekishushani kihango aho omuri Tulsa, Oklahoma; omwanya musya gwa Oral Roberts ogu barikwenda kwombeka, seminariyo y'okwegyesa abaheereza. Niguza kuba ogw'omuhendo muhango. Kandi nimmanya Demas Shakarian, Ow'eishe-emwe Carl Williams, hamwe n'abo abari aha kakiiko k'ababiiki baayo. Doola miriyoni makumi ataano, hamwe n'ekyombeko kya doola miriyoni ishatu; omwojo w'Omupentekoote, ebyo n'ebintu bikuru munonga ebi Ruhanga amukoreire.

Naateekateeka nti, "Nyowe, kugira seminariyo? Ningikanisa, eky'okubanza kya byona."

100 Kandi kikaba nikigira kiti, "Eka y'ebiro by'omu maisho ya seminariyo nkuru ya Oral Roberts." Naagumizamu ninshuma omu muhanda, hakaba hariho ekintu kikuru eky'omutindo gw'ahaiguru. Kandi Oral Roberts, ari omu ihema rikuzire rikye, akaija omu ruteerane rwangye okwo omu Rurembo rwa Akansas, Akansas.

Kikaba nikigira kiti, "Eka y'ebiro by'omu maisho ya Tommy Osborn," iwe, muntu 'we, nk'omwanya gwa doola miriyoni ishatu nari ina nihombekwa hatyo.

Kandi aho, Tommy Osborn, omwe aha bashaija Abakristaayo abarikukirayo oburungi. N'omushaija muzima, omushaija muzima otumirwe Ruhanga. Akeemerera seeri y'oruguuto aho; omutsigazi muto, oine obwoba, omutsigazi muto n'omwishiki bari omu motoka; yaija nairuka, yaarugamu. Yaagira ati, "Ow'eishe-emwe Branham, nkaba ndiho obu ndeeba omugwa eiraro ogwo naija n'obwira. Kandi nkakureeba noomutunga orukumu rwawe omumaisho ge, kandi waagira oti, 'Omú Iziina rya Yesu Kristo, murugyemu.' Nkakureeba naagwa aha bigyere byawé; obwo yaaheza kuragura, ati, 'Ekiro eki, ninza kukuteera nkunagye ahagati y'ogwo mutwe gw'abantu abarikwingana enkumi mukaaga na magana ataano.'" Kandi yaagira ati, "Nkakureeba oyemereire aho, toremukize eiraka na kakye, waagira oti, 'Omú Iziina rya Mukama, ahabw'okuba waahiga Omwoyo wa Ruhanga, ekiro eki, nooza kugwa aha bigyere byangye.' Yaagira ati, 'Naaza kukworeka n'ebigyere by'oha ebi ndaagweho.'"

Ntyo naagira nti, "Murugyemu, Sitaane." Yaagwa agarami kandi ebogyere byangye yaabimigira ahansi.

Osborn yaagira ati, "Ruhanga ni Ruhanga, Ow'eishe-emwe Branham. Nikyo ekkyo kyonka." Yaagira ati, "Nyekingiraine omu nju okumara ebiro bibiri nari bishatu." Tarikuzaana. Naakigamba. Tikirikumushwaza. Yambuuza ati, "Noogira ngu nyine ekiconco ky'okutamba?"

Naagira nti, "Kyebwe, Tommy. Okatumwa kubuurira Engiri. Gyenda, Ogibuurire. Kwatanisa n'Ow'eishe-emwe Bosworth kuriya."

101 Naaranzya aho, naareeba. Nkatandika abo bombi batakataandikire.

Naateekateeka nti, "Ngugwo aho Oral Roberts n'ebiyoma magana ataano, ebi hatariho nangwa n'omukono gw'omuntu ogurikukwata ahari ago mabaruha; doola miriyoni ina omu mabaruha, omwaka oguhweire." Miriyoni ina; kimwe kya kana ky'esente zoona ezaashoroziibwe, omu mahanga goona g'omu nsi agarikwikiririza omu diini y'Obukristaayo, goona. Kimwe kya kana ky'esente omu mahanga goona agarikwikiririza omu diini y'Obukristaayo, zikaheebwa omuntu omwe. Ka n'omwanya! Nkazayo kugureeba.

Kandi, hati, Oral n'ow'eishe-emwe mugyenzi wangye. Mugyenzi! Nimmukunda. N'omuntu muzima, omuntu w'amazima, kandi nimmukunda. Kandi nantamu ekitiinisa, kandi naanye, ninkimutamu. Titurikwikirizana aha-aha Byahandiikirwe kwonka.

Kandi, Tommy Osborn, ti murungi okukiraho. Nimmutamu ekitiinisa. N'omwe aha bantu barungi munonga abu ndabugaine, Tommy Osborn.

"Kandi abo bashaija," naateekateeka nti, "ku naataahire omu ofiisi zaabo kandi nkareeba ebi baabaire baine,

nintekateeka ngu nkaashwara bo kwija, kureeba eyangye: taipu emwe nkye erikuteera enyuguta, kandi naitwe nitugyezaho kwohereza ebaruha. Kandi ka n'ekintu! Zikaba zibiikirwe aha muheru omunda y'ekyana ky'emotoka ya rukururana, obwire obwo. Naateekateeka nti, "Ekyo kikaaba ki?"

Bwanyima naashohora. Naateekateeka nti, "Mpaho, 'Eka y'ebiro by'omu maisho ya Oral Roberts.' 'Eka y'ebiro by'omu maisho ya Tommy Osborn.' Omwe tarikugamba na mugyenzi we."

Ntyo, naashuuma omu ruguuto. Naateekateeka nti, "Kwonka shi nyowe ni bita?"

Reero Ekintu kyagira kiti, "Reeba ahaiguru."

Naateekateeka nti, "Eego, Mukama, ka mbiikye eitungo ryangye omu Iguru, ahakuba okwo niyo omutima gwangye guri." Hati, ekyo tindikukigamba kugira ngu ngirirwe esaasi. Ekyo ninkigamba ahabw'okuba kikabaho, kandi na Ruhanga naamanya ngu ekyo n'amazima. Mwareeba?

Eitungo ryawe rirahi? Nooyenda kuba omuntu rugambwa? Ku oraabe ori otyo, toine eki ori kyona. Noohika ahu otarikwenda ngu obe omuntu w'amaani. Nooyenda ngu obe omuheereza omucureezi mukye wa Kristo. Ekyo nikyo kishemereire. Nikyo ekyo kyonka.

102 Ow'eishe-emwe Boze hamwe n'abo abandi nibatandika ekanisa omuri Chicago. Kikabeetaagisa egyo kanisa y'Abafiladelufia kugitsigira ekyo kigombe ky'ediini. Hati babaire nibagamba aha kutunga omuntu oine ekooti ehinyire eti, oine diguri ya D.D. Naagira nti, "Mwayorekyerera kubura. Ku muraabe nimwenda kutunga omuriisa w'amazima ahabw'egyo kanisa, musherure omuntu mukye okuzire omucureezi orikugumirwa kushoma eiziina rye, kwonka ou omutima gwe gurikwakamu omuriro ahabwa Ruhanga. Ogwo abe niwe mwatoorana. Ogwo niwe mushemereire kutunga, omuntu otarikumanya ebintu ebi byona, omuntu otaraije kuragiira n'okutegyeka, kandi akabataasya omu mabanja g'emiringo yoona, n'ebindi bintu byona, kureka kubariisa Ekigambo kya Ruhanga kyonka. Omuntu w'omuringo ogwo niwe mushemereire kutunga."

N'ahabw'ekyo, tibarikwenda kwija aha bugyenyi bw'omwoyo. Naaza kuhendera. Naarenzya aha bwire hati. Omu dakiika nka mukaaga, nituba nitubasiibuura, Mukama yaakunda.

103 Nimpurira bamwe nibagira bat, "Kwonka, Ow'eishe-emwe Branham, kikaabaire kirungi oshagika ekyo kigambo." Nibagira ngu, "Abantu ti bagwire iraro. Abantu aba ti bagwire iraro. Beegire kwonka." N'abagwa eiraro abeegire, kyaba kiri kityo. Ekyo nikwo kiri. Yee. "Ti bashazi. Beegire."

Mbwenu niinyenda kubabuuza ekibuuzo. Mwareeba? Nimwetegyereza. Mbwenu niinyenda kubabuuza ekibuuzo. Nyaabura 'mwe mushoboorore ebikorwa byabo by'eriiygenda, ku baraabe batari bashazi. Mungambire ekirikutuma baatwaza oku barikutwaza, ku baraabe batari bashazi; mwareeba, buri muntu naayendeza ekigombe kye ky'ediini, abanyamururu. Yesu akaba atari atyo. Akaba atarahukiriza ekintu kyona. Mwareeba? Akaba atari munyamururu. Akaba ari eky'okureeberaho kyaitu.

104 Okuhenda amateeka, eihanga eri, eihanga eri riine abarikhenda amateeka okukira obundi bwire. Hariho ki? Eminyeeto, baamemba b'ekanisa, obwitsi, abashaija nibarasha abakazi baabo n'ab'eka, kandi nibootsyu abaana baabo. Kyo reeba okuhenda amateeka oku kuri okw'amaani. Ti bashazi? Mbwenu ni nshonga ki? Ebikorwa byabo ni biiha?

Eiraro ry'amahanga kwenda kutegyeka, buri rimwe niryenda ngu ritegyekye buri . . . agandi kandi gagire ebendera emwe, eihanga rimwe, egyo ebe niyo yaaba ebendera yaabo n'eihanga ryabo. Eiraro ry'okutegyeka!

Emicwe mibi, ahabw'enki, ensi eine emicwe mibi munonga okukira oku eragizire. Abakazi ababunwize omu nguuto z'omu rurembo, abakazi abajwaire busha, reero ogire ngu emitwe yaabo etebeekaine? Tibarikubaasa. Buzima tibarikubaasa.

105 Hurikiza. Hariho omuntu omwe omuri Baiburi owaajwire ebijwaro bye, ogwo akaba ari Legioni. Akaba ashazire. Yesu ku yaamuboine kandi akamugarurira obwengye bwe, akajwara ebijwaro bye. N'amazima.

N'enki ekirikutuma waajuura ebijwaro byawe? Sitaane. Ago n'amazima. Reero ogire ngu ti bashazi? Tandikira ahaifo y'oruguu rw'omu rurembo hanu, ovugye emotoka orabe aha byombeko bina by'omu rurembo, ku oraabe otareebire omukazi ojwaire busha ogarukye ongambire. Nikwo kiri. Condooza omanye.

Reero mugire ngu ti bashazi? Mbwenu ekishobire niki? Emitwe yaabo terikubaasa kuba eteebekaine. Omukazi oine omutwe ogutebeekaine takaa kora ekyo; naaba naamanya ngu ekyo tashemereire kukikora. Naamanya omwanya ogu arikweyanikamu aheeru okwo. Ekibiina kya baadaimoni abajjwire okurigira kubi aheeru okwo, abashaija abarofa, abagubire, abazambaire, ba ntalo yaago, abaitsi, n'ebindi byona. Noogira . . .

Ensi neenywa amaarwa maangi okukiraho eriigyenda. Nibashohoza esente nydingi aha maarwa, omuri Amerika, okukira ezi barikushohoza aha by'okurya. Nintekateeka ngu ni . . . Naayebwa n'emirundi engahi ei eibanja ry'amaarwa ririkweyongyera buri mwaka, omu ihanga, kukira oku ryabaire riba. Kandi esindo neekora ki? Neekuta omu irwariro ry'abashazi.

106 Ekookoro. Obwo baadokita abarikujanjaba endwara kuruga omu nsi yoona bahandiika omu butabo bw'amahurire, nibakugambira bati, "Ekookoro ekanyire munonga." Sigara. Zite aha mbeba, kandi kihamiibwe ngu neekurwaza ekookoro y'omu bihaha. Ebicweka makumi mushanju ahari igana by'abo nibarwara ekookoro y'omu bihaha kuruga omu kureetsa sigara. Kwonka abo bakazi n'abashaija nibazireetseza kimwe kandi omwika bagukutuumuurira omumaisho. Obwo ku buraaabe butari obugwa eiraro, obugwa eiraro niki?

Kunu, Engiri ya Yesu Kristo erikubaasa kubuuirirwa kandi ekahamibwa, na Ruhanga w'omu Iguru omu nshusha y'Enyomyo Ye y'Omuriro naagyendagyenda omu bantu kandi naayoreka ngu Yesu Kristo ari omu kicweka ky'aha muheru ky'Okwija Kwe, naabaha akamanyiso k'aha muheru. Kwonka Bagishekyerera kandi Bagishungisa, haza beeyeta baamemba b'ekanisa; reero ogire ngu ti bashazi? Ekyo kishoboorore. Obwire bwangye nibugumizamu kuhwa. Kwonka buuza ku baraabe batari bashazi. Buzima. N'abashazi abeegire. Ekyo kihikire buzima. Shoboorora embeera yaabo. Torikubaasa.

107 Nibashara eishokye ryabo, bajwara ebijwaro by'ab'ensi, bashohora baaza omu ruguuto rw'omu rurembo bari batyo. Kunu Baiburi ya Ruhanga erikukizibira, nangwa erikuzibira n'omukazi kushaba ashazire eishokye. Kandi neegira ngu omushaija . . . Kwonka omukazi ekyo naakikora. Naayeyoreka we wenka ahari iba, ku ni maraaya, we wenka, kandi iba aine obugabe bwona kumushenda kandi akamubinga. Ekyo buzima kihikire. Ekigambo kya Ruhanga nikigamba kityo, kandi omukazi akihurira, kwonka agumizamu naashara eishokye, kandi ayeyeta Omukristaayo. Obwo ku buraaabe butari bushazi, obushazi niki? Kare, niinyenda omuntu angambire obushazi ni kintu ki. Eego. N'abashazi.

Beegire munonga, zaadiguri, eitendekyero rikuru! Nituta obwire bwingi omu kwegyesa abaana baitu, a-alugyebura na bayologye, okukira obu turikumara omuri Baiburi na Yesu Kristo. Tihariho mwana n'omwe omu ihanga eri otarikubaasa kukugambira ou David Crockett ari. Tihariho na kimwe kya kashatu ky'abo abarikubaasa kukugambira Ou Yesu Kristo ari. Reero, ngu ti bashazi? Buzima, nibo. Ka twakubaasa kugumizamu tukagumizamu tukagumizamu, oku barikukora!

Mwijukye. Kandi amakanisa nigakishagika, kunu Baiburi erikukijumiirira. Obuheereza nibwo bushazire? Abashazi abeegire. Ago n'amazima gonyini. Amakanisa nigakishagika.

108 Mwijukye Looti. Akaba ari omushaija oine obwengye. Ka tumureebe, edakiika emwe yonka hati. Muta-muta . . . Reka tuta . . .

Munsaasire ahabw'okurenzyaho kakye ezindi dakiika. Eki-eki ni kikuru munonga. Nikikwata aha . . . Mwaija kumpurira ninta obutumwa obu aha rutambi rw'amaraka.

Reeba. Reeba. Hati, yemereraho kakye. Shabaho sekenda emwe, omu mutima gwawe oti, "Mukama, nyikiriza nkireebe." Igura okwetegyereza kwawe. Ninshaba ngu Ruhanga akikore. Reeba e . . . Hati kwata eihanga eri, ryonka. Ka tugambe eki Ruhanga yaagambire.

Baiburi neegira ngu, "Ebibi bya Sodoma bikareetera Looti kugira enaku ebiro byona omu mutima gwe oguhikiriire." Akaba ataine bumanzi oburikugasha kubijumiirira. Ekyo nikwo kiri? [Abateeraine baagira bati, "Amiina -Omur.] Akaba atarikubaasa kubijumiirira, ahabw'okuba akaba ari meeya w'orwo rurembo. Akaba atarikubaasa kubijumiirira. Kwonka Baiburi neegira ngu, "Ebibi by'a-abantu ba Sodoma bikareetera omutima gwe kugira enaku." Akaba naamanya ngu bigwire, kwonka akaba ataine bumanzi bw'okukikora, kurugayo akabijumiirira.

109 Hati reeba. Ni Baalooti bangahi omuri Amerika, nyomwabazyo, abashomire Baiburi zaabo, kutebeekanisa obutumwa bwabo bw'eizooba eryo, abashomire aha kubatiza omu maizi omu Iziina rya Yesu Kristo batakifeho? Ni bangahi omuribo abashomire aha kubatizibwa kw'Omwoyo Orikwera batakifeho? "Yesu Kristo tahinduka, oku abaire ari nyomwabazyo n'eriizooba nikwo ari, kandi nikwo ariguma ebiro byona batakifeho."? Mako 16, "Obumanyiso obu buryaguma nibukuratira abarikwikiriza batakiteho mutima"? Yohaana 14:12, "Orikuunyikiriza, emirimo ei Nkora nawe aryagikora batakiteho omutima"? "Ku muraagume omuriinye, n'Ekigambo Kyangye kyaguma omuriimwe, mushabe kyona eki murikwenda, kiraykorwa batakifeho"? Ekyo ni Baalooti bangahi abakireebire batakifeho? Kwonka, ahabw'ebi'okwekwatsa byabo, by'ekigombe kyabo ky'ediini! Barangize kandi bareeba omuri Baiburi.

Reeba abashomi baabo b'abakazi abashazire eishokye, kandi nibamanya ngu Baiburi neekijumiirira. Bareebe nibashuma omu ruguuto rw'omu rurembo, baamemba b'ekanisa yaabo nibashuma omu ruguuto rw'omu rurembo, bajwaire ebijwaro bigufu munonga, kandi nibamanya ngu Ekigambo nikikyanga. Kwonka tibaine bumanzi bw'okukijumiirira. Kwonka, nabwo, omuntu orikwatura ngu n'Omukristaayo, omwoyo gwe oguri omuriwe nigrira gurukuhakanisa ekyo kintu, kwonka taine bumanzi. Egyo ku eraabe etari Sodoma y'ebiro ebi, eri nkahi?

Ai Ruhanga, tuhe omuntu oraije kubijumiirira. Ekyo kihikire. Nka Yohaana Omubatizi oku yaagizire ati, "Empango eteirwe aha kitsintsi ky'omuti." Ekyo nikyo turikwetenga ebiro ebi.

110 Reeba. N'aba Sodoma y'omutindo gw'ebiro ebi. Oijukye. Waareeba? Ensi yoona ehindukire Sodoma na Gomora y'omutindo gw'ebiro ebi. Looti agarukire yaatuuramu ogundi murundi. Ngaaha . . . Atwiremu ogundi

murundi, ababw'okuba okwikiriza kwe kw'obwesigwa nikumugambira kurabira omu Kigambo ngu ashobize.

Ranzya omuri Chicago, Chicago empango, obu abo babuurizi magana ashatu baabaire bashutmi aho. Kandi Mukama akangambira ekyo kiro eki baabaire nibaza kukora. Bakaba bantegire omutego. Nyowe, naagumizamu naazayo. Nkagyenda naagambira Ow'eishe-emwe Carlson. Naagira nti, "Timurikuza kuruta omuri ego hooteeri. Nituteekwa kuruta omu gundi mwanya, kandi nikiza kuba ekishengye ky'erangi ya kinyaatsi. Kandi bantegire omutego, tikwo kiri, Ow'eishe-emwe Carlson?" Yainika omutwe gwe.

Akashutama aho omu ofiisi yangye, ebiro bikye ebihingwire, ategyereize ngu nyije, omu ruteerane rwa Chicago. Yaagira ati, "Ekyo tindikyebwa, Ow'eishe-emwe Branham."

Kandi naagira nti, "Bantegire omutego. Ahabw'enki, Ow'eishe-emwe Carlson? Otiinire kungambira enshonga, iwe na Tommy Hicks?" Bakeinika emitwe yaabo. Naagira nti, "Tommy, ahabw'enki otarikugyenda okabuurira?"

Yaagarukamu ati, "Tinkaabaasa kukikora."

Naagira nti, "Ka ningira ngu waagambire ngu nooza kunyamba."

Naagira nti, "Ekiro ekihweire Mukama yangambiire. Waaza kushuumayo eriizooba, kandi nooza kushanga ngu timurikuza kutunga ekyo kyombeko. Nimuza kuza omu kindi kyombeko. Dokita Mead naaza kuba ashutami orubaju oru. Ogwo mushaija omwiraguju, omukazi we, orikweshongoro ebyeshongoro, naija kuba ashutami hanu honyini, n'ebindi, ahi boona barikwija kuba bashutami." Naagira nti, "Nihaza kuba hariho omunyamurwa w'aba Buddha aho." Naagaruka naagira nti, "Hati kicondooze. Nibanyanga ahabw'okuba nimbuurira okubatiza omu maizi maingi omu Iziina rya Mukama waitu Yesu Kristo. Nibanyanga 'habw'okuba nimbuurira oruzaaro rw'enjoka; hamwe n'aha kamanyiso, ngu, buri muntu orikugamba omu ndimi aine Omwoyo Orikwera, n'ebindi." Naagira nti, "Mushuume mwije mureebe Ruhanga."

111 Kuhika kuri, baashuma baazayo, reero omu shaaha ibiri zonka kwiha obwo, nari n'okukiraho, obwire bumwe omu ihangwe eryo, baateerera esimu Ow'eishe-emwe Carlson. Yaagira ati, "Omuntu omupangiise ekyo kishengye, kandi akakishashurira n'omusingo, agizire ngu, 'Nituteekwa kushazamu, ahabw'okuba manegya agizire ngu akaba yaakiraganiiise banda emwe ekiro ekyo, nari akasheeshe ako." Reero tibaabaasa kukturunga.

N'ahabw'ekyo twaza omuri Town na Country. Kandi akasheeshe ako ku twataahiremu, twayemereramu. Reero-reero Ow'eishe-emwe Carlson yaagira ati, "Hariho ekintu kimwe. Imwe ab'eishe-emwe nimubaasa kutaikirizana n'OW'eishe-emwe Branham, kwonka," yaagira ati, "taine bwoba kugamba eki arikwikiriza." Yaagira ati, "Akangambira ebintu ebi ku birikuza kubaho buzima nk'oku biri." Yaagira ati, "Hati ngugu hanu. Reka ayegambire we wenka."

112 Naakwata Ekyahandiikirwe ekirikugira kit, "Tingomeire okworekwa okwo okw'omu iguru," nka Paulo oku yaagambire. Naagira nti, "Nimumparana, ahabw'okubatiza omu maizi maingi omu Iziina rya Yesu Kristo. Abarengire ahari magana ashatu omuriimwe mwayeyanjura nka Dokita Nanka na nanka, na Dokita Nanka na nanka." Naagira nti, "Nyowe tiinyine nangwa n'obwegyese bw'eishomero ry'eb'yokubandizaho. Kwonka nimpiga omuntu weena hanu kureeta Baiburi yaawe kandi oyemerere hanu aha rubaju rwangye, haza ohakanise kimwe aha Bigambo ebigambirwe."

Mukiine aha rutambi rw'amaraka aheeru hanu, ku muraabe nimwenda kukihurira. Ogwo nigwo gwabaire omutwe gw'abantu ogurukukirayo kucecka ogu orahuriire. Naagira nti, "Hariho ki?" Hariho omuntu weena hanu, ekiro eki, owaabaire ari omuri orwo ruteerane rw'omu kasheeshe, yereeza omukono gwawee tukureebe. Yee. Mpaho, buzima, mureebe embaju zoona.

Naagira nti, "N'ahabw'ekyo, ku muraabe mutarikubaasa kukishagika, reero mundugyeho." Buzima. Hariho okugambagurika kwingi munonga, baaba beekiikire. Kwonka kyahika aha kubugana butunu aha nshonga, kiine omutaano. Ekyo n'amazima. Ni . . . Abo bashaija bakashohora.

113 Tommy Hicks yaagira ati, "Ahari ezo ntambi z'amaraka niinyendaho magana ashatu, nzoohherereze buri mubuarizi w'obushatu orikwegiza ou ndikumanya."

Abo bashaija nibankwata omu ngaro, baagira bat, "Nitusa kushuma twije omuri tabirinaakuru tugarukye tubatizibwe."

Barahi? Zaarwekwatso. "Tindikubaasa kukikora. Ekigombe kyangye ky'ediini tikirikuunyikiriza kukikora. Ntaahize omukazi. Nguzire enimy y'okuhingisa, nari enimy ibiri z'okuhingisa, nimmanyisa. Ngu-nguzire eitaka. Nituteekwa kugyenda ndireebe." Waareeba? Bimwe ahari ebyo bintu, ni nka, rw'ekwatso. Ekyo tikwo kiri? [Abateeraine baagira bat, "Amiina." -Omur.] Amagara ago gashemereire Engiri? ["Ngaaha."]

Engiri ku eraabe ehikire, ka tuguze byona ebi twine Etubaiseho. Ba Omukristaayo. Eego, sebo. Amiina. Yetegyereze hati, obwo turiyo nituhendera.

114 Kwonka eby'okwekwatsa byabo n'enyikiriza zaabo z'ediini n'ebigombe byabo by'amadiini.

Ni nk'omuti. Nkaba nindeeba Ow'eishe-emwe Banks, ijweri. Nkaba nyine o-omuti gwa paini, ogu naabyaire obu nfurukira kuri omurundi gw'okubanza, nka, oo, nk'emyaka ikumi na itaano echingwire, n'omushobo. Reero naareka egyo mizaabibu, amataagi gaayo gaakurira ahari ogwo muti gwa paini, kandi tukaba tutarikubaasa kutaasyamu akooma k'okushara obunyaatsi ahansi aho. Kandi hakaba hatariho kanyaatsi koona, nabwo. Reero naaza aho, naakwata omusimeeno naasharaho ago mataagi, okuhitsya obu ogwo muti gwa paini gwahikire ahaiguru aha, ahu waabaire noobaasa kuraba ahansi yaagwo oine akooma k'okushara obunyaatsi. Mbwenu hati obunyaatsi burungi munonga obu orareebire buri ahansi yaagwo. Kikaba kiri ki? Embibo zikaba ziriho. zikaba niziteekwa kutunga omushana.

115 Kandi obwire bwona ekyo kigombe ky'ediini, zaarwekwatso zaawe, kyaba nikigyezaho kushweka egyo Mbibo ei orikumanya ngu buzima muri erimu, noojwekyera Looti. Ebyo bintu binagye hare, kandi oikirize Omushana gw'Engiri gwakire aho, amaani ga Yesu Kristo. Eego. Waazibira Omushana kwakira aho, noogizibira kuba ehuriire. Ahakuba, kuri Omushana nigugihikaho, neija kumera egire Amagara.

Egyo niyo nshonga erikutuma abantu baagira bat, “Otaza omu nteerane zimwe z'omuringo nk'ogwo.” Baine obwoba ngu Omushana nigwija kuhika ahari omwe omuri baamemba baabo.

116 Mwijukye omukazi aha iziba. Akaba ari maraaya.

Aho hakaba heemereireho abo banyamurwa. Bakareeba Yesu naagambira Nasanaeli ati, “Nkakureeba haihi, obu waabaire ori ahansi y'omutiini.”

Reero abo banyamurwa baagira bat, “Ni Belezebuli. N'omuraguzi. Ogwo ni Sitaane.”

Omukazi mukye ogu, ku yainamukire eruguru aho, ari omu mbeera ze z'emicwe mibi, ashweirwe abashaija mukaaga. Kandi ku yainamukire eruguru okwo ari omuri egoo mbeera, omuri egoo mbeera ei yaabaire arimu. Kandi Yesu yaagira ati, “Mpa eky'okunywa.” Ekigaaniiro kyatandika. Yaagira ati, “Irooko oreete baro ogarukye aha.”

Omukazi yaagira ati, “Tiinyine mushaija weena.”

Yesu yaagira ati, “Waagamba amazima. Oine bataano, kandi n'ogwo ou oine hati, ti baro.”

Omukazi yaagira ati, “Naayetegyereza ku Ori nabi, Sebo. Nimmanya ngu Mesia aryakora ekyo ku Ariija.”

Yesu yaagira ati, “Manya Niinye.”

Ekyo kikamara. Ogwo Mushana ku gwajwereire egoo Mbibo eri omuri ogwo maraaya mukye okuzire, ebiro by'obwamaraaya bikahwa. Yaayegaranjura omu ruguuto rw'omu rurembo, naahimbisa Ruhanga, yaagira ati, “Mwije, mureebe Omushaija Owangambira ebintu ebi naakozire. Hoona Ogu tiwe Mesia?” Kikaba kiri ki? Omushana gukahika ahari egoo mbibo enyima aho ahansi y'ekicuucu ky'obutaaho bwa maraaya. Eego, sebo.

Hati, ka tuhendere, omu kugamba eki. Tindikumanya nyine empapura ezindi ezirikwingana ki, kwonka nimpamya ngu tindaazimare zoono. Ni nka ikumi, kwonka ezo ziri haihi kwingana n'ekicweka ky'ezi twarabamu. Kwonka reka tuheze, omu kugamba eki.

117 Ka tugire eki twagyeryeranisa, rimwe, ky'amagara agashemereire. Ka tugyeragyeryanise amagara ga Paulo Orlikwera n'ag'omutsigazi omutegyeki omutungi. Omushana ogwo gumwe gukajwera abo bashaija bombi. Bombi Yesu Kristo akabeeta omu kwetwa okurikushushana. Tikwo kiri? [Abateeraine bat, “Amiina.” -Omur.] Bombi bakaba batendekirwe gye omu Byahandiikirwe. Bombi bakaba bari abanyadiini abatendekirwe. Mwijukye, Yesu akagambira-akagambira omutsigazi omutegyeki omutungi ati, “Yorobera ebiragiro.”

Omutsigazi omutegyeki omutungi yaagira ati, “Nkabyorobera, okuruga omu buto bwangye.”

Akaba ari omuntu otendekirwe. Paulo Orlikwera nawe nikwo yaabaire ari. Bombi bakaba batendekirwe gye omu Byahandiikirwe. Kwonka, bombi bakaba baine Ekigambo. Omwe akaba Akiine omu bwengye bw'obuntu; ondijo akaba aine ensigo y'Amagara omuriwe. Ogwo Mushana ku gwajwire, omu maisho ga Paulo, akagira ati, “Mukama, Ori Oha?”

Yaagira ati, “Ndi Yesu.”

“Ndi aha, obwo.” Akaba ayetegwire.

118 Ogwo Mushana gukajwera abo bashaija bombi. Omwe yaatunga amagara; ondijo tiyaagatunga. Okwo nikwo kiri n'eriizooba: ekanisa y'omwoyo, ekanisa y'omubiri.

Omutsigazi omutungi akaba aine rwekwatso ye. Tarabaasize kukikora. Akaba aremereirwe munonga n'abanywani baingi munonga ab'ensi. Akaba atarikwenda kureka kukwatanisa nabo.

Ogwo nigwo murabanamu gw'abantu baingi munonga ebiro ebi. Nimuteekateeka ngu, ahabw'okuba muri baamemba b'ekibiina ky'abeeteeraine, timukaabaasa kureka obwo bw'eishe-emwe. “Boona nibanywa n'ebintu

nk'ebyo. Nibakora eki." Kare, gumizamu nakyo; tiinyine eki ndikufa n'ekyo kibiina, tiinyine eki ndikufa n'egyo kanisa. Niwe ou ndikugambaho. Waareeba? Yee. Waareeba? Tiinyine nshonga n'ekyo. Ahakuba, tihariho ntaaniso mpango buzima ahagati y'ebyo bibiri. Nibwo naaheza kubagambira ngu ekanisa ti kindi kureka n'ekibiina ky'abeeteeraine, ekigombe ky'ediini, ku baraayehakane Ekigambo kya Ruhanga.

119 Yetegyereze. Ogwo mutsigazi omutungi akaba aine zaarwekwatso ze. Tararekire obujurizi bwe, n'obu kiraabe. Nitireeba ngu akataaha omu bushuubuzi bw'amaani. Akaba aine obwengye. Kandi haine ahu yaahikire yaatunguuka munonga, okuhitsya obu kyamwetaagiise kwombeka ebitara bisya by'okutamu ebantu bye. Kandi ku yaafire; tihariho kubanganisa, omuhuuru omwe, ojwaire engoro, akabuurira aha kuziikwa kwe. Kandi ku yaabuuriire, naabaasa kuba yaagizire . . . Bakashuumya ebendera baazihitsya rwagati y'omurongooti, reero yaagira ati, "Ow'eishe-emwe mugyenzi waitu omukundwa, meeya w'orurembo oru, hati ari omu mikono y'ow'Obushoboorozi bwona, ahabw'okuba abaire ari memba mukuru w'ekanisa. Akakora eki n'eki, hamwe n'eki."

Kwonka Baiburi yo neegira eti, "Ku yaahikire okuzimu yainamura amaisho ge, naahururwa." Mwareeba?

120 Kandi mwijukye, nabwo akaba naakyenda kugumya okwikiriza kwe ari okuzimu. Akareeb Laazar, ari omu kifuba kya Abrahamu, yaagira ati, "Taata Abrahamu, tuma Laazar eifo kunu." Nabwo akaba naakimweta "taata." Waareeba?

Akagyendera aha bwengye bwe, yaaza omu kanisa y'abanyabwengye. Omushana ku gwamujwereire, Yaagwanga.

Egyo ku eraabe etari ntwaza y'ekanisa ebiro ebi, tindikumanya. N'obu Ruhanga yaakumurika ki omu muhanda gwabo, Enyomyo y'Omuriro nari ekindi kyona; nabwo, n'okumanya kwabo, nibabaasa Kukihindura busha, kandi baze omu kibiina ky'abanyabwengye, ahabw'okwenda ekitiinisa omu bantu.

Kwonka Paulo akaba yaaherize kugira ekitiinisa omu bantu, aine obwengye bwingi, omwegi mukuru ahansi ya Gamalieli, omuhwezi mukuru w'omunyamurwa omukuru, okuhitsya obu yaagiire aha banyamurwa akatunga ebaruha z'okuta abarikwera abeekuringa ahansi abo boona omu kihome. Kwonka ogwo Mushana ku gwajwire omu muhanda gwe, kandi akareeba ngu egyo Nyomyo y'Omuriro niyo emwe eyaayebembeire Israeli kuraba omu ihamba akaba ari Yesu Kristo, akatsigaho byona ebi yaabaire naamanya. Yaatunga Amagara.

121 Okaabaasa kweta ago magara g'ogwo mutsigazi omutungi amagara agashemereire Engiri ei yaahuriire? N'obu araabe yaabaire ari omwikiriza, okaayeta amagara g'omuringo ogwo . . . Rwagati y'abanyabwengye n'eb'yokweshemeza, ekyo kiro eruguru okwo ahari . . . eizooba ku ryabaire nirirengarenga, nibaimutsya egiraasi zaabo nibanyaho omu kuheerezana ebitiinisa, kandi obundi omunyamurwa naashaba, eruguru okwo. Kandi akaba aine eby'okweshemeza, kunu umusheegi arambiire aha irembo rye ahaifo aho. Reero yaimutsya egiraasi ye yaanyaho, kandi yaagamba aha kwikiriza kwe kwingi oku yaabaire aine omuri Ruhanga. Kwonka butakaseesire, akasheeshe akaakuratiireho, eizooba ritakaturukire, akaba ari omuri gehena. Ekyo n'amazima. Mbabo aho abanyabwengye baawe.

122 Kwonka Paulo, ogwo Mushana ku gwamujwereire, ka tuyeragyeranise amagara ge tureebe yaaba gashemereire. N'enki ekyabaireho? Obu, Paulo, ogwo Mushana ku gwamujwereire, akatsigaho obwengye bwe bwona kandi yaaruga omuri ekyo kibiina ky'abanyabwengye, atyo yaagyendera omu Mwoyo wa Yesu Kristo. Ruhanga ahimbisibwe! Kandi, n'obu araabe yaabaire arabukire, tarakoreise nangwa n'ebigambo bigumire.

Ku yaahikire omuri abo Bakorinso, akagira ati, "Tindaizire owaanyu n'obwengye bw'abantu. Tindaizire owaanyu n'ebigambo ebirengyesereize, ahabw'okuba nimuta okwikiriza kwanyu omuri ebyo. Kureka nkaija owaanyu omu bwanguhi, omu maani g'okuzooka kwa Yesu Kristo, kugira ngu okwikiriza kwanyu kube omwo." Ago nigo magara. Gareebe.

Tarakoreise obwegyeso bwe. Taragyenzire n'ekibiina ky'abanyabwengye. Akagyendera omu Mwoyo wa Kristo, omu bucureezi, naayorobera Ekigambo kya Ruhanga, kunu Kyabaire kitarikushushana n'enyikiriza zaabo z'ediini buzima. Kwonka Paulo akareeba ogwo Mushana kandi Yaagugyenderamu (ekyo t'amazima?), yaikiriza ago Magara ga Kristo gaayoreka Yesu Kristo aha busingye obu yaabaire atwiremu, kugira ngu abantu babaase kureeba Omwoyo wa Ruhanga omuriwe.

Kandi abacureezi bakakiikiriza, munonga, okuhitsya obu nangwa baayenzire kureeta n'ebitambaara. Bakaba babiiha aha mubiri gwe. Kandi baakiikiriza, munonga, akaba omujwekyerwa wa Yesu Kristo murungi munonga, okuhitsya obu, kyona eki yaakwatsireho, bakaikiriza, ngu kihairwe omugisha. Eego. Ka yaabaire ari omuntu, kuhayo amagara ge, obugaiga bwe, na buri kimwe eki yaabaire aine! Obwegyeso bwe; bwona akabwebwa, kugira ngu agyende n'abajubi, n'abasheegi hamwe n'ebizengyerezi omu ruguuto rw'omu rurembo, kugira ngu omushana gwe gworekye rukundo ya Yesu Kristo.

Akagira ati, "Nkateerwa enkoba omu mugongo, emirundi makumi ana na mwenda; tikyandusya. Ekindi, nyine enkojo za Yesu Kristo aha mubiri gwangye." Ogwo muntu mukye enshoberwa ari omu mbeera mbi munonga, akagira ati, "Nyine enkojo za Yesu Kristo omu mubiri gwangye." Ka kiine omutaano n'ow'ekitiinisa ogu mukuru n'abanyamurwa bamwehinguririize.

123 Kandi ku yaabaire ari Rooma, hatariho omuntu n'omwe ori aha rubaju rwe. Kandi bakaba nibakora orubaaho, rw'okutemeraho omutwe gwe, aheeru aho. Aho niho yaakigambiire. Oo, mugyenzi! Akagira ati, "Mbiikiirwe ekirunga, eki Mukama Omucwi w'emanja Ohikiriire arimp aha Kiro ekyo; kandi tiinye nyenka, kureka hati n'abo boona abarikukunda okugaruka Kwe." Ago nigo magara agashemereire Engiri, nari omwana.

Akeemererera Kristo. Akaikiriza Engiri kureebekyera omuriwe. Atakakozire ekyo, akagyenda yaayega Engiri. Akashuumma omuri Buharabu yaamarayo emyaka eshatu, reero yaakwata Endagaano Eya Ira. Kandi yaayoreka, kurabira omu Ndagaano Eya Ira, ngu Akaba ari Yesu Kristo. Kandi Akagikiriza yaareebekyera omuriwe, aha kibiina ky'abantu abacureezi. Ngu, we, ku . . . Akagira ati, "Nimmanya okwiguta, kandi nimmanya n'okugira enjara hamwe n'okuburwa."

Omuntu oine obwegyese nkawe, kandi omuhangu omu bwegyese nkawe, ayemereire haihi na . . . aine obwegyese kuruga ahari Gamalieli, omwe aha beegyesa bakuru munonga abaabaire bariho ebiro ebyo, kandi naakwatanisiza kimwe n'omunyamurwa omukuru. Ow'eishe-emwe, akaabaasize kugira zaamiriyoni zaadoola kandi agira n'ebyombeko by'emiringo yoona. Ekyo kihikire. Kwonka akagira ati, "Ni . . ."

Nangwa akaba aine ekooti emwe yonka. Reero Deema yaareeba omuntu oine obuheereza nk'obwo! Timoseo ya kabiri, eshuura ya 3, akagira ati, "Deema akantsigaho, n'abandi bantu boona, ahabw'okukunda eby'ensi eby'ebiro ebi." Ati, "Omu kwija, ondeetere egoy kooti ei naatsigire eruguru okwo. Embeho etandikire." Omuntu oine obuheereza nk'obwo, reero akaabaasize kugira ekooti emwe yonka? Ruhanga aheebwe ekitiinisa!

124 Nikiinyijutsya Martin Orikwera, obu yaabaire naagyezaho kwemererera Engiri, na buri kimwe, atakajunirwe. Omu-omu bunaku obu Niika Yaabaire etakabaireho, niimanyisa orukiiko rwa Niika, Abafaaza ba Niika, omu byafaayo. Ekiro kimwe, akaba naaraba okwo omu irembo. Akaba naaruga Tours, Bufaransa. Kandi hakaba hariho abantu . . . Omusheegi okuzire orikuraara omu ibaraza omu rurembo arambiire aho, arikufa, ataine bijwaro. Kandi abantu bakaba nibahinguraho, abaakubaasize kumuha ebijwaro, kwonka batakikore. Bakaba bamurabaho kandi beehuzya ogwo mugurusi. Atyo Martin Orikwera yaayemerera aho yaakireeba. Bakagira ngu aka . . .

Buri muserukare akaba-akaba aine omuntu w'okuguma naateera butusi ze omubazi. Nawe akateera butusi z'omuheereza we omubazi.

Reero yaajuura ekooti ye, yaakwata omusyo yaagishara, ekicweka, ebicweka bibiri, na rurara ye. Yaakishubika omugurusi ogwo emburabure, yaagira ati, "Twembi nitubaasa kubaho."

Yaataaha yaaza omu kitanda. Abyami aho, naateekateeka ngu ogwo mugurusi naataka. Ahonaaho, haagira Ekyamwimutsya. Yaareeba. Ngugwo aho Yesu Kristo akaba ayemereire omuri ekyo kishengye, ayeshubikire omuri ekyo kicweka ky'omwenda ogukuzire ogu yaashubikire egoy mburabure. Yaagira ati, "Nk'oku mwabikoreire omwe ahari abo abato okukira abandi biri Niinye mwabikoreire." Ago n'amagara agashemereire Engiri. Nimumanya oku yaateire akamanyiso aha magara ge, nawe, tikwo?

125 Reeba Polycarp, naarwanirira okubatiza omu Iziina rya Yesu, naahakanisa ekanisa Enkatorika ya Rooma. Kandi bakamwokyaze aha nkondo; baasheenya enju y'okunaabiram baamwotsya. Mureebe Irenaeus, n'abandi abaatsigara, abaabonaboine ahabw'obuheereza obu. Ago n'amagara agashemereire.

Reeba eki Paulo yaagambire omu Kitabo ky'Abaheburaayo, eshuura ya 11. Akagira ati, "Bakasharwamu habiri n'emisimeeno, baataagurwamu kabiri; abandi bakazengyerera, bajwaire empu z'entaama n'ez'embuzi, kandi bakaba bari omu ihamba, baconcoboize n'ebindi; amagara agu ensi egi etashemereire ngu gagituuremu." Nikyo ekyo. Ago magara gashemereire Engiri. Agangye n'agaawe nigaija kwemerera gata aha Kiro ky'Orubanja, n'abantu nk'abo?

126 Mureebe Paulo hati. Twaza kugumizamu. Akarwanirira Engiri, yaikiriza Yesu yaahimintika munonga omuriwe. N'obu kyakuba kita, nari ki, n'obu omuntu weena yaakukiteekireho ki. Ahu, omunyamurwa omukuru, ahabw'enki, akagyenda yaatemwaho omutwe gwe, Ahabwakyo. Akaba ari omujwekyerwa oshemereire Engiri. Okureka . . . Mureebe aho. Oteeteire ahaby'abantu baabaire nibateekateeka, akaikiriza amashanyarazi g'Amagara Agatahwaho gaasheneneka omuriwe, okuhitsya obu yaagizire ati, "Nkaayenzire ngu nyowe nkyeenwe kandi neubwe ahari Kristo, ahabwa beene waitu."

Hati noomanya eki oraakore ku oraatungye Amagara Agatahwaho. Nkikyo ekibuzzo kyaw. Nkikyo eky'okugarukamu kyaw. Nooza aha rubaju rw'abanyabwengye; nari, nooza aha rubaju Oru, buzima ku oraabe oine Amagara Agatahwaho. Ekyo nikyo kibaho.

Ekyo nikyo kyabaireho. Paulo, akaba ayeteekateekire kukyeenwa akacuubwa ahari Kristo, kugira ngu abantu be . . . Abantu empumi, abashema abaayangire kuhurikiza Engiri ye!

Nintekateeka, n'eky'enshoni ahariinye. Nkaba nyeteekateekire kubareka, ahabw'okuba bakanga kumpurikiza. Nimpurira ndikwenda kweteisa. Kandi naayeteisa. Mwareeba?

127 Yetegyereze. Otafiire aha bi abandi baabaire nibateekateeka, amagara g'omuringo ogu gashemereire Engiri.

Hati ndiyo nimpendera.

Omutsigazi omutungi, nk'abarikukira obwingi omuriitwe ebi, akakingira aheeru kandi yaayanga Ekigambo ky'Amagara, atyo yaaba memba w'ekanisa; kandi yaayoreka amagara, agarikuhamibwa omuri Baiburi, ku gaabaire gatashemereire Engiri ei yaabaire naashabwa kwakiira. Ekyo kihikire? [Abateeraine baagira bat, "Amiina." -Omur.] Engiri ekaabaasize eta kwakira omu mushana ogushwekirwe omwirima nk'ogwo, ogurikwanga amaani ga Ruhanga?

128 Hati, omuringo gwonka gw'okutuura amagara agashemereire, n'okureka Kristo n'Ekigambo Kye (kandi, Niwe Kigambo) kikeeyorekyera omuriyiwe Kyo kyonka kurungi munonga okuhitsya obu Ruhanga araahamyre eki Yaagambire omu Kigambo Kye. Ahakuba, Kristo akafa kugira ngu Abaase kweyoreka We wenka omumaisho ga Ruhanga, Ekitambo. Kandi Kikagaruka omu nshusha y'Omwoyo Orirkwera, kweyorekyera We wenka omu bantu Be, kugumizamu omurimo Gwe; We wenka naayeyorekyera omuriyiwe, kuhikiiriza Ekigambo Kye ekyaraganisiibwe omuri ebi biro bya nyentsya.

Nka Yohaana Omubatizi oku yaahuriire, ku yaahuriire ngu Kristo arikwija. Kandi Kristo yaaza omu maizi. Yohaana yaagira ati, "Reeba Omwana gw'entama wa Ruhanga."

Tihariho ondijjo weena Owaagureebire. Kwonka Akagureeba, ogwo Mushana nigushuuma niguruga omu Iguru, nk'enkombe. N'Eiraka nirigira riti, "Ogu n'Omwana Wangye Ou nkunda Ou nshemerererwa kutuuramu." Akagureeba Nigwija.

Kandi Yesu akarugayo yaaza omu maizi, Emanueli, omu maisho g'o-omubuurizi ou baabaire nibagira ngu naarengyesereza. Yaarugayo yaaza omu maizi, omu maisho g'abantu, reero yaagira ati, "Niinyenda ngu ombatize."

Yohaana yaagira ati, "Mukama, niinye ndikwenda ku Ombatiza. Ahabw'enki waija ahariinye?" Ago maisho gombi gaabugana, nabi na Ruhanga we. Amiina. Okaabaasa . . . Ni . . . Tinkaakunzire kwemerera haza nkareeba ekyo? Nkareeba ago maisho ga Yohaana agakazire, agagwire omunda nigarugayo nigareeba ago maisho ga Yesu agakazire, agagwire omunda; abazaara ba kabiri omwe ahari mugyenzi we, omu buzaare bw'omubiri.

Yesu yaagira ati, "Yohaana, mbwenu ikiriza tutwaze tutyo, ahakuba kitushemereire. Turi Obutumwa bw'obwire obu. Kitushemereire kuhikiiriza eby'okuhikiirira byona."

Yohaana yaateekateeka ati, "Eego, Niwe Kitambo. Ekitambo nikiteekwa kubanza kyayogibwa Kitakahairweyo." Reero yaagira ati, "Ija." Atyo Yaamubatiza. Amiina. Omu bindi bigambo, "Kitushemereire kuhikiiriza eby'okuhikiirira byona."

Yesu, ahabw'okumanya ngu omushaija ogwo akaba ari ow'amazima, akagira ati, "Tihakabahoga omuntu ozairwe omukazi, ori nkawe. Naakira nabi; nimukunda kukiikiriza, ogu naakira nabi." Kandi Yesu, arikureeba omu mutima gwe, kandi ekyo arikukimanya. Muzaara we wenyini Akamubugana aho, amaisho n'amaisho.

Yohaana yaagira ati, "Mukama, niinye ndikwenda ku Ombatiza. Kandi ahabw'enki Waija ahariinye?"

Yaagira ati, "Ikiriza tutwaze tutyo, Yohaana. Kwonka, ijuka, kitushemereire kuhikiiriza byona ebi Ruhanga yaaraganiise. Kandi Niinye Kitambo. Ninteekwia kwogibwa ntakahairweyo." Oo, mugyenzi! Mugyenzi!

129 Kandi, ebiro ebi, obu Omushana gw'omwabazyo guriyo nigraka, obu hatariho omuntu n'omwe oine obwonko obutebeekaine otarikubaasa kugamba, omushomi wa Baiburi weena yaareeba omuri Baiburi, naamanya ngu ebi n'ebiro by'aha muheru. N'ahabw'ekyo, kitushemereire kushuuma tukaruga ahari ebi bisiika bihang, nari tukareka ebintu ebi, reero tukataaha omu kuhikiirira kwa Yesu Kristo omuri ebi biro by'aha muheru, nikwo tukatwara Akamanyiso ka Ruhanga Sitaane atakatuhaire akamanyiso k'enyamaishwa. Oo, mugyenzi. Eego.

Oshabe Ruhanga aikirize Omushana gw'ebiro ebi gwimukye omuriyiwe, kugira ngu obe omuheereza orikworobera Ruhanga. Kandi oikirize ebyana by'Omwoyo bigume omu magara gaawe ebiro byona. Kandi ago nigo magara agashemereire Engiri.

130 Ka ngambe eki, omu kuhendera. Oburyo bwonka, oburyo bwonka obu orikubaasa kutuura amagara agashemereire Engiri, n'okureka Engiri Yo yonka, Engiri yoona, ekakutaahamu kandi ekahikiiriza okuraganisa Kwe, ekatuma kwayorekwa. Reka Ruhanga atuure omuriyiwe, kuhikiiriza okuraganisa kw'ebiro ebi.

Nk'oku Yohaana, nka Yesu oku yaagambiire Yohaana ati, "Ikiriza tutwaze tutyo, Yohaana. Ekyo kihikire. Kwonka turi entumwa z'ebiro ebi, n'ahabw'ekyo nituteekwa kuhikiiriza eby'okuhikiirira byona."

Mbwenu ku turaabe turi Abakristaayo b'ebiro ebi, ka twakiire Yesu Kristo omu mitima yaitu. Kandi Niwe Kigambo. Oteehakana ekicweka Kyakyo na kimwe. Gira oti, "N'Amazima." Kandi Okite omu mutima gwawe, reero oreebe ebyana by'Omwoyo omuriyiwe, kandi ohikiirize okuraganisa kwona oku Yaaraganiise omuri Baiburi. Ruhanga naayenda kuhikiiriza Ekigambo Kye, kandi Taine mikono yoona kureka eyangye n'eyaawe. Taine maisho goona kureka agangye n'agaawe. Taine rurimi rwona kureka orwangye n'orwawe. "Niinye Muzaabibu. Naimwe muri amataagi." Amataagi nigo gaana ebyana. Omuzaabibu guha amataagi amaani. Ago nigo magara agashemereire.

131 Okushaba kwangye ni ngu, ahari abo abahurikiize ahari rediyo nari omu . . . omu byanga ei orutambi rw'amaraka oru rurihika, hamwe n'abo abari hanu. Ninshaba ngu Ruhanga w'embabazi zonna, ow'omu Iguru, atwakize Omwoyo We Orikwera twena, kugira ngu itwe, okwiha ekiro eki, n'okugumizamu, tubaase kutuura amagara agu Ruhanga arikubaasa kugira ati, "Naashemererwa munonga. Taaha omu kushemererwa Okutahwaho okwakuteekyeirwe okuruga aha kuhangwa kw'ensi." Ninshaba ngu imwe mwena Ruhanga w'omu Iguru aboherereze emigisha Ye.

Ninshaba ngu Ruhanga abahe omugisha bakazi 'mwe, ekiro eki, abategire eishokye, omu buryo bw'okugira ngu mureebe, reero murugye omuri ogu mugyendo gw'omurembe gw'ebiro ebi, kandi mumanye ngu Baiburi neegira ngu ekyo timushemereire kukikora. Kandi ku muraabe musingirwe orubanja rw'okujwara ebijwaro nk'ebya baamaraaya, Ruhanga w'omu Iguru ashukye embabazi Ze omu mitima yaanyu, kugira ngu mutarigaruka kukikora, nikwo mutarigaruka kusingwa orubanja rw'ekintu nk'ekyo. Ninshaba ngu Omwoyo Orikwera akibashuuurire kandi aboorekye. Ninshaba ngu imwe, abatakabatiziibwe n'Omwoyo Orikwera . . .

132 Ninshaba ngu imwe abashaija abaine abakazi baanyu, haza ababarekire bakaba bakama b'eka kandi bakabategyeka omuri buri kintu, ninshaba ngu Ruhanga w'omu Iguru akuhe embabazi ohame ekigyere kyanyu ahansi reero ogarure ogwo mukazi omu bwengye bwe obutebeekaine ogundi murundi, yee, kandi omanye ngu ogwo nigwo mwanya gwawe omuri Kristo. Tori nyampara, hati, kwonka niwe mwebembezi w'eka. Oijukye ngu, omukazi nangwa tari n'omu kuhangwa kw'okubanza. N'ekyaihirwe omuriwe kwonka, eki Ruhanga yaakuhaire, kukureeberera, kukwogyenza ebijwaro n'okukuteekyera eby'okurya, n'ebindi. Tari ngambanyenka w'okukutegyeka.

Imwe bakazi 'mwe b'Abanyamerika nimuzengyerera mwesiigire erangi nyingi ahamaisho gaanyu, kandi murangikire enyindo zaanyu (enjura ku yaakugwa, ekaabaroha), reero muteekateeka ngu muri nka ngambanyenka. Nikwo muri, ahari kinyaanya-baishiki, kwonka atari aha mwana kashushu wa Ruhanga. Kihikire.

133 Ninshaba ngu Ruhanga abahe embabazi imwe abashaija, nk'abaana ba Ruhanga, kureka obushema nk'obwo. Ekyo n'amazima. Ninshaba ngu Abahe embabazi, kunaga ahansi ezo sigara, murekye kuhurikiza ebirikushetsya ebyo ebigubire, obushema obwo bwona. Ka tube abaana ba Ruhanga, kugira ngu tubaase kutuura amagara agashemereire Engiri.

Reero omuntu yaashhuuma omu ruguuto rw'omu rurembo, agire ati, "Ku haraabe harabaireho Omukristaayo, n'oriya. Ngugwo aho omwe ou Ruhanga arikweyorekyeramu kyarimwe, kandi oriya muntu n'Omukristaayo kashushu, ku haraabe harabaireho Omukristaayo. Noobaasa kuteekateeka ngu naareebeka nk'ow'omutindo gwa kare. N'omukazi w'amazima." Nkikyo aho.

B'Omukristaayo oine eiziina rirungi, ahakuba hanu turi ab'erindi ihanga. Obu ti Butaaho bwaitu. Obutaaho bwaitu n'omu Iguru. Turi batabani na bahara b'Omugabe, b'ogwo Mugabe. Ka turekye amagara gaitu gagire eiziina rirungi. Murekye tutuure amagara agaraije kuhaisa ekitiinisa ekyo kintu eki turikugira ngu nikyo turi, Omukristaayo. Kandi ku oraabe otarikubaasa kutuura amagara g'omuringo ogwo, obwo orekye kwetwa Omukristaayo, 'habw'okuba noojumisa Engiri kwonka.

134 Mwebare, bantu 'mwe, ekiro eki ekirikwotsya, mushutami hanu. Niinyesiga ngu tiharikwija kubaho n'omwe omuriimwe owaabura, aha Kiro ekyo. Ni-ni-niinyesiga ngu nyowe naimwe, twena hamwe, nitwija kugirirwa embabazi omumaisho ga Ruhanga, kugira ngu obutoosha mbaase kwemererera ekyo ekiri Amazima, okutabakora kubi, kwonka ntarikukwatirira ekibi na kakye. Mwareeba? Ku naakukikora, tinkaaba sho w'oburyo, ku naakureka omwana wangye akakora ekintu kyona. Nimbahana. Rukundo yoona ekyo neekikora. Rukundo neehana. Niinyijuka orikumpandiikira ako kahandiiko, ekiro kiri, Pat. Na hati nkikaine. Kandi rukundo neehana. Baiburi nikwo erikugira. Kandi ku kiraabe kitahikire . . . egyo niyo nshonga etuma Ruhanga yaatuhana. Naatukunda.

Ninshaba ngu tutuure amagara, okuruga hati, agashemereire, agarimu oburungi n'okutwaza gye. Mutahurikiza, baagira ngu, "Mbweni, Ruhanga asingizibwe, nimmanya ngu Amwine. Akagamba omu ndimi. Akazinira omu Mwoyo." Ekyo ni kirungi. Kwonka ku araabe ataine ebyana by'Omwoyo, Omwoyo tarimu. Naatooreza okucamukirira kw'omuringo nanka kwonka, nari ekindi kintu, 'habw'okuba Omwoyo Orikwera naabaasa kutuura amagara g'ebiana by'Omwoyo gonka. Okwo nikwo Arikubaasa kukora kwonka.

135 Ruhanga abahe omugisha. Ka twinikye emitwe yaitu, akaanya kakye.

Reka e . . . Ruhanga, oyohereize Omushana Gwe omuri ebi biro by'aha muheru, Oguri hanu omumaisho gangye, ogwa Baiburi Ye; kandi n'ekishushani kya Baamaraika aba, Omushana ogu gw'omubonano oguri omu nshusha ya piramidi, ogu nangwa n'abaasayansa batarikumanya oku Gwahikire hanu. Tibarikubaasa Kugushoboorora. Kwonka, Taata, nitusiima. Okatugambira, ameezi maingi kitakabaireho, n'ahabw'ekyo Nitukusiima.

K'abantu, abarikwetererwa Eiziina Ryawe, barugye omu kibi, ekiro eki, Mukama, obutaikiriza. Nkaabaasibwa ki, nk'oku . . . Kyanyetaagiisa kugamba nkazire munonga aha b'eishe-emwekaza bagyenzi baitu, t'ahabw'okuba ngu tindikubakunda, Mukama, kureka tindikwenda kureeba Sitaane naabazingiza okuhitsya obu baraagwe bakafa, kimwe omuri ebi biro, reero bakagyeyaho Kukubugana bari omuri egyo mbeera, bwanyima y'okuhurira Amazima ga Ruhanga, nk'aga. Nkaabaasibwa ki bahurira baine eibanja, ry'okugyenda bakasherura omu Byahandiikirwe,

reero bakareeba ago ku garaabe gari amazima. Reero batsimbe amaju gaabo, bahamize, bagire bati, "Ai Ruhanga, ago n'Amazima?" Obwo ekyo nikyo kyonka ekirikwetengwa, Mukama, nibaza kuba abeesigwa aharikyo, ahakuba Ekigambo Kyawé nigo Mazima.

136 Abantu aba baashutama. Baingi omuribo, obundi, babaire baine ebintu ebibaire nibibashaasha. Kwonka Omwoyo wa Ruhanga yaagamba nabo, kandi baateeekana baahurikiza. Obwire burikuhwayo. Obwire buhweireyo omu mwabazyo, kandi nabwo buhweireyo omu bunaku obu tutwiremu. Eizooba nirirengarenga. Ensi erikuhora. Ai Ruhanga, omwirima niguza kutaahamu juba, kandi bwanyima Okwija kwa Mukama, okubakura Ekanisa Ye. Eki ka Nitukikusiimira, Mukama!

Nitushaba hati ngu Ohe omugisha buri muntu ori omu Kubaho kw'Obwaruhanga. Buri omwe oraahurikize orutambi rw'amaraka oru, Mukama, omu nsi yoona, nkaabaasibwa ki baruga omuri ezo nyikiriza z'ediini eza ira n'ebindi, reero baija baheereza Ruhanga ohuriire, baije Babiikyemu eitungo, bakore nk'omugabekazi w'Obukizi-bwa-buryo oku yaakozire. Akaija, kyamutwarira ameezi ashatu kuhika ahu omushaija yaabaire naajwekyera Yesu Kristo, nari Ruhanga w'omu Iguru; Sulemaani. Yesu akagira ati, "Akaruga aha muheru gw'ensi, yaja kuhurira obwengye bwa Sulemaani, kandi reeba orikukira Sulemaani ari aha." Kandi nitumanya ngu "orikukira Sulemaani" ari aha, Omwoyo Orikwera mukuru We wenka ari aha, naakorera omu bantu. Eki ka Nitukikusiimira, Taata. Ninshaba omugisha ogwo hati.

137 Ha omugisha omuriisa waitu omukundwa, Ow'eishe-emwe Neville. Mukama, naaba ni-naaba nimureeba haza nkateekateeka aha mirimo ye ya rukundo, omutima gwangye nigugurukaguruka. Nimmukunda. Okumureeba yaaba naareeba omukazi we n'abaana be bato, ni-ninshaba, Ai Ruhanga, ngu Omuhe amaani. Muhe obumanzi. Muhe omugisha kumara, emyaka mingi munonga okukiraho y'obuheereza, omuri ogu musiri mukuru gw'amashaaruura ogu turimu.

Ha omugisha aba b'eishe-emwe boona abaheereza abashutami aha ekiro eki. Baingi omuribo n'abagyenyi kuruga omu ndiijo myanya. Ninshaba ngu Obe nabo okwo, Junie hamwe n'OW'eishe-emwe Rudell, kandi n'abo bantu b'omuhendo abari amakanisa agarikukwatanisa n'ekanisa egi hanu, beemereire kandi bakwatsire Omushana gw'Engiri omu bicweka ebitari bimwe by'omu ndembo ezituhereire, ahabw'Omushana ogu nigwo gumwe, Okugurwanirira. Yebare ahabw'abantu abo, Mukama. Bagumye. Kandi obahe embabazi beehangaanire ebigyezo bigumire n'ebindi ebirikwija omu nsi kugyeza Abakristaayo boona.

Kiza abarwaire n'abarikubonabonesibwa, Mukama. Obe hamwe naitwe omu saabiiti egi erikwija hati. Tuhe obumanzi. Ninshaba ngu amashomo ga Sande sikuulu makye, ag'obucwekacweka g'ebiro ebi gatariruga omu mitima yaabo. Ninshaba ngu bateekateekye, nyomushana na nyekiro. Tuhe emigisha egi, Taata. Omu Iziina rya Yesu Kristo, naakishaba. Amiina.

138 Nimmukunda? [Abateeraine baagira bati, "Amiina." -Omur.] Nimukiikiriza? ["Amiina."] Ka tugarukye tweshongore ekyeshongoro kyaitu kirungi, "Nimmukunda, Nimmukunda," obwo turiyo nitukwatanisiza hamwe. Ow'eishe-emwekaza Ungren arahi? Ari aha, omwe aharibo, nari ow'eishe-emwekaza orateireho piyano, omwe aha bakazi aba? Tindikukireeba. Eego, ngugu hanu, omukazi ngugu hanu. Ekyo kihikire.

Naaba niinyenda, ekiro eki, n'eifubo ryona, kwonka tinaareeba Ow'eishe-emwe Ungren. Naaba nimwenda kuunyeshongorera, ekiro eki, K'Ori Mukuru! Ningira ngu ow'eishe-emwe ogwo yaataahire. Mwareeba? Naahurira ekyo kyeshongoro akasheeshe aka, kandi buzima naakikunda. Mugyenzi, oo, mugyenzi! Ekyo kyarangira omu mutima gwangye. Kandi na-na-naaba niinyenda kumuhurira naayeshongora K'Ori Mukuru!

139 Hati reka tweshongore Nimmukunda, buri muntu, twena hamwe. Hati muhumize amaisho gaanyu. Reero ka Tumureebe hati, tugire tuti, "Mukama, ku haraabe hariho obunyamubiri obu bwona omuriinye, bunyihemu, hati hati. Bunyihemu." Kandi iwe, okwo, orikuurira orutambi rw'amaraka oru, ku oraahurire ekyeshongoro eki, oyeshongore naitwe, obwire obwo, omu ntebe yaawe egoyonyini ei oshutamimu.

Ku haraabe hariho ekyo, Ekigambo ku kiraakucwere orubanja, ku oraabe otarikuteekateeka ngu N'Ekigambo, sherura omu Byahandiikirwe, oreebe Yaaba Kihikire. Kikushemereire. Nikimanyisa Amagara nari okufa.

Reero twaba nitweshongora ekyeshongoro eki, ku haraabe harimu obunyamubiri omu magara gaawe, ninshaba oyereeze omukono gwawe, aho omu ntebe yaawe. Gambira omukazi waawe n'abaana baawe beereeze emikono yaabo, abakundwa baawe abakuri aha rubaju. Yeshongore Nimmukunda, kandi Omuhe amagara gaawe. Gira oti, "Nshemeza, Mukama, onyiheho obubi bwona."

Obwo turiyo nitweshongora hati, ka twemerere.

Nimmukunda, ni . . .

Mukama Yesu, ninshaba ngu Otambire abantu, aba abaraajware ebitambaara ebi. Nimbija omugisha, omu Iziina rya Yesu Kristo. Amiina.

Kandi yaagura okujunwa kwangye

Aha muti Gologosa.

140 Hati, omuri ogu mugisha gw'amaani! Gumizamu nookyeshongora, ow'eishe-emwekaza. Humiza amaisho gaawe haza oteekateekye, akaanya kakye hati. Ka tushabe, omu mitima yaitu tuti, "Mukama Yesu, ncaaka. Hoona buzima Ninkukunda? Okagira oti, 'Ku muraabe Nimunkunda, muryarinda ebigambo Byangye. Ku muraabe Nimunkunda, muryarinda Ekigambo Kyangye.'" Reero bwanyima omu mutima gwawe, ogire oti, "Mukama, nyikiriza ndinde Ekigambo Kyawe. Ka Nkisherekya omu mutima gwangye, ntarigaruka Kukucumuraho bundi, ekyo ni, okutaikiriza ekintu kyona eki Waagambire."

Obwo turiyo nitweshongora Nimmukunda, ka tukwate omu ngaro z'omuntu oturi haihi. Gorora omukono, ogire oti, "Ruhanga akuhe omugisha, ow'eishe-emwe, nari ow'eishe-emwekaza." Omu maraka makyen munonga hati.

"Ni . . ." Ruhanga akuhe omugisha, ow'eishe-emwe. "Ni . . ." Ruhanga akuhe omugisha, ow'eishe-emwekaza mugyenzi wangye. Ruhanga akuhe omugisha, ow'eishe-emwekaza. Ruhanga akuhe omugisha. Ruhanga akuhe omugisha, ow'eishe-emwekaza. "Kandi ya- . . ." Ruhanga akuhe omugisha, ow'eishe-emwekaza mugyenzi wangye. Ruhanga akuhe omugisha. Ruhanga akuhe omugisha. Ruhanga akuhe omugisha. "Aha muti . . . gosa."

Hati ka Tumwimukize emikono yaitu.

Ni-Nimmukunda

Ahabw'okuba . . .

Haine eki oine, ekindi, eki orikwenda kukora? Niinyenda ngu obasiibuure.

. . . nda

Kandi yaagura okujunwa kwangye

Aha muti Gologosa.

141 Nimumukunda? [Abateeraine baagira bati, "Amiina." -Omur.] T'ow'okutangaaza? ["Amiina."] Nimbashabira mwena, baana 'mwe. Kikangasira ki kwemerera hanu nkagamba ebintu ebi ku naakuba nyowe, omu mutima gwangye, ntarikuteekateeka ngu nibiza kubahwera? Kunu, nduhire kandi nogire. Ningumirwa kwemerera hanu. Ebigyere byangye nibishaasha. Kandi n'enkaito zangye, nzeemereramu okuhitsya obu nzitutukiram, na buri kimwe, okuhitsya obu ebigyere byangye bijuba. Kandi nduhire kimwe! Tinkiri mwana muto, bundi. Kandi mbuuriire amashomo ga shaaha ishatu nari ina, kandi nshabira abarwaire, kandi ngyenda nyomushana na nyekiro. Nkaabaire niinyemerera hanu ahabw'enki, kukora batyo?

Nimumanya, egi myaka makumi ashatu yoona, kuri ekigyendererwa kyabaire kiri okutunga ekitiinisa, ekyo nkakyanga. Nimumanya tinshaba sente. Ekyo nimukimanya. Tinkazishabaga. Ndabagambiire ekintu kyona omu Iziina rya Mukama kitahikiirire? Nimumanya ngu ekyo kihikire.

Nimbakunda. Ni rukundo ya Ruhanga eri omu mutima gwangye ahabwa buri omwe omuriimwe. Nkaabaasibwa ki . . . Nkaabaasibwa ki nyemerera omumaisho ga Ruhanga, ngira nti, "Ai Ruhanga, reka-reka-reka mbahwere. Reka-reka nkore eki." Tinkabaasa kukikora. Buri muntu naateekwa kwemerera wenka. Mwareeba?

142 Ni-ni-niinyikiriza ngu twena nitwinamuka eruguru hati, kimwe omuri ebi biro. Kandi ku kyakubaho tukagwejegyera obwire obwo butakahikire, nkabaihwaho, mwijukye, Ndyababuganayo. Nimmanya ngu Hariyo. Okworekwa kwonyini okubagambiire buri kimwe, kuhikiire kimwe, kuhikiirira nk'oku Yaagambre. Tihariho n'omwe, omu myaka egi yoona, orikubaasa hanu kugira ngu ndabagambiire ekintu kyona ngu nikiza kuhikiirira kitahikiirire. Ensi yoona, ekyo neekimanya. Timukakireebaga aha kituuti, kitagambiire buri muntu Amazima gonyini. Mwareeba? Nikwo kitwire. Ruhanga ogwo otahinduka akaanyikiriza kureeba enyima y'orutimbe rw'obwire. Naareeba abo bakazi n'abashaija nibampoobeera nibangwa omunda, nibagira bati, "Oo, Ow'eishe-emwe Branham."

Ti-tindikubaasa kushutama. N'ahabw'ekyo, n'obu naakuba nduhire, nabwo ningyenda. Omugongo nighunshaasha. Kandi nyowe, buriizooba . . . Nyine-nyine-nyine emyaka makumi ataano n'ena. Nimumanya, nooyeyongyera kugira obusaasi buriizooba.

Okushaba kwangye kuri ngu, "Ai Ruhanga, ngumya. Ngumya, kubuurira Ekigambo, mpamire ahari ago Mazima, okuhitsya obu ndireeba mutabani wangye, Joseph, akuzire ekirikugasha, kandi aijwire Omwoyo Orirkwera; mbaase kukwata egi Baiburi ekuzire ecwekacwekire, Ngimukwatse, ngire nti, 'Mutabani, Gigumye okuhika aha muheru gw'amagara gaawe. Otarigifungura."

143 Nkateekateeka ngu obundi Billy aryabuurira Engiri. Ruhanga taramwetsire.

Kwonka niinyikiriza ngu, Joseph, nangwa n'obu ari omwojo okazire nk'oku ari, niinyikiriza ngu Ruhanga amwetsire. Egyo niyo nshonga erikutuma abaana bato bataabaasa kwikirizana nawe, n'omwebembezi. Kandi ni-ni-nimmanya ngu Ruhanga amwetsire. Niinyenda kumutendeka omu buryo bw'Ekigambo, omu buryo bw'Ekigambo kya Mukama, kugira ngu atarireka ekyo Kigambo. Niinyenda kukikora, nyowe nyenka, Ruhanga ku

araasiime. Reero ku ndiba omugurusi kandi nshutami enyima, nkamureeba aho, ayemereire aha kituuti, naagira ati, "Engiri egi niyo emwe, ei tata yaarwaniriire. Ashutami hari, n'omugurusi kandi takibaasa, ekiro eki. Kwonka niinyenda kuza omu mwanya gwe kandi nze omu bigyere bye, nyemerere aho."

Reero ndyaranza ahaiguru, ngire nti, "Mukama, waaza kureka omwiru Waawe agyende n'obusingye." Ekyo nikyo ndikwenda kureeba, munonga. Okuhitsya obwire obwo obu burihika . . .

144 Mbwenu shi ku naakuzookya omu bundi busingye? Tindikubaasa. Nintekwa kwija n'obusingye obu. Nintekwa kwemerera naimwe. Niimwe abu ndikuteekwa kwemererera, kandi nkabuuzibwa omu maisho ga Ruhanga, ahabw'Engiri ei mbuuriire. Nimuteekateeka ngu nkaayemerera hanu reero ngyezaho kubabuzabuza, kuruga aha Kintu eki ndikuteekateeka ngu kihikire? Nkaaba nimbatamu omuzimbwe kugyenda Mukakikora. Kwonka nimmanya ngu, kyaba kigwire, niinyenda ngu nkibaihemu, mbataasye omuri ekyo ekihikire. Buzima, kuruga aha mutima gwangye, Ruhanga n'omujurizi wangye, nimbakunda, buri omwe, na rukundo ya Ruhanga y'amazima, y'Abakristaayo. Ruhanga abahe omugisha. Munshabire.

Tindikumanya nyentsya yangye oku erikwija kuba, kwonka nimmanya Oine nyentsya yangye, n'ahabw'ekyo nimpuumurira omuri ekyo

Ekituuti eki, naakikwatsa omushaija ou nyinemu obwesigye bwingi munonga, nk'omuheereza wa Yesu Kristo, omuriisa waitu, Ow'eishe-emwe Neville.



[www.messagehub.info](http://www.messagehub.info)

Obutumwa obu bukabuurirwa  
**William Marrion Branham**  
 "... omu biro by'eiraka ..." Kush 10:7